

**Kalaallit Nunaanni pinerluttulerinermi inatsisip aamma Kalaallit  
Nunaanni eqqartuussisarnermik inatsisip allanngortinneqarnerat  
pillugit inatsisissatut  
siunnersuut**

(Digitaliusumik innarliisarnerit akiorneqarnissaannut suliniutit, matumanci isumapiloqarneq tunngavigalugu tatiginnilersitsiniaanerup, grooming-ip, inerteqqutinngortinneqarnera, meeqqamik atoqateqarnerup pinngitsaaliinermut naligiissinneqarnera, malunnaarsaarluni atoqateqarneq, upperisarsiortut aqutsisuisa atoqateqarniarlutik inuup pisariaqartitsineranik imaluunniit pinngitsuuisinnaannginneranik atornerluineri il.il.)

**§ 1**

Inatsimmut nalunaarut nr. [...], malillugu Kalaallit Nunaanni pinerluttulerinermi inatsimmi allannguutit tulluuttut suliarineqassapput:

**1. § 77, imm. 1-imi, oqaaseqatigiit aappaattut ilanngunneqassaaq:**

»Inummik pinerluttuliortumik allaasorinneq tunngavigalugu malunnaarsaarluni atoqatiginnittumut allatulluunniit kinguaassiuutitigut atassuteqartumut, tamanna aamma atuuppoq.«

**2. § 77, imm. 2-mi, oqaaseqatigiit aappaattut ilanngunneqassaaq:**

»Inummut 22-inik ukioqalereersimasumut aamma meeqqamik 15-it inorlugit ukiulimmik atoqateqartumut allatulluunniit kinguaassiuutitigut atassuteqartut aamma taanna atuuppoq.«

**3.** § 78, *imm. 2-mi oqaaseqatigiit aappaattut* ilanngunneqassaaq:

»Atoqateqarniarluni allatulluunniit kinguaassiuutitigut atassuteqarniarluni, upperisarsiortut aqutsisuata, taassumalu ilagiivini ilaasortaasup akornanni inuup pisariaqartitsineranik imaluunniit pinngitsuuisinnaajunnaarluni atassuteqarneranik, upperisarsiortut aqutsisuata ingasattumik atonerluineranut tamanna assinganik atuuppoq.«

**4.** § 80, *imm. 2-mi*, »allatulluunniit atoqateqarnikkut pissusilersortoq«-p kingorna ilanngunneqassaaq: »atassuteqarnerit kanngunarsaataasut atorlugit piitaajuitsuussusianik innarliisoq«.

**5.** § 81-p kingorna ilanngunneqassaaq:

»§ **81 a.** Pinerluttuliortup eqqunngitsuliorfigineqartumut kinguaassiuutitigut imminut iliuseqartitsinerani aalajangersakkat §§ 77-imiit 81 ilanngullugu taamatuttaaq atorneqassapput.«

**6.** § 82, *imm. 1-imi*, »pornografiimi« ima allanngortinneqassaaq: »kinguaassiuutitigut tunngasumik«.

**7.** § 82-ip kingorna ilanngunneqassaaq:

»§ **82 a.** Pineqartup ukiui pinerluttuliortup nalunngikkunigit, imaluunniit tamatumunnga tunngatillugu mianersuaatsuliorluni iliuseqaruni, inuk, systematiskiusumik imaluunniit uukapaatitsiniarluni ukiuni misilittakkanilu pissutigalugit pisinnaatitaanani allanit pitsaannerusut naleqarnerusutulluunniit imminut isigaluni, pineqartup kinguaassiuutitigut pinerluttuliorfigineqarnissaa siunertaralugu, inummut 18-it inorlugit ukiulimmut attaveqarnermik ineriartortitsisoq, isumapiloqarneq tunngavigalugu tatiginnilersitsiniaasutut, groomerisutut, eqqartuunneqassaaq.«

**8.** § 85, *imm. 1-imi* »Pornografiimik meeqqanut tunngasumik« ima allanngortinneqassaaq: »Inummik inuusuttumik kinguaassiuutitigut innarliinermut tunngassuteqartunik siaruarterinerit« aamma »assinginik

imaluunniit filmilianik assigisaanilluunniit takusassianik pornografiskiusunik siaruarterisoq« ima allangortinneqassaaq: »atortussat inummut kinguaassiuutitigut innarliinermut tunngassuteqartut, soorlu assit, filmiliat, atortussallu allat assilillugit sanaqqitat,«.

**9.** § 85, *imm. 2-mi*, »Taamatuttaaq pineqassaaq« ima allangortinneqassaaq: »Inummik inuusuttumik assinik imaluunniit atortussanik inummut kinguaassiuutitigut innarliinermut tunngassuteqartunik pigisaqartoq eqqartuunneqassaaq«, aamma »assit pornografiskiusut imaluunniit filmiliat, atortussanik inunnut kinguaassiuutitigut innarliinermut tunngassuteqartunik takusassianik allanik assigisaanilluunniit assilillugit sanaqqiinerit« ima allangortinneqassaaq: »atortussat inunnut kinguaassiuutitigut innarliinermut tunngassuteqartut, soorlu assit, filmiliat, assilillugillu sanaqqiinerit takuneqarsinnaasut allat«.

**10.** § 85, *imm. 3-imi* »assit, filmiliat assigisaalluunniit« ima allangortinneqassaaq: »atortussat inunnut kinguaassiuutitigut innarliinermut tunngassuteqartut«.

**11.** § 85, *imm. 4-mi* »assinginik pornografiskiusunik, filminik assigisaanilluunniit« ima allangortinneqassaaq: »atortussat inunnut kinguaassiuutitigut innarliinermut tunngassuteqartut, soorlu assit, filmiliat assigisaalluunniit«.

**12.** § 93, *imm. 1-imi* aamma *2-mi*, »pornografiskiusunik« ima allangortinneqassaaq: »assit imaluunniit atortussat inunnut kinguaassiuutitigut innarliinermut tunngassuteqartut, soorlu« aamma »pornografiskiusunik« ima allangortinneqassaaq: »kinguaassiuutitigut«.

## § 2

Inatsimmut nalunaarut nr. [...], malillugu Kalaallit Nunaanni eqqartuussisarnermik inatsimmi allangut tulliuuttoq suliarineqassaaq:

1. § 333, imm. 1-imi, oqaaseqatigiinni siullerni, »§ 77-81,«-ip kingorna ilanngunneqassapput: »§§ 77-81 malillugit § 82 a«, aamma oqaaseqatigiit aappaanni, »§§ 74 aamma 77-81« ima allanngortinneqassapput: »§§ 77-81 aamma § 84 a malillugit § 74, §§ 77-81, § 81 a«.

### § 3

Inatsit ulloq [1. juli 2024] atuutilissaaq

*Inatsisissatut siunnersuummut oqaaseqaatit*

*Oqaaseqaatit nalinginnaasut*

#### **Inatsisissatut sunnersuutip imaata allasimaffia**

2. Inatsisissatut siunnersuummi immikkoortut pingaarnerit

2.1. Isumapiloqarneq tunngavigalugu tatiginnilersitsiniaaneq, grooming

2.1.1. Inatsisit atuuttut

2.1.2. Digitaliusumik innarliisarnerit pillugit suleqatigiissitat isumaliutiginninnerat

2.1.3 Inatsiseqarnermut ministereqarfiup isumaliutiginninnera

2.1.4. Aaqqissuussineq siunnersuutigineqartoq

2.2. Taama piumanani imminut kinguaassiuutitigut iliuseqartinneqarnerit

2.2.1. Inatsisit atuuttut

2.2.2. Digitaliusumik innarliisarnerit pillugit suleqatigiissitat isumaliutiginninnerat

2.2.3. Inatsiseqarnermut ministereqarfiup isumaliutiginninnera

2.2.4. Aaqqissuussineq siunnersuutigineqartoq

2.3. Isumapiloqarneq tunngavigalugu tatiginnilersitsiniaanermik, grooming-imik aamma taama piumanani imminut kinguaassiuutitigut iliuseqartinneqarnernut eqqugaasunut illersuisumik ivertitsineq

2.3.1. Inatsisit atuuttut

2.3.2. Inatsiseqarnermut ministereqarfiup isumaliutiginninnera

2.3.3 Aaqqissuussineq siunnersuutigineqartoq

2.4 Inunnik 18-it inorlugit ukiulinnik, pinerluttuliortup ilinniartitassatut perorsagassatulluunniit paarisassatut tatigineqarluni tigummiaanik il.il. kannguttaalliorfiginninneq

2.4.1. Inatsisit atuuttut

2.4.2. Digitaliusumik innarliisarnerit pillugit suleqatigiissitat isumaliutiginninnerat

2.4.3 Inatsiseqarnermut ministereqarfiup isumaliutiginninnera

2.4.4 Aaqqissuussineq siunnersuutigineqartoq

2.5. Pinerluttulerinermi inatsimmi §§ 82, imm. 1-ip, § 85, imm. 1-ip, 2-p aamma 4-p, aamma § 93, imm. 1-ip aamma 2-p nutarterneqarnerat

2.5.1 Inatsisit atuuttut

2.5.2. Digitaliusumik innarliisarnerit pillugit suleqatigiissitat isumaliutiginninnerat

2.5.3. Inatsiseqarnermut ministereqarfiup isumaliutiginninnera aamma aaqqissuussineq siunnersuutigineqartoq

2.6. Malunnaarsaarluni atoqateqarnerup allatulluunniit kinguaassiuutitigut atassuteqarnerup pinngitsaaliinertut naligiissinneqarnera

2.6.1. Inatsisit atuuttut

2.6.2. Inatsiseqarnermut ministereqarfiup isumaliutiginninnera

2.6.3. Aaqqissuussineq siunnersuutigineqartoq

2.7. Meeqqanik atoqateqarneq pillugu pinerluttulerinermi inatsimmi § 77, imm. 2-p allangortinneqarnera

2.7.1. Inatsisit atuuttut

- 2.7.1.1. Pinngitsaaliineq pillugu pinerluttulerinermi inatsimmi § 77
- 2.7.1.2. Meeqqamik 15-it inorlugit ukiulimmik atoqateqarnek allatulluunniit kinguaassiuutitigut atassuteqarnek pillugu pinerluttulerinermi inatsimmi § 79
- 2.7.1.3. Meeqqamik 15-it inorlugit ukiulimmik allatut kinguaassiuutitigut atassuteqarnek pillugu suliani unnerluussisoqannginnissaa
- 2.7.2. Inatsiseqarnermut ministereqarfiup isumaliutiginninnera
- 2.7.3. Aaqqissuussineq siunnersuutigineqartoq
- 2.8. Upperisarsiortut pinngitsuuisinnaannginnerannik ingasattumik atornerluineq
  - 2.8.1. Inatsisit atuuttut
  - 2.8.2. Inatsiseqarnermut ministereqarfiup isumaliutiginninnera
  - 2.8.3. Aaqqissuussineq siunnersuutigineqartoq
- 3. Naalagaaffiit Peqatigiit nunarsuarmut anguniagaasa naammassineqarnissaannut kinguneri
- 4. Naligiissitaanermut kinguneri
- 5. Pisortanut aningaasaqarnikkut kinguneri aamma atortuulersitsinerup kinguneri
- 6. Inuussutissarsiortunut il.il. aningaasaqarnikkut allaffissornikkullu kinguneri
- 7. Innuttaasunut allaffissornikkut kinguneri
- 8. Silaannaap allangoriartorneranut kinguneri
- 9. Avatangiisinut- pinngortitamullu kinguneri
- 10. EU-mi inatsisitigut tunngassuteqartut
- 11. Oqartussat suleqatigiiffiillu il.il. tusarniaaffigineqartut
- 12. Immersugaq eqikkaaffiusoq

## 1. Aallaqqaasiut

Qanittumik aamma aaqqiissutissiinissaq sammivigalugu naalakkersuisut Kalaallit Nunaannik suleqatiginninnissamik kissaateqarput. Taamaammat ilaatigut Kalaallit Nunaanni qallunaat akisussaaffigalugit suliaasaqarfiini tamanut atugassiat Danmarkimi tamanut atugassianik malinninnissaat – nunat akornanni pissutsit assigiinngissutillu ataqqillugit – naalakkersuisut sulissutigaat.

Suliamut tassunga ilaatillugu, Naalakkersuisut kissaateqarnerat malillugu, inatsisissatut siunnersuut Inatsiseqarnermut ministereqarfiup suliarisimavaa, taannalu pinerluttulerinermi inatsimmi kinguaassiuutitigut pinerluttuliornerit pillugit kapitali 18-imi allannguutinik arlalinnik imaqarpoq, matumani isumapiloqarneq tunngavigalugu tatiginnilersitiniaaneq, grooming, pillugu inerteqquteqarneq, meeqqamik atoqateqarnerup pinngitsaaliinermut naligiissinneqarnera, malunnaarsaarluni atoqateqarnerup pinngitsaaliinermut naligiissinneqarnera, aamma atoqateqarniarluni allatulluunniit kinguaassiuutitigut atassuteqarniarluni upperisarsiortut aqutsisuata upperisarsiortut pisariaqartitsinerannik imaluunniit pinngitsuuisinnaanginneranik atornerluinerata pinerluutinngortinneqarnera.

Digitaliusumik innarliinerit assersuutigalugu kinguaassiuutitigut imaluunniit atortussat innarliinermut atornerqartut allat atorlugit avitseqatigiinnerit, digitaliusumik ineriartornerup kingunerisaanik annertusiartortumik ajornartorsiutinngorput aamma tassaallutik amerlavallaanut, ingammik meeqqanut inuusuttunullu, kissaatigineqanngitsumik atugarineqartartut. Tamatuma peqatigisaanik internetti soqutiginnilersitsisunik, suliniuteqarfiusunik assigisaannillu aallaavinnik pilersitsisimavoq, taakkulu inersimasut, meeqqat inuusuttullu kinguaassiuutitigut innarlerneqarnissaat siunertaralugu, meeqqanik inuusuttunillu eqqortiasinnaasunik ajornanginnerujussuarmik attaveqarsinnaangortissimavaat. Taamaattoqarnerata saniatigut, ingammik meeqqat inuusuttullu sextortion-imik taaneqartartumik atugaqartinneqartartut pillugit assersuutissaqarpoq, tassani tamataqarani assit assigisaalluunniit avitseqatigiissutigineqarnissaat siorasaarutigalugu meeqqat inuusuttullu pinngitsaalineqartarlutik.

Qallunaat pillaasarnermik inatsisaanni allannguutit marluk inatsisissatut siunnersuutip tunngavigai, taakku ilaatigut tassaapput pillaasarnermik inatsisip il.il. allanngortinneqarneri pillugit inatsimmi nr. 226, 15. februar

2022-imeersumi (meeqqanut kinguaassiuutitigut innarliisarnerit akiorniarlugit suliniutit patajaallisarneqarnerat aamma kinguaassiuutitigut innarlerneqarnermik eqqugaasunut siunnersuisarnerup patajaallisarneqarnera), ilaatigullu tassaalluni pillaasarnermik inatsisip aamma eqqartuussisarnermik inatsisip allanngortinneqarneranik inatsisit nr. 741, 13. juni 2023-imeersoq (digitaliusumik innarliinerit akiorneqarnissaannut suliniutit, matumani isumapiloqarneq tunngavigalugu tatiginnilersitsiniaanerup, grooming-ip, inerteqqutinngortinneqarnera, malunnaarsaarluni atoqateqarnerup pinngitsaaliinermut naligiissinneqarnera, atoqateqarniarluni allatulluunniit kinguaassiuutitigut atassuteqarniarluni upperisarsiortut aqutsisuata upperisarsiortut pisariaqartitsinerannik imaluunniit pinngitsuuisinnaannginneranik atornerluineq il.il.). Kingullertut allannguut taaneqartoq Digitaliusumik innarliisarnerit pillugit suleqatigiinnit suliarineqarpoq. »Politiit unnerluussisussaataasullu aningaasaqarnerat pillugu 2021-imiit 2023 ilanngullugu isumaqatigiissut« pillugu partiit isumaqatigiissuteqartut digitaliusumik innarliisarnerit akiorniarlugit suliniutit patajaallisarneqarnissaat isumaqatigiissutigaa. Tamanna tunuliaqutaralugu digitaliusumik pinerluttuliortarnerit pillugit suleqatigiissitat pilersinneqarput suleqatigiissitarlu Inatsiseqarnermut ministereqarfimmit, Rigsadvokat-imit, Rigspolitiinit, ilisimatusarfinit, Dommerforening-imit, Advokatsamfund-imit aamma DanskeAdvokat-init, Red Barnet-imit, Digitalt Ansvar-imit aamma Børns Vilkår-imit peqataaffigineqarpoq.

Ineriartornerup digitaliusup kinguneranik Danmarkimi unammilligassat assinginik Kalaallit Nunaanni unammilligassaqaalersoq Inatsiseqarnermut ministereqarfiup nalilerpaa, soorlu aamma tamatuma saniatigut Kalaallit Nunaanni kinguaassiuutitigut innarliisarnerit akiorniarlugit suliniutit patajaallisarneqarnissaat pisariaqartoq nalilerneqartoq. Tamakku tunngavigalugit pinerluttulerinermi inatsimmi allannguutit tulliuuttut siunnersuutigineqarput:

Isumapiloqarneq tunngavigalugu tatiginnilersitsiniaanermik taaneqartartoq, grooming-i, pillugu aalajangersakkamik immikkut ittumik ilanngussisoqassaaq. Isumapiloqarneq tunngavigalugu tatiginnilersitsiniaaneq, grooming, pillugu aalajangersakkamik nutaamik ilanngussisoqarnissaanut uiggiutitut, suliani isumapiloqarneq tunngavigalugu tatiginnilersitsiniaanermut, grooming-imut, tunngassuteqartuni, eqqunngitsuliorfigineqartoq, kinguaassiuutitigut pinerluttuliornerni pisartut allat assigalugit, eqqartuussisarnermik inatsimmi § 333 malillugu illersuisumik illersuisoqartinneqarnissamik periarfissinneqarnissaaq.



Inunnut 18-it inorlugit ukiulinnut, pinerluttuliortup qinornassarisaanik imaluunniit qitornarsiarisaanik imaluunniit ilinniartitassat perorsagassatulluunniit assigisaanilluunniit tatigineqarluni paarisaanik kinguaassiuutitigut atassuteqarnermik pinerluttulerinermi inatsisip inerteqquteqarnera, annertusineqassaaq taamaalilluni siunissami aamma kannguttaalliorfiginninneq ilaatinneqalissalluni. Assersuutigalugu siunissami atuartup ilinniartitsisuminit kannguttalliorfigineqarnermik iliuseqarfigineqarnerani atuartup akuersissuteqaqqaarsimanera pinngitsuutitsissutaasussaajunnaassasoq allannguinerup ilaatigut kingunerissavaa.

Pinerluttulerinermi inatsisip atoqateqarneq aamma allakkut kinguaassiuutitigut atassuteqarnerit pillugit aalajangersakkat annertusineqassapput, taamaalillutik siunissami kinguaassiuutitigut iliuitsit, pinerluttuliortup eqqunngitsuliorfigineqartumut imminut iliuseqartitsineranut tunngassuteqartut ilaatinneqalissallutik, matumani sextortion-imik taaneqartartoq ilanngullugu. Assersuutigalugu eqqugaasup kinguaassiornermut tunngasut pillugit imaluunniit inummut tunngalluinnartut assit videoliallu siammarterneqarnissaat siorasaarutigalugu – eqqunngitsuliorfigineqartup kinguaassiuutitigut imminut iliuseqarnissaanut pinerluttuliortup peqqusineranik kinguneqartut, siunissami pinerluttulerinermi inatsimmi pinngitsaaliineq, kinguaassiuutitigut atonerluineq, meeqqanut kinguaassiuutitigut atassuteqarneq aamma alutorineqarneq, kinaassuseq, kusagineqarneq, atisalersornerneq, neriorsuutit il.il. ikiorsiullugit inummik kajungilersitsiniaaneq pillugit aalajangersakkanut ilaatinneqalernerat atuuffiup annertunerulersinneqarnerata ilaatigut kingunerissavaa. Iliuitsit taamaattuut ullumikkut nalinginnaasumik inatsisit unioqquutillugit pinngitsaaliinertut aamma kannguttaalliorfiginninnertut pinerluutinngortinneqartarput. Tassunga uiggiullugu eqqunngitsuliorfigineqartut suliani taamaattuni ilaatinneqartut, eqqunngitsuliorfigineqartut kinguaassiuutitigut pinerluttuliorneq pillugu suliani allani eqqunngitsuliorfigineqartut assigalugit, eqqartuussisarnermik inatsimmi § 333 malillugu illersuisoqartinneqarnissaat siunnersuutigineqarpoq.

Pinerluttulerinermi inatsimmi taaguutit allanngortinneqassapput, taamaalilluni »Pornografiimik meeqqanut tunngasumik« aamma meeqqanik atortussanik »pornografiskiusunik« siunissami meeqqanik »kinguaassiuutitigut« atortussanik taaneqartalissallutik.

Allannguutissatut siunnersuutit taakku saniatigut, digitaliusumik innarliinerit pillugit suleqatigiissitat innersuussutaannik naammassinnittut imaluunniit allatigut attuumassuteqartut, pinerluttulerinermi inatsimmi kinguaassiuutitigut pinerluttuliornerit pillugit kapitalimi allannguutinik pingasunik allanik allannguuteqarnissamik inatsisissatut siunnersuut siunertaqarpoq:

- Pinerluttuliortoq 22-inik ukioqalereersimappat, meeqqamik 12-iniit 14-it ilanngullugit ukioqartumik atoqatiginninneq allatulluunniit kinguaassiuutitigut atassuteqarneq pinngitsaaliinertut pinersuutinngortinneqassasoq siunnersuutigineqarpoq. Pinerluttuliortup ukiui apeqqutaatinnaq, meeqqamik 12-it inorlugit ukiulimmik atoqatiginninneq aamma allatut kinguaassiuutitigut atassuteqarneq allangortinnagu pinngitsaaliinertut pinerluutaassaaq.

- Eqqunngitsumik paasissutissiilluni inuup pinerluttuliortumik allaasorinninnera tunngavigalugu malunnaarsaarluni inummik atoqatiginninneq allatulluunniit kinguaassiuutitigut atassuteqarneq pinngitsaaliinertut pinerluutinngortinneqarnissaa siunnersuutigineqarpoq.

- Inuup sulinermut, aningaasaqarnermut, katsorsarneqarneqarnermulluunniit imaluunniit paaqqutarineqarnissamut atatillugu pinngitsuisinnaanngitsup, pineqartumik atoqatiginninnissaaq allatulluunniit kinguaassiuutitigut atassuteqarnissaa anguniarlugu, ingasattumik atornerlunneqarnera pillugu pinerluttulerinermi inatsimmi inerteqquteqarnerup annertusineqarnissaa, taamaalilluni upperisarsiorlut aqutsisuiata ilagiimminilu ilaasortap akornanni pinngitsuisinnaajunnaarluni atassuteqarneq piusinnaasoq, ilaasortamik atoqateqarniarluni allatulluunniit kinguaassiuutitigut atassuteqarniarluni upperisarsiorlut aqutsisuata ingasattumik atornerluppagu, taamaaliornerup pinerluutinngortinneqarnissaa siunnersuutigineqarpoq.

## **2. Inatsisissatut siunnersuummi immikkoortut pingaarnerit**

### **2.1. Isumapiloqarneq tunngavigalugu tatiginnilersitsiniaaneq, grooming**

#### **2.1.1. Inatsisit atuuttut**

Isumapiloqarneq tunngavigalugu tatiginnilersitsiniaaneq, grooming, pisutut inuup, pineqartup kinguaassiuutitigut innarlerneqarnissaa imaluunniit meeqqap inuusuttulluunniit assinik tamataqanngitsunik imaluunniit assinik kinguaassiuutinut tunngassuteqartunik nassiussinissaa siunertarlugu,

meeqqamut imaluunniit inuusuttumut tatiginnilernissamik ineriartortitsineratut paasineqassaaq.

Ullumikkut pinerluttulerinermi inatsit isumapiloqarnej tunngavigalugu tatiginnilersitsiniaaneq, grooming, pillugu immikkut ittumik aalajangersakkamik imaqanngilaq.

Taamaattoq isumapiloqarnej tunngavigalugu tatiginnilersitsiniaaneq, grooming, pissutsit malillugit pinerluttulerinermi inatsimmi aalajangersakkani allani unioqqutitsinerusinnaavoq, assersuutigalugu soorlu kinguaassiuutitigut innarliinissamik misiliinermi, kannguttaalliorfiginninnermi imaluunniit inummik 18-it inorlugit ukiulimmik pornografiskiusunik atortussanik inummut kinguaassiuutitigut innarliinermut tunngassuteqartunik immiussinermi, pigisaqarnermi imaluunniit siammarterinermi.

Isumapiloqarnej tunngavigalugu tatiginnilersitsiniaaneq, grooming, assersuutigalugu pissutsit malillugit pinerluttulerinermi inatsimmi § 77, imm. 2-imik, imaluunniit § 79-imik unioqqutitsinertut eqqartuussutigineqarsinnaavoq, taakkunani meeqqamik 15-it inorlugit ukiulimmik atoqateqarnej allatulluunniit kinguaassiuutitigut atassuteqarnej pinerluutinngortinneqarput.

Meeqqamik atoqateqarnissaq allatulluunniit kinguaassiuutitigut atassuteqarnissaq anguniarlugu inuk meeqqamik 15-it inorlugit ukiulimmik naapeqatiginninniarluni isumaqatigiissusiortoq, taamaalilluni pissutsit malillugit pinerluttulerinermi inatsimmi aalajangersakkat taaneqartut unioqqutinneqarnissaannik misiliisutut § 12 malillugu eqqartuunneqarsinnaassaaq. Pinerluttuliortoq kinguaassiuutitigut innarliinissaq siunertarlugu, meeqqamik 15-it inorlugit ukiulimmik atassuteqarsimappat, taamaalilluni isumapiloqarnej tunngavigalugu tatiginnilersitsiniaanerup, grooming-ip ingerlanneqarnerani siusissumi, pinerluttuliortup siunertaqarluni attaveqarnerup malitsigisaanik meeqqamut kinguaassiuutitigut pinerluuteqarniarnera uppersineqarsinnaappat, ukiukitsumik atoqatiginninniarnermik misiliinertut oqaatigineqarsinnaavoq eqqartuussutigineqarsinnaallunilu.

Tamatuma saniatigut pinerluttulerinermi inatsimmi § 84, imm. 1 malillugu pissutsit malillugit isumapiloqarnej tunngavigalugu tatiginnilersitsiniaaneq, grooming, assersuutigalugu kannguttaalliorfiginninnertut pinerluutinngortinneqarsinnaassaaq.

Aalajangersagaq taanna malillugu pinerluttuliortoq kanngunartumik pissusilersornikkut piitaajuitsuussusermik innarliisutut eqqartuunneqarsinnaavoq.

Pinerluttuliortup meeqqamik inuusuttumilluunniit atassuteqarneranut atatillugu meeraq inuusuttorluunniit assinik tamataqanngitsunik imaluunniit kinguaassiuutitigut tunngassuteqartunik nassiussitippagu, pissutsit malillugit taamaaliorneq pinerluttulerinermi inatsimmi § 85 imm. 2 malillugu tamanna eqqartuussissutaasinnaavoq. Inuit 18-it inorlugit ukiullit pillugit pornografiskiusunik assinik filminilluunniit, assinik imaluunniit atortussanik inunnut kinguaassiuutitigut innarliinermut tunngassuteqartunik allanik pornografiskiusunik assigisaannilluunniit takusassianik assilillugit sanaqqiinerit pillugit, piginnittoq imaluunniit akiliilluni imaluunniit internetti systemiluunniit assingusooq paasissutissanik siammarterutaasoq atorlugu ilisimasaqalersooq, malittarisassaaq taanna malillugu eqqartuunneqassaaq.

Pinerluttulerinermi inatsimmi aalajangersakkanik unioqqutitsinermi pineqaatissiineq, matumani pinerluttulerinermi inatsimmi kinguaassiuutitigut pinerluttuliornerit pillugit kapitali ilanngullugu, aallaaviatigut siunertaqarsimanissamik piumasaaqateqarfivoq. Eqqunngitsuliorfigineqartup ukiua, iliuutsip imaanik naammassinninnissamut piumasaaqaataappat, soorlu tamanna ilaatigut pinerluttulerinermi inatsimmi § 72, imm. 2-mi takuneqarsinnaasoq, taamaalilluni aamma eqqunngitsuliorfigineqartup ukiunik aalajangersimasunik ataatsisimanera pillugu pinerluttuliortoq siunertaqarsimassaaq.

Kisianni pisumi, pinerluttuliortoq taamaallaat meeqqap ukiuanut tunngatillugu mianersuaallioortumik iliuseqarsimappat, taamaaliornerup aalajangersakkap taassuma inerteqquteqarfianut ilaanera pinerluttulerinermi inatsimmi § 79-ip malitsigaa.

2.1.2. Digitaliusumik innarliisarnerit pillugit suleqatigiissitat isumaliutiginninnerat.

Pillaasarnermik inatsisip aamma eqqartuussisarnermik inatsisip allanngortinneqarnera pillugu inatsit nr. 741,-ikkut 13. juni 2023-imeersukkut (digitaliusumik innarliinerit akiornialugit suliniutit, matumani isumapiloqarneq tunngavigalugu tatiginnilersitsiniaaneq, grooming, pillugu inerteqquteqarneq, malunnaarsaarluni atoqateqarnerup pinngitsaaliinermut

naligiissinneqarnera, atoqateqarnissamik il.il. pissarsiniarluni upperisarsiortut aqutsisuata upperisarsiormik pinngitsuuisinnaanginnermik atornerluinerat) qallunaat pillaasarnermik inatsisaanni digitaliusumik isumapiloqarneq tunngavigalugu tatiginnilersitsiniaaneq, grooming, pillugu aalajangersakkamik (§ 231) ikkussisoqarpoq. Digitaliusumik innarliisarnert pillugit Suleqatigiissitap innersuussinera malillugu ilanngunneqarpoq.

Internetti ullumikkut meeqqat inuusuttullu inooqatigiinnut tunngassuteqartumik silarsuaanni ilaalluinnartoq, aamma taanna inunnik nalunngeriikkanik attaveqarnermut inunnillu nutaanik naapitsinissamut atornerqartartoq, digitaliusumik innarliisarnert pillugit suleqatigiissitamit nalunaarusiami qupperneq 56-imiit siumullu takuneqarsinnaavoq.

Kisianni inuit, meeqqanik kinguaassiuutitigut innarliiniartut, meeqqanut taakkununga attaveqarsinnaanerat, ilaatigut eqqunngitsunik kinaassutsit atorlugit, teknologiskiusumik ineriartornerup aamma internettip atugaanerata siaruarsimaqisup, amerlanerusunik periarfississimavaa. Meeraq inuusuttorluunniit inummit, qanittumik attaveqarfiginnguatsiariikkaminit innarlerneqartoq, taamaalilluni ingerlanerup kingusissuani aatsaat innarlineq pineqartoq paasissavaa. Meeqqap inuusuttulluunniit (kinguaassiuutitigut) atassuteqalernissamik aallarniisissaanut, alutorineqarneq, kinaassuseq, kusagineqarneq, atisalersornerneq, neriorsuutit il.il. ikiorsiullugit inummik kajungilersitsiniaanermik ingerlatsineq, tassani pinerluttuliortoq salluliornerit, nersuinninnerit oqaatsillu nersualaarinnittut atorlugit qanittumik attaveqarnermik pilersitsinissamik misilisimanera, tassunga pissutaasinnaavoq. Taamaalilluni meeraq inuusuttorluunniit nammineq kajumissutsini malillugu kinguaassiuutitigut atoqatiginnittut isumaliortinneqarnissaminut uukapaatinneqarpoq.

Taamatut uukapaatitsinermik ingerlatsineq ilisaqqunnartumik piffissani killilinni assigiinngitsuni ingerlanneqartartoq, tassani alloriarnert ataasiakkaat immikkoortillugit isigigaanni ajornartorsiutaanngitsutut isikkoqarlutik, suleqatigiissitap nalunaarusiaani aammattaq takuneqarsinnaavoq. Taamaalilluni ingerlatsineq pinerluttuliortup meeqqamik inuusuttumilluunniit atassuteqarneranik, atassuteqarnerullu kinguaassiuutitigut tunngassuteqanngitsumik atassuteqarneruneranik aallartissinnaavoq. Tamatuma kingorna pinerluttuliortoq ilisaqqunnartumik atassuteqarneq ineriartortinniarlugu misilissavaa, taamaalilluni pinerluttuliortoq sunilluunniit tamanik oqaloqatigisinnaasatut qanittutullu

ikinngutitut meeqqap inuusuttulluunniit isigilerniassammasuk. Qanoq iliorneq piffissap ingerlanerani pisarmat, taamaalilluni isumapiloqarneq tunngavigalugu tatiginnilersitsiniaanermut, grooming-imut, ilisarnaqutaavoq, tassani meeqqap inuusuttulluunniit innarliisoqarnera ilisimaneq ajorpaat. Tamatuma kingorna taamaattumik meeraq inuusuttorluunniit imminnut kanngusuutigalutik pisorlu pillugu kanngusullutik kiisalu akuusut akornanni tatigeqatigiinnerup ineriartortinneqarsimasup kipitinneqarsimanera misigisarpaat.

Taamaalilluni innarliineq, pinerluttuliortup pinngitsoornagu piumasaralugu anguniagaa, taamaallaat timikkut imaluunniit digitaliusumik kinguaassiuutitigut innarliineruneq ajorpoq. Suleqatigiissitat malillugit, innarliineq aamma meeqqap inuusuttulluunniit, salloqittaannikkut namminneq innarliinermut isumaqataasutut isumaqalersittarpai, aamma meeqqap inuusuttulluunniit pinerluttuliortumut tatiginninnermik takutissimasaannik ingasattumik atonerluinertut innarliineq ittarpoq.

Tamanna tunngavigalugu, digitaliusumik innarliisarnerit pillugit suleqatigiissitat nalunaarusiaanni quppernerit 62-imiit siumut malillugit, qallunaat pillaasarnermik inatsisaanni immikkut ittumik aalajangersakkamik ilanngussisoqartariaqarnera suleqatigiissitani amerlanerussuteqartut innersuussutigaat, aalajangersakkallu ingerlatsineq, tassani inuup meeqqamik inuusuttumilluunniit, digitaliusumik imaluunniit timikkut kinguaassiuutitigut innarliinissaq anguniarlugu atassuteqaammik ineriartortitsinermik ingerlatsineq pinerluutinngortissavaa. Digitaliusumik innarliisarneq pillugu suleqatigiissitat nalunaarusiaanni qupperneq 63-imiit siumullu malillugit, qallunaat pillaasarnermik inatsisaanni isumapiloqarneq tunngavigalugu tatiginnilersitsiniaaneq, grooming, pillugu aalajangersakkamik immikkut ittumik ilanngussisoqartariaqanngitsoq suleqatigiissitani ikinnerussuteqartut isumaqarput.

Isumapiloqarneq tunngavigalugu tatiginnilersitsiniaaneq, grooming, pillugu aalajangersakkap ilusilersorneqarnerani, aalajangersakkami taamaallaat meeqqap inuusuttulluunniit inuullu meeqqamik inuusuttumilluunniit utoqqaanerusup akornanni assuarnartumik atassuteqarnerup pineqarnissaata, aamma atassuteqarnernut inatsisitigut akuerisaasunut akornusiinnginnissaata qulakkeerneqartariaqarnera, amerlanerussuteqartut sianigisimagaat, suleqatigiissitat nalunaarusiaanni takuneqarsinnaavoq.

Tamatuma peqatigisaanik innarliineq, meeqqap inuusuttulluunniit ikinngutinnersutut tatiginartutullu isigisaannik, pinerluttuliortup

atassuteqaammik ineriartortitsiniarluni, kisianni pinerluttuliortup meeqqamik inuusuttumilluunniit kinguaassiuutitigut innarlerneqarnissaa siunertaralugu atassuteqalenera, meeqqap inuusuttulluunniit tatiginninneranik atonerluisuusoq, pillugu qallunaat pillaasarnermik inatsisaanni immikkut ittumik immikkoortumik pinerluutinngortitsisoqarnissaa pisariaqartinneqartoq, amerlanerussuteqartut isumaqarput.

Tassunga atatillugu taamatut pinerluutinngortitsinerup, isumapiloqarneq tunngavigalugu tatiginnilersitsiniaanermik, grooming-imik, ingerlatsineq immiini pillatissiissutigineqarnissaminut naleqquttuunera pillugu erseqqissumik kalerrisaarutaasup, meeqqat inuusuttullu isumapiloqarneq tunngavigalugu tatiginnilersitsiniaanermik, grooming-imik, nalaataqarsimasut, atassuteqaatip ineriartorsimaneranut akisussaaqataanernik misigisimanertik pissutigalugu pisuunermik kanngusunnermillu amerlanertigut tamatuma kingorna misigisartagaasa, peerneqarnissaannut ilapittuutaasinnaanera, amerlanerussuteqartut pingaartippaat. Taamaammat, isumapiloqarneq tunngavigalugu tatiginnilersitsiniaanermik, grooming-imik, ingerlatsineq pisut malillugit kinguaassiuutitigut innarliiniarnertut pillaatissiissutigineqartariaqanngitsoq amerlanerussuteqartut isumaqarput.

Tassunga aamma ilaavoq – kinguaassiuutitigut sammisaq atassuteqarnermi ilisaritinneqareersimagaluarpalluunniit – amerlanertigut sulisaaseq malillugu siunertaqarnerup aalajangerneqarnissaa suleqatigiissitat malillugit ajornakusoorsinnaammat, matumami pinerluttuliortumit pinerluuteqarnerup aalajangersimasup sorliup siunertaqarluni pinerluutiginiarneqarsimanerata erseqqissuunnginnera pissutigalugu.

Pinerluuteqarnermit naammassineqartumit pinerluttuliortup tunuarnissaminut kajumilersinneqarnissaanut aarlerinaat, isumapiloqarneq tunngavigalugu tatiginnilersitsiniaaneq, grooming, pillugu immikkut ittumik aalajangersakkamik, naammassinissimanermut pissutsip pilertortunngortinneqarneranik kinguneqartumik, ilanngussisoqarneratigut, sanngiillineqarsinnaanera atuutilersinneqarsinnaasoq, amerlanerussuteqartut sianigisimagaat, suleqatigiissitat nalunaarusiaanni aammattaaq takuneqarsinnaavoq. Taamaattoq pinerluttuliortoq suli kinguaassiuutitigut innarliinermik naammassineqartumik iliuuseqannginnissaminut kajumilersinneqarsinnaasoq, matumani isumapiloqarneq tunngavigalugu tatiginnilersitsiniaaneq, grooming, pillugu pillaatisiaq kinguaassiuutitigut innarliinermut naammassineqartumut

pillaatisiamit pingaarutilimmik appasinnerusinnaanera eqqarsaatigalugu, amerlanerussuteqartut isumaqarput.

Isumapiloqarneq tunngavigalugu tatiginnilersitsiniaanermi, grooming-imit, peqqarniinnerusunik pinerluttuliornissaq pinerluttuliortup nammineq piumassutsini malillugu taamaatissimaneraa, eqqartuussiviit pillaatissiinermut atatillugu eqqarsaatigisinnaassagaat, amerlanerussuteqartut allakkut maluginiarpaat. Aammattaaq suliami pissutsit piviusut ataatsimut nalilersorneqarneranni tamanna pissutissaqarsorineqarpat, aamma pinerluttuliortup assingusunik iliuseqaqqinnginnissaanut aallaavinnik qularnangitsunik peqarpat, assersuutigalugu pinerluttuliortup naleqquttunik nakorsaatinik katsorsarneqarnissani ugartorsimappagu tigusimappagulu imaluunniit katsorsarneqassutigilersimappagu, pisuni isumapiloqarneq tunngavigalugu tatiginnilersitsiniaasogarnerani, grooming-isoqarnerani, unnerluussisussaataasut unnerluussinissamik taamaatitsiinnarsinnaanermik periarfissamik atuisinnaapput.

Isumapiloqarneq tunngavigalugu tatiginnilersitsiniaaneq, grooming, pillugu qallunaat pillaasarnermik inatsisaanni aalajangersakkamik, assersuutigalugu meeqqamik 15-it inorlugit ukiulimmik atoqateqarneq pillugu qallunaat pillaasarnermik inatsisaanni § 222-imiit appasinnerusunik pillaatissiinermik ilanngussisoqarnissaanut, aalajangersakkap nutaap malitsigisaanik kinguaassiuutitigut innarliiniarnermi uppersaasussaananermut naleqqiullugu isumapiloqarneq tunngavigalugu tatiginnilersitsiniaaneq, grooming, pillugu suliani uppersaasussaananerup oqinnerunissaanut aarlerinaat pilersinnaasoq, tamatuma saniatigut suleqatigiissitat amerlanersaasa maluginiarpaat.

Taamaattoq tassunga atatillugu qallunaat pillaasarnermik inatsisaanni immikkut ittumik isumapiloqarneq tunngavigalugu tatiginnilersitsiniaaneq, grooming, pillugu aalajangersagaq malillugu suliani, taakkunani pinerluuteqarnermik erseqqinnerusunik erseqqissakkamik naammattumik uppersaasatissanngitsutut nalilerneqarlutik, ilaatinneqarsinnaammata amerlanerussuteqartut pingaartippaat. Kinaassusersiunnginnissamik tunngavik nalinginnaasoq aallaavigalugu, kinguaassiuutitigut innarliinissamik misiliineq pillugu eqqartuussisoqarsinnaasoq unnerluussisussaataasut naliliippata, taamaalillutik tamanna pillugu unnerluussisussaataasut piumasaqaateqarsinnaapput, ajornanngippallu isumapiloqarneq tunngavigalugu tatiginnilersitsiniaaneq, grooming, pillugu



aalajangersagaq malillugu pingaanginnerusumik piumasaqaat malillugu eqqartuussisoqarnissaa piumasaqaatigisinnaallugu.

Suleqatigiissitani amerlanerussuteqartut, immikkut ittumik isumapiloqarnek tunngavigalugu tatiginnilersitsiniaaneq, grooming, pillugu pinerluutinngortitsinissamik innersuussuteqartut, qaqugukkut isumapiloqarnek tunngavigalugu tatiginnilersitsiniaaneq, grooming, pillugu aalajangersakkap atorqearsinnaaneranut ukiorititat killissaat pillugit apeqqummi avissaartuupput. Tassani amerlanerussuteqartut ukiunut killerititat, inummik atoqateqarsinnaatitaalersinnani inuup minnerpaamik ukiorisassai assigalugit ukiunut 15-inut inissinneqarnissaat taamaallutik innersuussutigivaat, massa ikinnerussuteqartut nalinginnaasumik inatsisitigut pisussaaffeqalernermi pisuussutillu naalagaaffigilersinnaanerannut ukiorititap 18-iuneranut naapertuuttumik ukiunut killissarititaasut inissinneqarnissaat innersuussutigigaat.

Amerlanerussuteqartut ukiunut killerititat 15-iunissaannik innersuussuteqartut, taamaattumik inummik atoqateqarsinnaatitaalersinnani inuup minnerpaamik ukiorisassaasa assinginik ukiunut killissarititaniinnerup, inuusuttut 15-it 17-illu akornanni ukiullit naligiinneq kissaatigineqartumillu illugiilluni kinguaassiuutitigut atassuteqarnissaq siunertaralugu atassuteqarnernik ineriartortitsisarnerat nalinginnaasumik pisarmat – aamma ilaannikkut inunnik inuusuttumit annertuumik utoqqaanerusumik – akuersarneqarnissaa ilaatigut oqaatigaat. Isumapiloqarnek tunngavigalugu tatiginnilersitsiniaaneq, grooming, pillugu aalajangersakkat, taama tulleriillutik, norskit, svenskit hollandimiullu eqqartuussisarneranni nassaassaasut, nunani taakkunani pineqartuni inummik atoqateqarsinnaatitaalersinnani inuup minnerpaamik ukiorisassaannut naapertuuttumik aalajangersarneqarmata amerlanerussuteqartut aammattaaq tikkuarpaat.

15-iniit 17-inut ukiullit, suli ineriartortut, taakku kinguaassiuutitigut akisussaaitaagaluarpataluunniit apeqqutaatinnagu, annertuumik illersortariaqarnerat eqqarsaatigisariaqartoq, aamma isumapiloqarnek tunngavigalugu tatiginnilersitsiniaaneq, grooming, pillugu aalajangersakkami taamaamat pisut, tassani pinerluttuliortoq inummut, allatut inersimasunut isigineqarnissamut ukiorititaasoq taanna ataallugu ukiulimmut, inerisimanerminik atonerluinera ilaatinneqartariaqaraluartoq, ikinnerussuteqartut ukiunut killissarititaasup ukiunut 18-inut inissinneqarnissaannik innersuussisut oqaatigaat.

### 2.1.3. Inatsiseqarnermut ministereqarfiup isumaliutiginninnera

Inuup digitaliusumik imaluunniit timikkut innarliinissaq siunertaralugu meeqqamut inuusuttumulluunniit atassuteqaammik ineriartortitsineramik ingerlatsineranik pinerluutinngortitsisumik, qallunaat aqqissuussineranni eqqarsaatigisassat tunngaviusut aamma Kalaallit Nunaanni atuummata, pinerluttulerinerinermi inatsimmi immikkut ittumik aalajangersakkamik ilanngussisoqartariaqartoq, Inatsiseqarnermut ministereqarfik isumaqarpoq.

Tamanna tunngavigalugu digitaliusumik innarliinerit pillugit suleqatigiissitami amerlanerussuteqartut isumapiloqarnek tunngavigalugu tatiginnilersitsiniaanerup, grooming-ip, immikkoortumik pinerluutinngortinneqarnissaata pisariaqartinneqarnera pillugu isumaliutiginnissimanera, Inatsiseqarnermut ministereqarfiup isumaqatigaa.

Taamanikkut naalakkersuisuusimasut (S) aamma RV, SF, EL, KF aamma NB-p akornnai politikkikkut isumaqatigiissuteqarnerat tunngavigalugu Danmarkimi ukiorititanut killiliussat ukiunut 18-inut aalajangersarneqarpoq.

Tamanna tunngavigalugu, pinerluttulerinerinermi inatsimmi aalajangersatut siunnersuutigineqartumi ukiut killissarititaasut ukiunut 18-inut aalajangerneqarnissaat siunnersuutigineqarpoq, tamannalu qallunaat pillaasarnermik inatsisaanni § 231-imi ukiunut kississarititaasunut naapertuuppoq.

Tamatuma peqatigisaanik, aalajangersakkap inuusuttunut atoqateqarsinnaasunik inummik atoqateqarsinnaatitaalersinnani inuup minnerpaamik ukiorisassai qaangerlugit ukiulinnut nalinginnaasumik atassuteqarnerup pinerluutinngortinneqannginnissaa Inatsiseqarnermut ministereqarfiup maluginiarpaa. Eqqunngitsuliorfigineqartoq 15-it inorlugit ukioqartoq pillugu suliat, sulianut eqqunngitsuliorfigineqartoq inummik atoqateqarsinnaatitaalersinnani inuup minnerpaamik ukiorisassai qaangerlugit ukioqarneranut naleqqiukkaanni, suliani kingullerni pineqartuni pisarnertut uukapaatitsineramik akua pingaartinneqarnerusussaassaaq. Assigisaanik pinerluttuliortup eqqunngitsuliorfigineqartullu akornanni ukiunut, misilittakkanut aamma ineriartornermut tunngasunik nikingassutaasunut tunngatillugu piumasaqaatinik annertunerusunik piumasaqaateqartoqartariaqassaaq.

Inummik atoqateqarsinnaatitaalersinnani inuup minnerpaamik ukiorisassai sinnerlugit ukiulimmik inuk qaninniarujoortoq imaluunniit kinguaassiuutitut pillugit attaveqatiginnittoq, illuatungerisap kinguaassiuutitigut pinerluffigineqarnissaa siunertaralugu attaveqatiginninnera, nalinginnaasumik uppersassallugu ajornakusoortorujussuussammat, allakkut maluginiarneqassaaq.

#### 2.1.4. Aaqjissuussineq siunnersuutigineqartoq

Pinerluttulerinermi inatsimmi § 82 a-mi aalajangersakkamik nutaamik ilanngussisoqarnissaa siunnersuutigineqarpoq, tamatumalu kingorna pineqartup ukiui pinerluttuliortup nalunngikkunigit, imaluunniit tamatumunnga tunngatillugu mianersuaatsuliorluni iliuuseqaruni, inuk, systematiskiusumik imaluunniit uukapaatitsiniarluni ukiuni misilittakkanilu pissutigalugit pisinnaatitaanani allanit pitsaannerusut naleqarnerusutulluunniit imminut isigaluni, pineqartup kinguaassiuutitigut innarlerneqarnissaa siunertaralugu, inummut 18-it inorlugit ukiulimmut attaveqarnermik ineriartortitsisoq, isumapiloqarneq tunngavigalugu tatiginnilersitsiniaasutut, groomerisutut, eqqartuunneqassaaq.

Isumapiloqarneq tunngavigalugu tatiginnilersitsiniaaneq, grooming, pillugu aalajangersakkakkut, taakkunani kinguaassiuutitigut innarliinissamut piviusumik misiliinermut uppersaasersuisoqarsinnaatinnagu, pisut eqqorniarneqarput. Pisut ullumikkut pinerluttulerinermi inatsimmi 77, imm. 2 imaluunniit § 79 malillugu unioqutitsinertut eqqartuussutaasinnaasut, taamaalillutik siunissami aalajangersakkat taakku malillugit aamma pinerluutinngortinneqassapput, ajornangippat isumapiloqarneq tunngavigalugu tatiginnilersitsiniaaneq, grooming, pillugu aalajangersakkatut siunnersuutigineqartumut aporaatillugit.

Eqqunngitsuliorfigineqartup uukapaatinneqarnera isumapiloqarneq tunngavigalugu tatiginnilersitsiniaanerup, grooming-ip, pissusaaniippoq, taamaammat meeraq inuusuttorluunniit nammineerluni pineqartumit innarlerneqarnini pinngitsoornani sianigisariaqanngilaa, aatsaat immaqa taamaaliornerup kingunerujussuatigut sianigilersimassallugu. Taamaalilluni pisuni, meeqqap inuusuttulluunniit nammineerlutik pineqartumit innarlerneqarsimanertik misigisimanaviannngilaat. Kisianni aalajangersagassatut siunnersuutigineqartoq malillugu tamanna eqqartuussisoqarsinnaaneranut akornutaasussaannngilaq.

## **2.2. Taama piumanani imminut kinguaassiuutitigut iliuseqartinneqarnerit**

### 2.2.1. Inatsisit atuuttut

Inuk inummik nammineq akuersissuseqaqqaarsimangitsumik atoqatiginnittoq allatulluunniit kinguaassiuutitigut atassuteqartoq, pinngitsaaliisutut eqqartuunneqassasoq pinerluttulerinermi inatsimmi § 77, imm. 1-p malitsigaa.

Aammattaq inuk meeqqamik 12-it inorlugit ukiulimmik atoqatiginnittoq allatulluunniit kinguaassiuutitigut atassuteqartoq § 77, imm. 2 malillugu pinngitsaaliisutut eqqartuunneqassaaq.

Pinerluttuliortoq, pinngitsaalilluni allatulluunniit kinguaassiuutitigut eqqunngitsuliorfigineqartumik atassuteqartoq, pinerluttulerinermi § 77, imm. 1-imik unioqutitsisutut eqqartuunneqarsinnaavoq. Eqqunngitsuliorfigineqartut atuuttumik taamaaliornissamut akuersissuteqaqqaarsimangippat, pinerluttuliortup qanoq ililluni pinngitsaaliisimanera pingaaruteqanngilaq. Taamaalilluni pisut apeqqaatillugit, pinerluttuliortup assit siamarterneqarnissaanik imaluunniit ingerlateqqinneqarnissaannik siorasaarinermitigut eqqunngitsuliorfigineqartumik atoqatiginninnermik allatulluunniit kinguaassiuutitigut atassuteqarnermik peqataatitsinerani aalajangersagaq atorineqarsinnaavoq.

Assinik avitseqatiginninnissaq pinngitsoortinniarlugu, eqqunngitsuliorfigineqartup pinerluttuliortumik ataqateqarnera allatulluunniit kinguaassiuutitigut ataqateqarnera sioqqullugu, pisut malillugit pinerluttuliortoq § 12 malillugu misiliisutut pinerluttulerinermi inatsimmi § 77, imm. 1-imik unioqutitsisutut aammattaq eqqartuunneqarsinnaavoq.

Inuup tarnikkut nappaateqarnerata imaluunniit eqqarsartaatsikkut kinguaarsimasuunerata atornerlunneqarneratigut inuk pineqartumik atoqatiginnittoq allatulluunniit kinguaassiuutitigut atassuteqartoq, pinerluttulerinermi inatsimmi § 78, imm. 1 malillugu kinguaassiuutitigut atornerluisutut eqqartuunneqassaaq. Inummut suliaqarnikkut, aningaasaqarnikkut imaluunniit passunneqarnermik paaqqatarineqarnermilluunniit pinngitsuuisinnaanngissusianik

ingasaassisumik atonerluinikkut atoqatiginnittumut allatulluunniit kinguaassiuutitigut atassuteqartumut, § 78, imm. 2 aamma atuuppoq.

Aammattaaq 1) pinerluttunik nakkutilliivimmi atorfeqartuusoq inummik pinerluttunik nakkutilliiviup suliffiutaani inissisimasumik, taassumangalu oqartussaaffigineqarluni inissisimasumik kujannittoq imaluunniit atoqatiginnittut iliuuserinnittoq, 2) inummik kiffaanngissusiagaasumik politiinillu nakkutigineqartumik politiit atorfilik atoqatiginnittoq imaluunniit allatut atoqatiginnittut pissusilersortoq, imaluunniit 3) ulloq unnuarlu paaqqinnittarfimmi imaluunniit meeqqanut inuusuttunullu inissiisarfimmi, tarnikkut nakorsarneqarfittut immikkoortumi, tarnikkut annertuumik innarluutilinnik assigisaannilluunniit ulloq unnuarlu inissiisarfimmi atorfilik imaluunniit nakkutilliisoq inissiisarfimmi inissisimasumik kujannittoq imaluunniit allatut atoqatiginnittut pissusilersortoq, § 78, imm. 3 malillugu eqqartuunneqassaaq.

Pisut § 77, imm. 2-mi ilaatinneqangippata, pinerluttuliortup meeqqap ukiui nalunngippagit imaluunniit tamatumunnga tunngatillugu mianersuaatsuliorluni iliuuseqarpat, inuk meeqqamik 15-it inorlugit ukiulimmik atoqatiginnittoq allatulluunniit kinguaassiuutitigut atassuteqartoq, pinerluttulerinermi inatsimmi § 79 malillugu meeqqanut kinguaassiuutitigut atassuteqarsimasutut inuk eqqartuunneqassaaq.

Pinerluttuliortup pineqartup ukiui nalunngippagit imaluunniit tamatumunnga tunngatillugu mianersuaalliorsimappat, inuk ukiuni misilittakkanilu pissutigalugit pisinnaatitaanani allanit pitsaanerusut naleqarnerusutulluunniit imminut isiginini ingasattumik atonerlullugu inummik 18-it inorlugit ukiulimmik atoqatiginnittoq allatulluunniit kinguaassiuutitigut atassuteqartoq, pinerluttulerinermi inatsimmi § 80, imm. 1 malillugu alutorineqarneq, kinaassuseq, kusagineqarneq, atisalersornerneq, neriorsuutit il.il. ikiorsiullugit inummik kajungilersitsiniaasutut eqqartuunneqassaaq. Pinerluttuliortup pineqartup ukiui nalunngippagit, imaluunniit tamatumunnga tunngatillugu mianersuaalliorsimaguni, inummik 18-it inorlugit ukiulimmik, pinerluttuliortup qitornassarisaanik imaluunniit qitornarsiaanik imaluunniit ilinniartitassatut perorsagassatulluunniit paarisassatut tatigineqarluni tigummiaminik atoqatiginnittoq allatulluunniit kinguaassiuutitigut atassuteqartoq, ataqateqarsimasoq allatulluunniit kinguaassiuutitigut atassuteqartoq, aalajangersakkami imm. 2 aamma atuuppoq.

Pinerluttuliortup pineqartup ukiui nalunngippagit imaluunniit tamatumunnga tunngatillugu mianersuaalliorsimaguni, pisiniartutut akiliilluni imaluunniit akiliinissamik neriorsuilluni inummik 18-it inorlugit ukiulimmik atoqatiginnittoq allatulluunniit kinguaassiuutitigut atassuteqartoq, inummik inuusuttumik akiliilluni kinguaassiuutitigut atoqatiginnittutut eqqartuunneqassasoq, pinerluttulerinermi inatsimmi § 81, imm. 1-p malitsigaa. Taamatuttaaq inuup 18-it inorlugit ukiullip akilersilluni imaluunniit akilerneqarnissamik neriorsorneqarluni atoqatiginninneranut allatulluunniit kinguaassiuutitigut atassuteqarfigineqarnerani peqataasoq, § 81, imm. 2 malillugu eqqartuunneqassaaq.

Atoqatiginninneq (itikku imaluunniit naalungiarsuup aqputaatigut) pineqartillugu pinerluttulerinermi §§ 77-imiit 81 ilanngullugu taamaallit taamaallaat atorneqanngillat, kisianni aamma atoqatiginninnerit allaanerusut kinguaassiuutitigut atassuteqarnerusut ilaatinneqarlutik.

“allatut kinguaassiuutitigut atassuteqarneq atoqatiginninnerunngitsoq”-mi oqaasit imarisaat massakut oqaasertai Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allanngortinneqarnera pillugu inatsisikkut nr. 168-ikkut, 27. februar 2019-imeersukku (Kinguaassiuutitigut pinerluttarnerit il.il.) oqaasertalerneqarput. Folketingstidende 2018-19 (katersugaatit siulliit), A, L 123 saqqummiunneqartoq, qupperneq 20 malillugu aalajangersakkap oqaasertai “kujannittoq allatulluunniit kinguaassiuutitigut atoqatiginnittoq”-p “atoqatiginnittoq allatulluunniit kinguaassiuutitigut atassuteqartoq”-mut allanngortinneqarnera taamaallaat oqaasit tunngasumik nutarterinertut isigineqassaaq. Pinerluttulerinermi inatsimmi oqaasit imarisaasa nutarterneqarnerat qallunaat pillaasarnermik inatsisaanni inatsisikkut nr. 633-ikkut, 12. juni 2013-imeersukku § 225-ip oqaasertalerneqarneranik assingusumik tunngaveqarpoq, matumani kinguaassiuutitigut pinerluuteqartarnerit pillugit Straffelovråd-ip isumaliutissiissutaani nr. 1534/2012-imiittut ilanngullugit.

Tamanna tunngavigalugu “kinguaassiuutitigut atassuteqartoq”-p “atoqateqarnikkut pissusilersortoq”-mik ingerlatitseqqinnerunera tassunga pissutaavoq. Kinguaassiuutitigut atassuteqarnernut atoqatiginninnerunngitsunut taamaallit iliuutsit, atoqatiginninnerut pissuseqartut, atoqatiginninnermut taarsiinertut atorneqartut imaluunniit innarlerneqartumut imaluunniit akuusumut atonerlunneqartumut

tunnatillugu kinguaassiuutitigut atorneerluinermik imaqartut, atoqatiginninnermut qanittunnguusut iliuitsit taamaalillutik ilaatinneqarput. Kinguaassiuutit aappaatalu timaata akornanni toqqaannartumik attuunneq nalinginnaasumik uani pineqassaaq.

Kinguaassiuutitigut atassuteqarnernut allanut atoqatiginninnerunngitsunut assersuutitut taaneqarsinnaapput qaneq atorlugu atoqatiginninnerit, kinguaassiuutitigut kuniuinerit il.il., naalungiarsuup aqputaanut itikkulluunniit inussanik atortunilluunniit tigussaasunik pulatitsinerit aamma kinguaassiuutinik attualaarinninnerit.

Kinguaassiuutitigut pinerluuteqartarnerit pillugit Straffelovråd-ip isumaliutissiissutaani nr. 1534/2012-imi qupperneq 757 siumullu malillugit, kinguaassiuutit mattaangasut assammik attorneqarnerat attualaarinertaqanngitsoq imaluunniit pulatitsinertaqanngitsoq nalinginnaasumik kinguaassiuutitigut atassuteqarnerup avataaniittutut isumaqarfigineqartarpoq. Pinngitsaaliineqarluni nammineq kinguaassiuutimini atortunik tigussaasunik pulatitsinerit imaluunniit tissassarnerit oqariartaatsimi “allatut kinguaassiuutitigut atassuteqarnerit”-ni ilaatinneqanngitsut, aamma atassuteqarnerit taamaattut taamaammat taarsiullugu kannguttaalliorfiginninnertut isigisariaqartut kinguaassiuutitigut pinerluuteqartarnerit pillugit Straffelovråd-ip isumaliutissiissutaani nr. 1534/2012-imi qupperneq 438-imi piumasqaataavoq.

Inuk kanngunartuliornikkut pitaajuissusermik innarliisoq pinerluttulerinermi inatsimmi § 84, imm. 1 malillugu kannguttaalliorfiginnittutut eqqartuunneqassaaq.

Pissutsit malillugit, pisuni pinerluttuliortup eqqunngitsuliorfigineqartoq imminut kinguaassiuutinik iliuseqaqqullugu pinngitsaaliinerani, inatsisit unioqqutillugit pinngitsaaliineq pillugu pinerluttulerinermi inatsimmi § 91- imik kannguttaalliorneq pillugu pinerluttulerinermi inatsimmi 84, imm. 1 peqatigalugu unioqqutitsisoqarneratut eqqartuussisoqarsinnaavoq.

### 2.2.2. Digitaliusumik innarliisarnerit pillugit suleqatigiissitap isumaliutiginninnerat

Pillaasarnermik inatsisip aamma eqqartuussisarnermik inatsisip allanngortinneqarnera pillugu inatsisikkut nr. 741-kkut 13. juni 2023-imeersukkut (digitaliusumik innarliisarnerit akiorniarlugit suliniutit,

matumani isumapiloqarneq tunngavigalugu tatiginnilersitsiniaaneq, grooming, pillugu inerteqquteqarneq, malunnaarsarluni atoqateqarnerup pinngitsaaliinermut naligiissineqarnera, atoqatiginninnissaq il.il. pissarsiariniarlugit upperisarsiortut aqutsisuisa upperisarsiortut pisariaqartitsinerannik imaluunniit pinngitsuuisinnaannginneranik atornerluineq) qallunaat pillaasarnermik inatsisaanni § 225 ilaneqarpoq, taamaaliornikkullu pisut pinerluttuliortup eqqunngitsuliorfigineqartoq imminut kinguaassiuutitigut iliuseqartitsinera ilanngunneqarpoq. Digitaliusumik innarliisarnerit pillugit Suleqatigiissitat innersuussuteqarnerisigit aalajangersakkap annertusineqarnera pivoq.

Teknologiskiusumik ineriartornerup kingunerisaanik, ilaatigut meeqqat inuusuttullu atassuteqaatinik qanoq ilillutik ineriartortitsisarnerat annertuumik allanngorsimasoq, digitaliusumik innarliisarnerit pillugit suleqatigiissitap nalunaarusiaani 2022-imeersumi qupperneq 56-imiit siumut takuneqarsinnaavoq. Ingammik inuusuttut kinguaassiuutitigut imminnut iliuseqarnissaannik pinngitsaalineqartarnerat, ilaanni pinerluttuliortup taamaaliunngippat assit il.il. inuttaanut tunngassuteqartut tamanut saqqummiunneqarnissaanik siorasaarineq, »sextortion«-imik taaneqartartoq atorlugu siorasaarineq, taamaalilluni ajornartorsiutaavoq nutaakannersoq.

Inatsisit atuuttut pillugit imm. 2.2.1-imi soorlu taaneqartoq, pinerluttuliortup assit siammarterneqarnissaannik imaluunniit ingerlateqqillugit avitseqatigiissutigineqarnissaannik siorasaarilluni pinerluttuliortoq eqqunngitsuliorfigineqartumik atoqatiginninnermik allatulluunniit kinguaassiuutitigut atassuteqarnermik pinngitsaaliisoq, pissutsit malillugit pinerluttulerinermi inatsimmi § 77, imm. 1 imaluunniit imm. 2 malillugu eqqartuunneqarsinnaavoq. Pisut malillugit eqqunngitsuliorfigineqartup pinerluttuliortumik atoqateqarnera allakkulluunniit kinguaassiuutitigut atassuteqarnera sioqqullugu, pinerluttuliortoq § 12 malillugu misiliisutut pinerluttulerinermi inatsimmi § 77, imm. 1-imik unioqqutitsisutut aammattaaq eqqartuunneqarsinnaavoq.

Qallunaat pillaanermik suliaata ilaanni, taakkunani inuk kinguaassiuutimini iliuseqaqqullugu pinngitsaalineqarsimalluni, assersuutigalugu pinerluttuliortup eqqunngitsuliorfigineqartoq videochat atorlugu ilitersuineratigut, § 225 malillugu, pinngitsaaliineq pillugu pillaasarnermik inatsimmi § 216 imaluunniit meeqqamik 15-it inorlugit ukiulimmik atoqateqarneq pillugu § 222 unioqqutitsinertut eqqartuussisoqartarsimavoq, massa suliani allani kannгуттаalliorfiginninneq pillugu pillaasarnermik



inatsimmi § 232 aamma inatsisit unioqutillugit pinngitsaaliineq pillugu § 260 pillugit unioqutitsinertut eqqartuussisoqartarsimasoq.

Pillaasarnermi inatsimmi siusinnerusukku § 225-imut atuussimasumut piareersaataasumik suliaqarnerni, pinngitsaaliineqarluni nammineq kinguaassiuutimini atortunik tigussaasunik pulatitsinerit imaluunniit tissassarnerit, inuit marluk akornanni timikkut atassuteqarnermik piunasaqaatitaqartut, § 225-imut ilaatinneqannginnerat piunasaqaataasooq, aamma kannguttaalliorfiginninneq pillugu pillaasarnermik inatsimmi § 232 pissutsit taamaattut taarsiullugu taamaammat kannguttaalliorfiginninnertut isigisariaqartut piareersaataasumik suliaqarnerni takuneqarsinnaavoq.

Aamattaq kajumissuseq malillugu peqataanermik tunngavilimmik pinngitsaaliineq pillugu aalajangersagaq pillugu Straffelovråd-ip isumaliutissiissutaani nr. 1534/2020-imi qupperneq 164-imiit 165 ilanngullugu, teknologiskiusumik ineriartorerup kingunerisimasassaanik pillaasarnermik inatsimmi § 225-i allanngortittariaqannginnersoq pillugu isumaliutiginninnissamut pissutissaqannginnersoq, taamaalilluni inuup inuk alla nammineq kinguaassiuutimini kinguaassiuutitigut iliuuseqaqqullugu pinngitsaaliineqarnera, malittarisassaq taanna malillugu pillaatissiissutigineqassalluni, taaneqarsimavoq. Kinguaassiuutitigut iliuutsit assigiit, eqqunngitsuliorfigineqartup piunasarinnigisaanik pisut, assersuutigalugu inatsisit unioqutillugit pinngitsaaliinikkut, eqqunngitsuliorfigineqartut marluk akornanni pisimappata, tassani taakku pinngitsaaliineqarlutik peqataasimallutik, pinngitsaaliinermut peqataasutut nalilerneqartarnerat, massa eqqunngitsuliorfigineqartoq ataaseq imminut iliuuseqartillugu pinngitsaaliineqarpat, tamanna taamaallaat kannguttaalliorfiginninnertut nalilerneqartarnera assigiinnigissutitut naleqqutinngitsutut isumaqarfiginarsinnaasoq Straffelovråd-ip tassunga atatillugu innersuussutigaa.

Inuk imminut kinguaassiuutitigut iliuuseqaqqullugu pinngitsaaliineqarnerani, pisup siunissami kannguttaalliorfiginninneq pillugu pillaasarnermik inatsimmi § 232-ip atatinneqarneranut taarsiullugu allakkut kinguaassiuutitigut atassuteqarnerit atoqatiginninnerunngitsut pillugit pillaasarnermik inatsimmi § 225-imut atatinneqarnissaa, suleqatigiissitat tamanna tunngavigalugu inassutigaa.

Taamaaliorneq allatigut kinguaassiuutitigut atassuteqarnerit atoqatigiinnerunngitsut pillugit aalajangersakkat ataaniitilernissaannut, innarliinerup ilungersunartuunera pillugu tamanna annertunerusumik

kalerriutaanissaa Suleqatigiissitat tassunga atatillugu pingaartissimavaat. Ilaatigut teknologiskiumik ineriartornerup kingunerisai eqqarsaatigalugit, taamaalilluni suleqatigiissitap isumaa malillugu pillaasarnermik inatsisip § 225-iata allangortinneqarnissaa pisariaqarpoq, taamaalilluni pisuni, taakkunani pinerluttuliortup eqqunngitsuliorfigineqartumik immineq kinguaassiuutimini iliuseqartitsinera, siunissami innarliinertut inummik allamik timikkut iliuseqartitsinerit assigalugit, kinguaassiuutitigut innarliinertut nalilerneqartalersinnaassallutik.

### 2.2.3. Inatsiseqarnermut ministereqarfiup isumaliutiginninnera

Inuup imminut kinguaassiuutitigut iliuseqarnissaanut pinngitsaalineqarnerata kinguaassiuutitigut pissutsit atoqatiginninnerunngitsut assigalugit immikkut pinerluutinngortinneqarnissaanik pisariaqartitsineq pillugu digitaliusumik innarliisarnertit pillugit suleqatigiissitat isumaliutiginninnerat, taamatuttaaq Kalaallit Nunaannut atuuttoq Inatsiseqarnermut ministereqarfik isumaqarpoq.

Tamanna tunngavigalugu pinerluttulerinermi inatsimmi aalajangersakkamik ilanngussisoqartariaqartoq Inatsiseqarnermut ministereqarfiup nalilerpaa, taamaaliornerullu § 77-imiit 81 ilanngullugu malillugit pinerluttulerinermi inatsisip kinguaassiuutitigut atassuteqarnerit atoqatiginninnerunngitsut pillugit aalajangersakkat annertusissavai, taamaalilluni taakku kinguaassiuutitigut iliuitsinut assingusunut, pinerluttuliortumit eqqunngitsuliorfigineqartup imminut iliuseqartinneqarnerani assingusumik atorneqassallutik, matumani sextortion-imik taaneqartartoq ilanngullugu.

Pisut sextortion-iusut, tassani pinerluttuliortup assit tamataqanngitsut imaluunniit atortussat kinguaassiuutinut tunngassuteqartut avitseqatigiissutigineqarnissaat siorasaarutigalugu eqqunngitsuliorfigineqartup imminut kinguaassiuutimigut iliuseqartitsinera ilaatigut tassani ilaatinneqassapput.

### 2.2.4. Aaqquissuussineq siunnersuutigineqartoq

Pinerluttulerinermi inatsimmi § 81 a-mi aalajangersakkamik nutaamik ilanngussisoqarnissaa tamanna tunngavigalugu siunnersuutigineqarpoq, tassani pinerluttuliortumit eqqunngitsuliorfigineqartup imminut

kinguaassiuutiminik iliuuseqartitsinerani pinerluttulerinermi inatsimmi §§ 77-imiit 81 ilanngullugu assigisaanik atorneqassasut takuneqarsinnaassalluni.

Pinerluttuliortumit imaluunniit allamit eqqunngitsuliorfigineqartumut iliuitsit iliuuserineqarpata, eqqunngitsuliorfigineqartup iliuitsit imminut iliuuserippagit, pisut ilaanni aamma aalajangersakkanut taakkununga ilaatinneqarnissaat, sulisaatsit atuuttut malillugit iliuitsit §§ 77-imiit 81 ilanngullugu ilaatinneqarnerat siunnersuutip kinguneraa. Allatigut pinerluttulerinermi inatsimmi §§ 77-imiit 81 ilanngullugu atorneqarnissaannut suliassaqrifiup allangortinneqarnissaa siunertarineqanngilaq.

### **2.3. Isumapiloqarneq tunngavigalugu tatiginnilersitsiniaanermik, grooming-imik aamma taama piumanani imminut kinguaassiuutitigut iliuuseqartinneqarnermut eqqugaasunut illersuisumik ivertitsineq**

#### 2.3.1. Inatsisit atuuttut

Pinerluttulerinermik suliani eqqunngitsuliorfigineqartumut tapersersuisussamik ilitersuisussamillu illersuisumik ivertitsisoqarnissaanik aaqqissuussineq Kalaallit Nunaanni eqqartuussisarnermik inatsisip 2010-imi akuersissutigineqarnerani eqqunneqarpoq. Kalaallit Nunaanni eqqartuussiveqarneq pillugu Eqqartuussiveqarnermut ataatsimiititaliarsuup isumaliutissiissutaa nr. 1442/2004 immikkoortoq X, kapitel 5.3.1 malillugu eqqunngitsuliorfigineqartup inatsisitigut inissisimanerata patajaallisaavigineqarnissaa aaqqissuussinermik eqqussinermi siunertarineqarpoq.

Illersuisup eqqunngitsuliorfigineqartumut inuttut tapersersuinissaq ilitersuinissarlu kiisalu pinerluttulerinermik suliamut atatillugu nalinginnaanerusumik pissusilimmik ikuiunnissaq taamaallaat suliassaraa. Inatsisilerinertut pissuseqartunik illersuisoq suliaqarnissaminut pisinnaatitaanngilaq suliaqarsinnaananilu.

Suliani pinerluttulerinermik inatsimmi § 37-imik (nakuuserneq aamma pisortat oqartussaataitannik nakuuserneq imaluunniit siorasaarineq), § 74-imik (ilaquttamik qanigilluinnakkamik atoqateqarneq), § 77-imik (pinngitsaaliineq), § 78-imik (kinguaassiuutitigut atonerluineq), § 79-imik (kinguaassiuutitigut meeqqanik atassuteqarneq), § 80-imik (alutorineqarneq, kinaassuseq, kusagineqarneq, atisalersornerneq,

neriorsuutit il.il. ikiorsiullugit inummik kajungilersitsiniaaneq), § 81-imik (akiliilluni inuusuttumik kinguaassiutitigut atassuteqarneq), § 84, imm. 1-imik (kangguttaalliorfiginninneq), § 12 malillugu § 86, imm. 1-imik (toqutseriarneq), § 88-imik (nakuuserneq), § 89-imik (inuup inuuneranik ilaginnaaneq), § 90, imm. 3 (soqutigittaatumik il), §§ 91-imiit 93 ilanngullugu malittarisassanik (inatsisit unioqqutillugit pinngitsaaliineq, kiffaanngissusiaaneq aamma inunnik nioqquteqarneq) aamma § 112-imik (ujajaaneq) unioqqutitsinermut tunngassuteqartuni inatsimmik unioqqutitsinerit ilungersunartuunngitsut imaluunniit toqqammavissatut illersuisoqarnissaq erseqqissumik pisariaqanngitsutut isikkullit pineqartinnagit, pineqartup noqqaassuteqarneratigut eqqartuussivik eqqartuussisarnermik inatsimmi § 333, imm. 1 malillugu illersuisumik eqqunngitsuliorfigineqartumik tapersersuisussamik siunnersuisussamillu ivertitsissaaq. Suliaq pinerluttulerinermi inatsimmi § 74-imik (ilaquttamik qanigilluinnakkamik atoqateqarneq), § 77-imik (pinngitsaaliineq), § 78-imik (kinguaassiuutitigut atonerluineq), § 79-imik (kinguaassiuutitigut meeqqanik atassuteqarneq), § 80-imik (alutorineqarneq, kinaassuseq, kusagineqarneq, atisalersornerneq, neriorsuutit il.il. ikiorsiullugit inummik kajungilersitsiniaaneq), imaluunniit § 81-imik (akiliilluni inuusuttumik kinguaassiuutitigut atassuteqarneq), unioqqutitsinermik tunngassuteqarpat, eqqunngitsuliorfigineqartorlu 15-it inorlugit ukioqarpat, eqqunngitsuliorfigineqartoq illersuisoqartinneqarnissamik pisinnaatitaavoq.

Pissutsit immikkut ittut tamanna pissutissaqartippassuk, § 333, imm. 2 malillugu, inatsisit allat unioqqutsinneqarnerini noqqaasoqarnera malillugu eqqartuussivik eqqunngitsuliorfigineqartumut illersuisumik ivertitsisinnaavoq.

Eqqarsaatigisassat ittut tamanna pissutissaqartippassuk, § 333, imm. 3 malillugu aamma § 333, imm.-imi 1 aamma 2-mi piumasagaatit naammassineqarpata, eqqunngitsuliorfigineqartoq pinerluttuliornerup malitsigisaanik toqusimappat, noqqaasoqarneratigut eqqunngitsuliornerup qanigisaanut illersuisumik ivertitsisoqarsinnaavoq.

Eqqunngitsuliorfigineqartumut, imaluunniit pinerluttuliornerup malitsigisaanik eqqunngitsuliorfigineqartoq toqusimappat, eqqunngitsuliornerup qanigisanut, illersuisumik ivertitsisinnaaneq pillugu politiit eqqartuussisarnermik inatsimmi § 333, imm. 4 malillugu ilitsersuisappat. Taamatut ilitsersuisoqarsimanera suliami takuneqarsinnaassaaq.

Eqqartuussisarnermik inatsimmi § 333, imm. 5 malillugu politiit eqqunngitsuliorfigineqartup imaluunniit pinerluttuliornerup malitsigisaanik eqqunngitsuliorfigineqartoq toqusimappat, eqqunngitsuliornerup qanigisaasa illersuisoqarnissamik noqqaassuteqarnerat eqqartuussivimmut saqqummiutissavaat.

Illersuisut akissarsiaat aningaasartuuteqarsimagunillu aningaasartuutaasa matussuserneqarnissaat pillugit malittarisassanik eqqartuussisarnermik inatsimmi § 333, imm. 6 imaqarpoq.

Illersuisup naleqquttumik akissarsianik aamma akiliussinermini matussuserneqarneqarnissaat piumasarinissaanut pisinnaatitaaffeqarnera, eqqartuussisarnermik inatsimmi § 333, imm. 6-ip malitsigaa. Angalanernut unnuinernullu il.il. aningaasartuutit eqqartuussivimmit pisariaqartutut akuersissutigineqarsimappata, taamaallaat akilerneqarsinnaapput. Suliap naammassineqarnerani akissarsiassat eqqartuussivimmit aalajangerneqassapput pisortanillu akilerneqarlutik.

Illersuisup suliassai aamma pisinnaatitaanera pillugit eqqartuussisarnermik inatsimmi § 333, imm. 7 malillugu Inatsiseqarnermut ministereqarfik malittarisassanik erseqqinnerusunik aalajangersaasinnaavoq.

### 2.3.2. Inatsiseqarnermut ministereqarfiup isumaliutiginninnera

Soorlu imm. 2.1.4-mi aamma imm. 2.2.4-mi qulaani takuneqarsinnaasooq, isumapiloqarneq tunngavigalugu tatiginnilersitsiniaaneq, grooming, pillugu aalajangersagakkamik nutaamik (§ 82 a-mik) aamma taama piumanani imminut kinguaassiuutitigut iliuuseqartinneqarnerit pillugit (§ 81 a) aalajangersakkamik nutaamik ilanngussisoqarnissaa pillugit pinerluttulerinermi inatsimmi aalajangersakkamik nutaamik ilanngussisoqarnissaa, inatsisissatut siunnersuutikkut siunnersuutigineqarpoq.

Aalajangersakkat nutaat eqqartuussisarnermik inatsimmi § 333, imm. 1-imi ilaatinneqartariaqartut Inatsiseqarnermut ministereqarfik isumaqarpoq, tamatumalu kingorna pineqartup noqqaassutigippagu, inatsisinik unioqqutitsinikkut eqqunngitsuliorfigineqartoq eqqartuussivimmit illersuisulernerneqassaaq. Taamaattoq inatsimmik unioqqutitsineq ilungersunartuunngippat, imaluunniit Kalaallit Nunaanni eqqartuussisarnermik inatsimmi § 333, imm. 1 malillugu illersuisumit

ikiorneqarneq erseqqissumik pisariaqartinneqanngitsutut isigineqarpat, illersuisumik ivertitsinissaq itigartitsissutigineqarsinnaavoq. Matumuuna eqqunngitsuliorfigineqartup illersuisumik ivertitsivigineqarnissamut periarfissaa, isumapiloqarneq tunngavigalugu tatiginnilersitsiniaaneq, grooming, suliat aamma taama piumanani imminut kinguaassiuutitigut iliuseqarnerit assersuutigalugu meeqqanut kinguaassiuutitigut atassuteqarneq pillugu sulianut naligiissinneqarput.

### 2.3.3. Aaqqissuussineq siunnersuutigineqartoq

Aalajangersakkanut siunnersuutigineqartunut pinerluttulerinermi inatsimmi isumapiloqarneq tunngavigalugu tatiginnilersitsiniaaneq, grooming, pillugu § 82 a-mut aamma taama piumanani imminut kinguaassiuutitigut iliuseqarnerit pillugit § 81 a-mut eqqartuussisarnermik inatsimmi § 333, imm. 1-imi innersuussisoqarnissaa siunnersuutigineqarpoq.

Eqqunngitsuliorfigineqartup noqqaassuteqarneratigut suliani, aalajangersagassatut siunnersuutigineqartuni ilaatinneqartuni, aallaaviatigut illersuisumik ivertitsisoqartussaana Kalaallit Nunaanni eqqartuussisarnermik inatsimmi § 333, imm. 1-ip annertusineqarnissaanut siunnersuutip kingunerissavaa. Taamaattoq inatsimmik unioqqutitsineq ilungersunartuunngippat, imaluunniit illersuisumit ikiorneqarneq erseqqissumik pisariaqartinneqanngitsutut isigineqarpat, eqqartuussiviup illersuisumik ivertitsinissaq itigartitsissutigisinnaavaa.

Aammattaaq suliani pineqartuni taakkunani, eqqunngitsuliorfigineqartoq 15-it inorlugit ukioqarpat, eqqunngitsuliorfigineqartup illersuisumik ivertitsisoqarnissaanik pinsinnaatitaaffeqarnera, annertusitsinerup siunnersuutigineqartup kingunerissavaa.

## **2.4. Inunnik 18-it inorlugit ukiulinnik, pinerluttuliortup ilinniartitassatut perorsagassatulluunniit paarisassatut tatigineqarluni tigummiaanik il.il. kannguttaalliorfiginninneq**

### 2.4.1. Inatsisit atuuttut

Pinerluttuliortup pineqartup ukiui nalunngikkunigit imaluunniit tamatumunnga tunngatillugu mianersuaallioortumik iliuseqaruni, inuk qitornassaminik qitornarsiaminilluunniit, imaluunniit ilinniartitassatut, perorsagassatut assigisaanilluunniit tatigineqarluni paarisassannortinneqartumik inummik 18-it inorlugit ukiulimmik atoqatiginnittoq allatulluunniit kinguaassiuutitigut atassuteqartoq, pinerluttulerinermi inatsimmi § 80, imm. 2 malillugu eqqartuunneqassaaq.

Taamaalilluni kannguttaalliorfiginninnerni pinerluttulerinermi inatsimmi § 80, imm. 2 atorneqassanngilaq.

Inuk kanngunartuliormigut piitaajuissusermik innarliisoq, pinerluttulerinermi inatsimmi § 84, imm. 1 malillugu kannguttaalliorfiginnittutut eqqartuunneqassaaq.

Piviusumik kannguttaalliorfiginninneq pillugu aalajangersagaq nalinginnaasumik aalajangersakkatut ilaatitsisussatut atorneqarpoq, kinguaassiuutitigut iliuutsinut, pinerluttulerinermi inatsimmi kapitali 18-imi aalajangersakkani allani ilaatinneqanngitsunut atorneqarsinnaasoq, kisianni taamaattoq eqqartuussivinnit pinerluttulerinerlu pillugu inatsisesqartitsineq malillugu pineqaatissiissutigineqartussatut isigineqartariaqartunut atorneqartussatut isumaqarfigineqartoq.

Inuit allat pillugit paasissutissat kinguaassiuutinut tunngassuteqartut pillugit allanut ingerlatitseqqinneq, pissutsit pinerluttulerinermi inatsimmi § 84, imm. 1-ip atorneqarnissaanut piumasaqaataasumik ingasassuseqarnissaat piumasaqaatigalugu, kannguttaalliorfiginninnerunissaat naatsorsuutigineqassaaq.

Oqariartuutunik assinilluunniit kinguaassiuutinut tunngassuteqartunik imalinnik kimulluunniit nassiussisimappat, pisoq taamatuttaaq kannguttaalliorfiginninnerusinnaavoq.

Ilaatigut kinguaassiuutitigut pinerluuteqarnerit pillugit Straffelovråd-ip isumaliutissiissutaani nr. 1534/2012-imi qupperneq 757-imiit siumut malillugu, soorlu imm. 2.2.1-imi taaneqartoq, kinguaassiuutit mattaangasut assammik atorneqarnerat attualaarinertaqanngitsoq imaluunniit pulatitsinertaqanngitsoq, nalinginnaasumik kinguaassiuutitigut atassuteqarnernut killissarititaasut avataaniissapput. Atassuteqarnerit taamaattut pissutsit malillugit taamaalillutik pinerluttulerinermi inatsimmi kannguttaalliorfiginninneq pillugu § 84, imm. 1-imut ilaatinneqassapput.

#### 2.4.2. Digitaliusumik innarliisarnerit pillugit suleqatigiissitat isumaliutiginninnerat

Pillaasarnermik inatsisip aamma eqqartuussisarnermik inatsisip allanngortinneqarnerannik inatsisikkut nr. 741-kkut 13. juni 2023-imeersukkut (digitaliusumik innarliinerit akiorniarlugit suliniutit,

matumani isumapiloqarneq tunngavigalugu tatiginnilersitsiniaraneq, grooming, malunnaarsarluni atoqateqarnerup pinngitsaaliinermut naligiissinneqarnera, upperisarsiortut aqutsisuata atoqateqarniarnissaq il.il. siunertaralugit ilaasortamut inuup pisariaqartitsineranik imaluunniit pinngitsuuisinnaannginneranik atornerluinera) qallunaat pillaasarnermik inatsisaanni § 223, imm. 1 annertusineqarpoq, taamaalilluni tassani aamma kannguttaalliorfiginninneq ilaatinneqalerluni. Digitaliusumik innarliisarnerit pillugit Suleqatigiissitat innersuussuteqarnerisigit aalajangersakkap annertusineqarnera pivoq.

Qallunaat pillaasarnermik inatsisaanni § 223, imm. 1 malillugu, ilaatigut kinguaassiuutitigut angajoqqaassanit angajoqqaarsianillu, ilinniartitsisunit il.il. kinguaassiuutitigut innarliinerit akiorneqarnissaannut immikkut ittumik inuit 18-it inorlugit ukiullit illersorneqarnissaat atuuttoq, digitaliusumik innarliisarnerit pillugit Suleqatigiissitat nalunaarusiaanni, qupperneq 70-imiit siumullu takuneqarsinnaavoq. Aalajangersagaq malillugu, matumani qallunaat pillaasarnermik inatsisaanni § 225 malillugu, taamaalilluni inuusuttoq atassuteqarnermut akuersissuteqaaqqaarsimagaluarpalluunniit, inummik ilinniartitassatut, perorsagassatut il.il. tatigineqarluni paarineqartumik atoqateqarnissaq allatulluunniit kinguaassiuutitigut atassuteqarnerup inerteqqutaalluinnarnera atuuppoq. Inuusuttup inunnut taamatut perorsaarnermik atuuffeqartunut immikkut ittumik eqqortiasinnaanera, taamaammallu inersimasumit kinguaassiuutitigut atoqatigiinnissamut immikkut ittumik sunnerneqarsinnaanera, tassunga ilaatigut pissutaavoq.

Inuusuttup iliutsinik, kannguttaalliorfiginninneq pillugu qallunaat pillaasarnermik inatsisaanni § 232-imi ilaatinneqartunik, iliuseqarfigineqarnissaanut aarlerinaat, pinerluttuliortup inissisimanerminik atornerluinermigut inuusuttumik atoqatiginninneranut allakkulluunniit kinguaassiuutitigut atassuteqarneranut aarlerinaatip assigisimagaa, suleqatigiissitat isumaqarput.

Qallunaat pillaasarnermik inatsisaanni § 223, imm. 1 annertusineqassasoq, taamaalilluni kannguttaalliorfiginninneq aamma ilaatinneqalissalluni, suleqatigiissitat tamanna tunngavigalugu innersuussutigaa.

Kinguaassiuutitigut innarliinermut, qallunaat pillaasarnermik inatsisaanni kapitali 24-imi ilaatinneqanngitsunut, kannguttaalliorfiginninneq pillugu qallunaat eqqartuussisarnermik inatsisaanni § 232 nalinginnaasumik aalajangersakkatut ilaatitsisussatut atorneqartussatut



isumaliutigineqarsimasoq, suleqatigiissitat maluginiarsimavaat. Taamaammat suleqatigiissitat malillugit kannguttaalliorfiginninneq pillugu malittarisassaq malillugu iliuitsit suut pillaatissiissutaasinnaanerannut killiliussat atsippallaamik inissinneqarnissaat, qallunaat eqqartuussisarnermik inatsisaanni § 223, imm. 1-imut innersuussinerep kingunerissavaa.

Kisianni pillaasarnermik inatsimmi § 223, imm. 1 assersuutigalugu angajoqqaarsiat aamma -meeqqat, ilinniartitsisut atuartullu aamma assigisaasa akornanni atassuteqaatit nalinginnaanerpaamik siammarsimanerpaamillu paasinninneq malillugu pissaaneqassusermi naligiinngiffiusut, suleqatigiissitat isumaqarput. Inuk 18-it inorlugit ukiulik naligiinngiffiusumi allamik atassuteqaammi taamaattumiittoq, iliuitsinut kannguttaalliorfiginninneq pillugu qallunaat eqqartuussisarnermik inatsisaanni § 232-imi ilaatinneqartunut, pinngitsuutitsissutaasussaajunnaarsitsisumik akuersissuteqaqqaartariaqanngitsoq, suleqatigiissitat isumaat malillugu tamatuma aamma kingunerisimavaa.

#### 2.4.3. Inatsiseqarnermut ministereqarfiup isumaliutiginninnera

Pinerluttulerinermi inatsimmi § 80, imm. 2, aamma § 84, imm. 1 pineqartillugit, eqqarsaatigisassat assingi atuuttut, Inatsiseqarnermut ministereqarfik isumaqarpoq. Pinerluttulerinermi inatsimmi § 80, imm. 2 taamaalilluni assersuutigalugu angajoqqaarsiat -meeqqallu, ilinniartitsisut atuartullu aamma assigisaasa akornanni atassuteqaatit nalinginnaanerpaamik siammarsimanerpaamillu paasinninneq malillugu pissaaneqassusermi naligiinngiffiunerannik takutitsimmata, inuk 18-it inorlugit ukiulik, naligiinngiffiusumi allamik atassuteqaammi taamaattumiittoq, Inatsiseqarnermut ministereqarfiup isumaa malillugu kannguttaalliorfiginninneq pillugu pinerluttulerinermi inatsimmi § 84, imm. 1-imi iliuitsinut ilaatinneqartunut akuersissuteqaqqaarsinnaasariaqanngilaq.

#### 2.4.4. Aaqquissuussineq siunnersuutigineqartoq

Kannguttaalliorfiginninneq pinerluttulerinermi inatsimmi § 80, imm. 2-mut ilanngunneqassasoq tamanna tunngavigalugu siunnersuutigineqarpoq.

Aalajangersakkap atorneqarnissaanut suliassaqarfimmi aamma kannguttaalliorfiginninnerup ilaatinneqalernissaa allannguutissatut siunnersuutigineqartup kingunerissavaa. Pissusilersuutit/iliuitsit

pinerluttulerinermermi inatsimmi § 84, imm. 1-imik unioqutitsinerusut, pinerluttuliortup eqqunngitsuliorfigineqartullu akornanni atassuteqaat aalajangersakkap atorneqarnissaanut suliassaqaarfimmut ilaatinneqarpat, taamaalilluni siunissami pinerluttulerinermermi inatsimmi § 80, imm. 2-p ataanut inissinneqartussaassapput.

Siunissami assersuutigalugu ilinniartitsisup atuortoq iliuutsimik kannguttaalliorfiginninnertut pissusilimmik iliuuseqarfigippagu, atuartup akuersitinneqaqqaarsimanera apeqqutaatinnagu pinleruttulerineq pillugu inatsiseqartitsineq malillugu akisussaatinneqarsinnaaneq allannguutissatut siunnersuutigineqartup kinguneraa. Taamaalilluni pinerluttulerineq pillugu inatsiseqartitsinermermi akisussaataitanermermi eqqunngitsuliorfigineqartup iliuutsinut pineqartunut qanoq inissisimanera apeqqutaasussaannigilaq, aamma taamaalilluni assersuutigalugu iliuutsit kannguttaalliorfiginninnerusut inuusuttup inassuteqarneratigut pinerat pinerluttulerineq pillugu inatsiseqartitsinermermi akisussaasuunermut pingaaruteqartussaannigillat.

Ullumikkut pinerluttulerinermermi inatsimmi § 80, imm. 2-mi inuit ilaatinneqartut allanngortinneqarnissaat inatsisissatut siunnersuutikkut allanngortinneqarnissaat siunertarineqanngilaq.

Angajoqqaarsiaq, ilinniartitsisoq assammik arsarnermi sungiusaasoq il.il., kinguaassiuutinut tunngassunik imalinnik sms-erluni atuartumut 18-iliisimannigitsumut oqariartuuteqartoq, § 80, imm. 2 malillugu pinerluttulerineq pillugu inatsiseqartitsineq malillugu akisussaataasinnaasoq tamatuma kinguneraa. Iliuuseq kinguaassiuutinut tunngasutut pissuteqartillugu, iliuutsinut § 84, imm. 1-imi ilaatinneqartunut, assersuutigalugu attualaarineranut, “allatut kinguaassiuutitigut atassuteqarnernut” ilaatinneqanngitsunut, nalikkaanik takoqqusaarnernik il.il., assinganik tamanna atuutisooq. Iliuutsip kinguaassiuutinut pissutsinut attassuteqaateqarnissaa aamma naleqquttumik ingasassuseqarnissaa § 80, imm. 2-p atorneqarsinnaanissaanut piumasqaataassaaq.

## **2.5. Pinerluttulerinermermi inatsimmi §§ 82, imm. 1-ip, § 85, imm. 1-ip, 2-p aamma 4-p, aamma § 93, imm. 1-ip aamma 2-p nutarterneqarnerat**

### **2.5.1. Inatsisit atuuttut**

Inuk, pinerluttuliortup pineqartup ukiui nalunngikkunigit imaluunniit tamatumunnga tunngatillugu mianersuaalliorluni iliuuseqarpat, inuup 18-it

inorlugit ukiullip isiginnaartitsinerni pornografiskiusuni peqataaneranut suleqataasoq, inummik inuusuttumik atonerluisutut pinerluttulerinermi inatsimmi § 82, imm. 1 malillugu eqqartuunneqassaaq.

Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allanngortinneqarnerat pillugu inatsisikkut (Kinguaassiuutitigut pinerluttarnerit il.il.) nr. 168-ikkut, 27. februar 2019-imeersukkut aalajangersagaq pinerluttulerinermi inatsimmi ilanngunneqarpoq.

Oqariartaaseq “isiginnaartitsinerni pornografiskiusuni” pineqartillugu ilaatigut atoqatiginninneq, allatut kinguaassiuutitigut atassuteqarneq atoqatiginninnerunngitsoq imaluunniit ingasattumik innimiilliorneq, soorlu kinguaassiuutit takutinneqarnerat imaluunniit attuinerit kinguaassiuutinik sunniisut pineqarnersut pingaartinneqartariaqassasut, aalajangersakkamut oqaaseqaatini takuneqarsinnaavoq. Isiginnaartitsineq aalajangersakkamut ilaatinneqartoq aallaavimmigut “isiginnaartoqarluni isiginnaartitsinerussaaq”, isiginnaartunut najuuttunut toqqaannartumik pisoq. Kinguaassiuutitigut tunngasunik toqqaannartumik isiginnaartunut isiginnaartitsineq, inummut 18-it inorlugit ukiulimmut, assersuutigalugu isertuannngitsumik kinguaassiuutit takutinneqarnerisigut isiginnaartitsineq pippat, taamaalilluni isiginnaartitsinertut pornografiskiusutut taaneqassalluni, immi annertuumik innarliinertut nalinginnaasumik isigineqartariaqarpoq. Folketingstidende 2018-19 (katersugaatit siulliit), A, L 123 saqqummiunneqarsimasoq, qupperneq 25 malillugu aalajangersagaq suliasaatsit malillugit taamaalilluni kinguaassiuutinut tunngassuteqartumik isiginnaartitsinernut arlalinnut assigiinngitsunik ilusilinnut ilaatitsimmat, matumani pisut pineqartup aliikkusersuilluni atisaajarnera imaluunniit mattaangalluni qitinnernik allatut ilusilinnik isiginnaartitsinera ilanngullugit, aammattaaq takuneqarsinnaavoq.

Inuk inuit 18-it inorlugit ukiullit pillugit assinik imaluunniit filminik, assilillugit sanaqqiinernik takusassianik assigisaanilluunniit allanik pornografiskiusunik assigisaanilluunniit siaruarterisoq, meeqqat pillugit pornoliortutut eqqartuunneqassaaq.

Inummut, inunnik 18-it inorlugit ukiulinnik assinik filminilluunniit pornografiskiusunik, takusassianik assilillugit sanaqqiinernik pornografiskiusunik allanik assigisaanilluunniit piginnittumut imaluunniit akiliilluni internetti imaluunniit paasissutissanik siaruarterinermut systemi

assingusiq atorlugu ilisimasaqalersumut, § 85, imm. 2 malillugu tamanna aamma atuuppoq.

Aammattaaq, pinerluttuliortup pineqartup ukiui nalunngippagit tamatumunngalu tunngatillugu mianersuaatsuliorluni iliuuseqarpat, inummik 18-it inorlugit ukiulimmik, atortussat tuniniarneqarnissaat allatulluunniit siaruarterneqarnissaat siunertaralugu inuk assinik pornografiskiusunik, filminik assigisaanilluunniit immiussisoq, § 85, imm. 4 malillugu eqqartuunneqassaaq.

Aalajangersakkat oqaasertaat kingusinnerpaamik Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allanngortinneqarnera pillugu inatsisikkut nr. 168-ikkut, 27. februar 2019-imeersukkut (kinguaassiuutitigut pinerluttarnerit il.il.) allanngortinneqarput, tassani Folketingstidende 2018-19 (katersugaatit siulliit), A, L 123 saqqummiunneqarsimasumi, qupperneq 17 malillugu oqaatsitigut nutarterinermut ilaatillugu »kinguaassiuutitigut inuunerlunnermut tunngasunik« »pornografiskiusumik« taarserneqarluni. Oqaatsit imarisaasa nutarterneqarnerat, inatsit nr. 633, 12. juni 2013-imeersoq malillugu 2013-imi qallunaat pillaasarnermik inatsisaanni kapitali 24-imi nutarterinerup suliarineqartup assinganik tunngaveqarpoq, taamaalillunilu tamanna pillugu aalajangersakkami pinerluuteqarnerup imarisaanik allannguinnissaq taamaaliornikkut siunertarineqanngilaq.

Inuk, inummik inuttassarsiuisoq, angallassisoq, nuussisoq, ineqartitsisoq imaluunniit taamaaliornerit malitsigisaannik inummik tiguisoq, tassani 1) § 91 malillugu inatsisit unioqquutillugit pinngitsaaliisoqarluni, 2) § 92, 1, oqaaseqatigiit pingajuat malillugu nammineersinnaajunnaarsitsisoqarluni, 3) § 98 malillugu siorasaarisooqarluni, 4) paasinerluinermik inatsisinut akerliusumik pilersitsisoqarluni, sakkortusaasoqarluni atornerluisooqarluni imaluunniit 5) pineqartup akissarsiutigalugu atortittartuunissaa, assinik filminilluunniit pornografiskiusunik immiuseqataanissaa, pornografiskiusumik isiginnaartitsilluni isiginnaartitsinissaa, pinngitsaaliilluni sulisinneqarnissaa, inussiaataanissaa imaluunniit pissutsit inussiaataasutut assingusut atortinneqarnissaat, imaluunniit timip atortuinik peersiffigineqarnissaa siunertaralugu allatut ileqqussaannngitsumik suleriaaseqartoq, pinerluttulerinermi inatsimmi § 93, imm. 1 malillugu inunnik tuniniaasutut eqqartuunneqassaaq.

Inuk pineqartup akissarsiutigalugu atortittartuunissaa, assinik filminilluunniit pornografiskiusunik immiuseqataanissaa,

pornografiskiusumik isiginnaartitsilluni isiginnaartitsinissaa, pinngitsaaliilluni sulisinneqarnissaa, inussiaataanissaa imaluunniit pissutsit inussiaataasut atoringusut atortinneqarnissaat, imaluunniit timip atortuunik peersiffigineqarnissaa siunertaralugu atonerlunneqarnissaa, 1) inuttassarsiuisoq, angallassisoq, nuussisoq, ineqartitsisoq imaluunniit taamaaliornerit malitsigisaannik inummik 18-it inorlugit ukiulimmik tigusisoq imaluunniit 2) inuk, eqqunngitsuliorfigineqartumik oqartussaasup akuersissuteqarnissaa anguniarlugu akiliisoq imaluunniit allatigut iluaqutissiisoq, aamma inuk, taamaattumik akiliummik allatulluunniit iluaqutissiissummik tigusisoq, § 93, imm. 2 malillugu assigisaanik eqqartuunneqassaaq.

Aalajangersakkap oqaasertai Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allanngortinneqarnera pillugu inatsisikkut nr. 168-ikkut, 27. februar 2019-imeersukkut (kinguaassiuutitigut pinerluttarnerit il.il.) nutarterneqarput, taamaalilluni »kinguaassiuutitigut assuarnartumik pissuseqarneq« »akissarsiutigalugu atortittarneq, assilisanik filminilluunniit pornografiskiusunik, pornografiskimik pissusilersornermik isiginnaartitsineq«-inermut allanngortinneqarluni.

“Assilisanik filminilluunniit pornografiskiusunik immiussinerit” pornografiskimik pissusilersornermik isiginnaartitsinerit« inummik 18-it inorlugit ukiulimmik assinik, filminik assigisaanilluunniit immiussinerit pillugit § 85, imm. 4-mut naapertuuttumik paasineqassaaq, “Pornografiskimik pissusilersornermik isiginnaartitsineq” Folketingstidende 2018-19 (katersugaatit siulliit), A, L 123 saqqummiunneqarsimasumi, qupperneq 31 malillugu, inummik 18-it inorlugit ukiulimmik assinik, filminik assigisaanillu pornografiskiusumik immiussinerit pillugit peqataaneq pillugu § 82-itut siunnersuutigineqartumi oqariartaatsit paasineqassaaq.

#### 2.5.2. Digitaliusumik innarliisarnerit pillugit suleqatigiissitat isumaliutiginninnerat

Nunat tamat akornanni ukiuni kingullerni »pornografiimik meeqqanut tunngasumik« oqaatsit imarisaat atorneqarnerat pillugu annertusiartortumik ukkatarinnittoqarnerulersimasoq, digitaliusumik innarliisarnerit pillugit suleqatigiissitat nalunaarusiaminni tikkuarsimavaat.

Taaguut »pornografiimik« filmiliat, assit imaluunniit sanaartornerit allat, isiginnaartumik kinguaassiuutitigut tiissitsinermik sunniuteqartut pillugit atorpeqartut, suleqatigiissitat nalunaarusianni taamaalilluni takuneqarsinnaavoq. Taamaattoq taaguutip tamatuma saniatigut nalinginnaasumik inersimasunik, taakku tamanut saqqummiunniarlugit nammineq kajumissusertik malillugu kinguaassiuutitigut tunngassuteqartunik assini, filmi assigisaanniluunniit inuttalinnik, atortussat pineqarnerat pillugu piumasaqaat ilaasoq, suleqatigiissitat aamma inerniliuppaat.

Qallunaat pillaasarnermik inatsisaanni taaguummi »pornografiimik«, taamaamat suleqatigiissitat isumaat malillugu atortussat pineqartut, meeqqat kinguaassiuutitigut innarlerneqarnerannut aamma/imaluunniit meeqqat kinguaassiornermut tunngasunnigortinneqarnerannut uppernarsaataasinnaanerat pillugu, ilungersunartoqarnerata soqutaanngitsunnigortinneqarnissaa aarlerinaateqalersippaa. Aammattaaq taaguutip »pornografiimik« tamatuma saniatigut kinguaassiuutitigut innarliinerup meeqqamit akuersissutigineqarneratigut pisimaneritut pasisaarutigineqarsinnaanerata, taamaalillutillu inatsisitigut akuerisaasunik kinguaassiuutitigut atortussatut pineqarsinnaanerata, suleqatigiissitat inerniliuppaat.

Tamatuma saniatigut taaguut »meeqqat peqatigalugit kinguaassiuutitigut innarliinnermut atortussat« meeqqat kinguaassiuutitigut atoqatiginninnermi peqataatinneqarnerat pillugu allaaserinninnermi annertunerujartortumik atorpeqarnera suleqatigiissitat maluginiarpaat.

Inatsisiliormi taaguutit allannigortinneqarnerat, suleqatigiissitat isumaat malillugu pisuni allani qanoq iliornerup taaneqarneranut sunniuteqarsinnaavoq. Assit, filmiliat il.il., meeqqamik 15-it inorlugit ukiulimmik takutitsisut pineqarpata, nalinginnaanerpaamik siammarsimanerpaamillu paasinninneq malillugu innarliinnermut atortussat pineqarmata, tassami meeraq kinguaassiuutitigut iliuitsimut atuuttumik akuersissuteqaqqaarsinnaanngimmat, tassunga atatillugu suleqatigiissitat maluginiarpaat.

Taamaattoq qallunaat pillaasarnermik inatsisaanni aamma aalajangersakkani atortussanik, inunnik 15-ileereersimasumik kisianni 18-it inorlugit ukioqartunik, siammarterineq, pigisaqarneq il.il. ilaatinneqarmata, suleqatigiissitat eqqumaffigaat. Assersuutigalugu inummik 15-ileereersimasumik, nammineq piumassutsini malillugu atoqatigiinnermi

peqataasumik assit pineqarpata, taamaalilluni taaguut »innarliinermut atortussat« eqqunngitsuusinnaasoq, tassami atortussat imminni innarliinermik takutitsisariaqannginnerat, suleqatigiissitat inerniliuppaat.

Qallunaat pillaaasarnermik inatsisaanni §§ 226-imi, 227-imi aamma 235-imi kinguaassiuutitigut innarliinermut atortussat aammalu kinguaassiuutitigut atortussat allaanerusut, inummik 18-it inorlutik ukiulimmik takutitsisut, kisianni inummik atoqateqarsinnaatitaalersinnani inuup minnerpaamik ukiorisassai qaangerlugit ukioqartumik ilaaffigineqartut, qallunaat pillaaasarnermik inatsisaanni taaguusersuinerup erseqqissartariaqaraa, tassunga atatillugu suleqatigiissitat isumaqarput. Tamanna tunngavigalugu pillaaasarnermik inatsimmi §§ 226, 227 aamma 235 allanngortittariaqartut, taamaalilluni oqaaseq »pornografiimik« peerneqassalluni paarlaallugu aalajangersakkat oqaasertaanni atortussat kinguaassiuutitigut atortussanik imaqartut pineqarnerat takuneqarsinnaassasoq, suleqatigiissitat innersuussutigaa.

### 2.5.3. Inatsiseqarnermut ministereqarfiup isumaliutiginninnera aqqissuussinerlu siunnersuutigineqartoq

Inatsimmi pornografiimik meeqqanut tunngasumik taaguusersuinerup kinguaassiuutitigut innarliinermut tunngassuteqartunik allanngortinneqarnissaa pillugu digitaliusumik innarliisarnerit pillugit suleqatigiissitat isumaliutiginninnerat taamatuttaaq Kalaallit Nunaannut atuuttoq, Inatsiseqarnermut ministereqarfik isumaqarpoq.

Pinerluttulerinermi inatsimmi aalajangersakkani taaguutit pornografiimik meeqqanut tunngasumik, inuit 18-it inorlugit ukiullit assii filmillu pornografiskiusut il.il. oqaatsitigut allanngortinneqartariaqartut, taamaalilluni “pornografiimik meeqqanut tunngasumik” aamma “pornografiskiusumik” “kinguaassiuutitigut inarliinermut tunngassuteqartunut” allanngortinneqartariaqarnerat, tamanna tunngavigalugu Inatsiseqarnermut ministereqarfiup nalilerpaa.

Pinerluttulerinermi inatsimmi § 82, imm. 1, 85, imm. 1, 2, aamma 4, aamma 93 a allanngortinneqassasut siunnersuutigineqarpoq, taamaalilluni “pornografiimik meeqqanut tunngasumik” aamma ”pornografiskiusumik” peerneqassallutik, aamma tassunga taarsiullugu aalajangersakkat oqaasertaanni atortussat kinguaassiuutitigut atoqatigiinnermik imallit pineqarnerat takuneqarsinnaalissalluni.

Atortussat, aalajangersakkanut ilaatinneqartut, pornografiskiusumik filmit, assit il.il., inersimasunik takutitsisut, peqataanissamut akuersissuteqaqqaarsimasut paarlaanneqannginnissaat, aalajangersakkat oqaasertaasa allanngortinneqarnissaannut siunnersuutit erseqqissassavaat.

Meeqqat 15-it inorlugit ukiulliit pillugit assit kinguaassiuutinut tunngassuteqartut kinguaassiuutitigut innarliineq takutissagaat, tassunga atatillugu maluginiarneqassaaq, tassami meeraq kinguaassiuutitigut iliuuseqarnermi immiussinermiluunniit atuuttumik akuersissuteqarsinnaanngilaq. Atortussat taamaattut taamaammat meeraq peqatigalugu kinguaassiuutitigut inaarliinermut atortutut taaneqassapput. Taamaattoq meeqqamik piviusuunngitsumik takuneqarsinnaasunik assilillugit sanaqqitat ilaat aamma pinerluutinngortinneqarmata maluginiarneqassaaq, aamma takuneqarsinnaasunik assilillugit sanaqqitat taamaattut taamaallaat piviusuunngitsumik kinguaassiuutitigut innarliinermik takutitsissappata. Meeraq tunngaviusumik nammineerluni – inuup allap peqataaffiginngisaanik – imminut kinguaassiuutitigut innarliinermut tunngassuteqartunik atortussanik sanasinnaammat aammattaaq maluginiarneqassaaq. Atortussat taamaattut soorunami aamma kinguaassiuutitigut innarliinerit takutissanngilaat.

Kinguaassiuutitigut innarliinermut atortussat aamma atortussat kinguaassiuutitigut atoqatigiinnermik imallit akornanni immikkoortitsineq §§ 82, imm. 1-imi, aamma § 93, imm. 1-imi aamma 2-mi assigisaanik aamma atorneqarsinnaassaaq.

Aalajangersakkani pinerluuteqarnermi imarineqartut siunnersuutikkut allanngortinneqarnissaat siunertarineqanngilaq.

## **2.6. Malunnaarsarluni atoqateqarnerup allatulluunniit kinguaassiuutitigut atassuteqarnerup pinngitsaaliinermut naligiissinneqarnera**

### **2.6.1. Inatsisit atuuttut**

Inuk inummik taamaaliorfigineqarnissamut akuersissuteqaqqaarsimannngitsumik atoqatiginnittoq allakkulluunniit kinguaassiuutitigut atassuteqartoq, pinerluttulerinermi inatsimmi § 77, imm. 1 malillugu pinngitsaaliisutut eqqartuunneqassaaq.

Pinerluttulerinermi § 77, imm. 1-ip massakkut oqaasertalerneqarnera inatsisikkut nr. 414, 25. april 2023-imeersukkut oqaasertalerneqarpoq,



taannalu ilaatigut qallunaat pillaasarnermik inatsisaanni nammineq kajumissuseq tunngavigalugu pinngitsaaliineq pillugu aalajangersagaq pillugu Straffelovråd-ip isumaliutissiissutaanit 1574/2020-imeersumit tunngaveqarpoq.

Pisumi aalajangersimasumi pissutsit aallaavigalugu naliliinikkut, akuersissuteqaqqaarnissaq nammineq kajumissuseq tunngavigalugu tunniunneqassasoq aamma pineqartup nammineq kajumissusaanik takutitsissasoq, aalajangersakkamut oqaaseqaatini ilaatigut takuneqarsinnaavoq. Akuersissuteqaqqaarneq oqaatsikkut iliutsikkulluunniit takutinneqarsinnaavoq. Akuersissuteqarnerup toqqaannartumik imaluunniit allakkut aalajangersimasumik periaaseqarluni takutinneqarnissaa piumasqaataangilaq. Pinngitsaaliinermik aalajangersagaq malillugu Akuersissuteqaqqaarneq taamaalilluni aalajangersimasumik najoqquataqarnani aamma piviusumik ataatsimullu naliliinikkut nalilerneqassaaq. Inuup, Folketingstidende 2022-23 (katersugaatit aappaat), A, L 49 saqqummiunneqarsimasup, qupperneri 31 aamma 32 malillugit, atoqatiginninnermut ilaanissaminik isummernissamut periarfissinneqarsimanissaa uani pingaaruteqarpoq.

Akuersissuteqaqqaarneq – ingammik inatsisitigut isumannaatsuunissap aallaavigineqarnera eqqarsaatigalugu – inuup kinguaassiuutitigut iliuuseqarnermi peqataanera pillugu paasissutissat aallaavigalugit, matumani inuup oqaatigisai iliuusaalu, aamma inuup nammineq qamuuna isumaata aallaavigineqannginnera ilanngullugu, kinaassusersiunngitsumik nalilerneqassasoq, aammattaaq aalajangersakkamut oqaaseqaatini takuneqarsinnaavoq.

Pissut, pineqartup atoqatiginninnermut peqataaniarluni allatulluunniit kinguaassiuutitigut atassuteqarnermut akuersissuteqarneranut pingaaruteqarsinnaasoq una, inuup pissutsinik arlalinnik tamakkiisumik ilisimasaqarsimannginnerata imaluunniit paasisimasaqarsimannginnerata, kinguaassiuutitigut suliniarnermi akuersissuteqaqqaartoqarsimannginneranik kinguneqartariaqannginnera, oqaaseqaatini suliat malillugit tamatuma kinguneraa. Folketingstidende 2022-23 (katersugaatit aappaat), A, L 49 saqqummiunneqarsimasup, qupperneq 32 malillugu, pisuni inuup assersuutigalugu ukiut, killiffik, suliaq assigisaalluunniit pillugit ilumuunngitsumik oqaatiginninnikut »peqqusersusaarluni« atoqatigineqarnerani allatulluunniit kinguaassiuutitigut atassuteqarnerani, atoqatiginninneq akuersissutitaqartumik naammassineqarsimasutut isigisariaqarpoq.

Allaasorinninnerup atornerlunneqarneratigut atoqatiginninneq allatulluunniit kinguaassiuutitigut atassuteqarneq pillugu ullumikkut pinerluttulerinnermi inatsimmi immikkut ittumik aalajangersakkamik peqanngilaq, kisianni pissutsit taamaattut taamaattoq pisut malillugit pinerluttulerinnermi inatsimmi kannguttaalliorfiginninneq pillugu § 84, imm. 1-imi ilaatinneqarsinnaassapput.

## 2.6.2. Inatsiseqarnermut ministereqarfiup isumaliutiginninnera

Pillaasarnermik inatsisip aamma eqqartuussisarnermik inatsisip allanngortinneqarnera pillugu inatsisikkut nr. 741-ikkut 13. juni 2023-imeersukkut (Digitaliusumik innarliinerit akiorneqarnissaannut suliniutit, matumani isumapiloqarneq tunngavigalugu tatiginnilersitsiniaanerup, grooming-ip, inerteqqutinngortinneqarnera, malunnaarsarluni atoqateqarnerup pinngitsaaliinnermut naligiissinneqarnera, atoqateqarniarluni allatulluunniit kinguaassiuutitigut atassuteqarniarluni upperisarsiortut aqutsisuata upperisarsiortut pisariaqartitsinerannik imaluunniit pinngitsuuisinnaannginneranik atornerluineq il.il.) pinngitsaaliineq pillugu qallunaat pillaasarnermik inatsisaanni § 216 annertusineqarpoq, tassani aamma pinerluttuliortup inummik, pinerluttuliortumik allaasorinnittumik malunnaarsarluni atoqateqarnera ilaatinneqalerluni.

Eqqunngitsuliorfigineqartup pinerluttuliortoq allaasoralugu pisumi tassanerpiaq kukkuneranik pinerluttuliortup atornerluinerani, malunnaarsarluni atoqateqarnermi, malunnaarsarluni atoqateqarneq allatulluunniit kinguaassiuutitigut atassuteqarneq akuersissuteqaqqaarnissaq pillugu pinngitsaaliineq pillugu aalajangersakkap siunertaanut akerliusutut paasineqarsinnaasoq, taassani inuk pineqartup atoqatiginninnermi isummernissaminut periarfissinneqartussaalluni, tassami pinerluuteqartoq malunnaarsarnermigut eqqunngitsuliorfigineqartup nammineerluni kimik atoqateqarnissaminik aalajangiinissamut periarfissaanik arsaassammagu, Inatsiseqarnermut ministereqarfik isumaqarpoq. Taamaalilluni Inatsiseqarnermut ministereqarfiup naliliinera malillugu kinguaassiuutitigut nammineq aalajangiisinnaatitaanermut malunnaarsarluni atoqatiginninneq ingasattumik innarliineruvoq, akuersissuteqaqqaarnissamut tunngaveqarneq pillugu aalajangersagaq malillugu pinngitsaaliinerit suussusaasa ilaannut naligiissinneqarsinnaasoq. Atoqatigiinnissamut akuersissuteqaqqaarnissap saniatigut taamaalilluni pinngitsaaliisutut

eqqartuussisoqassanngippat, inummut atoqatigineqartumut aamma  
atoqatigiinnissamut akuersissuteqaqqaartoqarnissaa  
piumasaqaatigineqartariaqarpoq.

Eqqarsaatigisassat assingi Kalaallit Nunaannut atuuttut, Inatsiseqarnermut  
ministereqarfik isumaqarpoq. Tamanna tunngavigalugu  
eqqunngitsuliorfigineqartup pinerluttuliortoq allaasoralugu kukkuneranik  
atornerluineratigut malunnaarsarluni atoqateqarneq allatulluunniit  
kinguaassiuutitigut atassuteqarneq siunissami pinerluttulerinermi inatsimmi  
§ 77, imm. 1 malillugu pinngitsaaliinermut naligiissinneqartariaqartoq  
Inatsiseqarnermut ministereqarfik isumaqarpoq.

### 2.6.3. Aaqquissuussineq siunnersuutigineqartoq

Pinerluttulerinermi inatsimmi § 77, imm. 1-imi uniffimmik nutaamik  
ilanngussisoqarnissaa siunnersuutigineqarpoq, taava inuk inummik  
pinerluttuliortumik allaasorinnittumik malunnaarsarluni atoqatiginnittoq  
allatulluunniit kinguaassiuutitigut atassuteqartoq,  
akuersissuteqaqqaarnissamik aalajangersakkami periaaseq malillugu  
pinngitsaaliisutut eqqartuunneqassaaq.

Inummik pinerluttuliortumik allaasorinnittumik malunnaarsarluni  
atoqatiginninneq allatulluunniit kinguaassiuutitigut atassuteqarneq,  
akuersissuteqaqqaarnissamik aalajangersakkami periaaseq malillugu  
pinngitsaaliinermut naligiissinneqassasoq, taamaalilluni malunnaarsarluni  
atoqatiginninneq siunissami pinngitsaaliinertut nalilerneqassalluni,  
taamaalilluni inummik pinerluttuliortumik allaasorinnittumik  
malunnaarsarluni atoqatiginninneq allatulluunniit kinguaassiuutitigut  
atassuteqarneq, aalajangersagassatut siunnersuutigineqartup  
kingunerissavaa.

Peqquserlunneq allatut iluseqartoq kisianni ilaatinneqassanngilaq.  
Assersuutigalugu kinaassutsip salluliutigineqarnera imaluunniit  
pisoorsuartut ilisarismaneqarluartutulluunniit pisuusaarnikkut  
pinerluttuliortup atoqatiginninnera, taamaalilluni kinguaassiuutitigut  
pinerluuteqartarnerit pillugit Straffelovråd-ip isumaliutissiissutaani nr.  
1534/2020-imi qupperneq 43 malillugu, kisianni malittarisassaq malillugu  
pinerluutinngortinneqassanngilaq.

Pinerluttuliortoq allaasoralugu eqqunngitsuliorfigineqartup kukkunera  
aalajangiisuusoq atornerlunniallugu pinerluttuliortup siunertaqarluni  
iliuseqarsimanissaa, nammineq isuma malillugu piumasaqaataavoq.

Akuersissuteqaqqaarnissamik tunngavilimmik pinngitsaaliineq pillugu aalajangersagaq, aamma akuersissuteqaqqaarnissaq pillugu oqaatsip imarisaa aalajangersarneqareersoq pinerluttulerinermi inatsimmi § 77, imm. 1-imiittoq, allannguutip attussanngilaa.

## **2.7. Meeqqamik atoqateqarneq pillugu pinerluttulerinermi inatsimmi § 77, imm. 2-p allanngortinneqarnera**

### 2.7.1. Inatsisit atuuttut

#### 2.7.1.1. Pinngitsaaliineq pillugu pinerluttulerinermi inatsimmi § 77

Inummik tassunga akuersissuteqaqqaarsimanngitsumik atoqatiginnittoq allatulluunniit kinguaassiuutitigut atassuteqartoq, pinerluttulerinermi inatsimmi § 77, imm. 1 malillugu pinngitsaaliisutut eqqartuunneqassaaq.

Aammattaaq, inuk meeqqamik 12-it inorlugit ukiulimmik atoqateqartoq allatulluunniit kinguaassiuutitigut atassuteqartoq, § 77, imm. 2 malillugu pinngitsaaliisutut eqqartuunneqassaaq.

Meeqqamik 12-it inorlugit ukiulimmik atoqatiginninnerit allatulluunniit kinguaassiuutitigut atassuteqarnerit suugaluartulluunniit pinerluttulerinermi inatsimmi § 77, imm. 2-mi ilaatinneqarput, tassani pinerluttuliortoq meeqqap 12-it inorlugit ukioqarnera eqqarsaatigalugu iliuuserisaminut siunertaqarsimassaaq. Meeqqap ukiuinut tunngatillugu pinerluttuliortoq taamaallaat mianersuaalliorsippat, tassunga taarsiullugu meeqqamik 15-it inorlugit ukiulimmik atoqateqarneq pillugu pinerluttulerinermi inatsimmi § 79-imut atassuteqarneq ilaatinneqassaaq. § 77, imm. 2-p aamma § 77, imm. 1-ip akornanni (akuersissuteqaqqaarnissaq tunngavigalugu pinngitsaaliineq) aporaatillugit eqqartuussisoqarsinnaavoq.

#### 2.7.1.2. Meeqqamik 15-it inorlugit ukiulimmik atoqateqarneq allatulluunniit kinguaassiuutitigut atassuteqarneq pillugu pinerluttulerinermi inatsimmi § 79

Atassuteqarneq § 77, imm. 2-mi ilaatinneqanngippat, pinerluttuliortup meeqqap ukiui imaluunniit tamatumunnga tunngatillugu mianersuaalliorsimaguni, inuk meeqqamik 15-it inorlugit ukiulimmik atoqatiginnittoq allatulluunniit kinguaassiuutitigut atassuteqartoq, meeqqamik kinguaassiuutitigut atassuteqarneq pillugu pinerluttulerinermi inatsimmi § 79 malillugu eqqartuunneqassaaq.

Taamaalilluni meeqqamik 15-it inorlugit ukiulimmik atoqateqarneq allattulluunniit kinguaassiuutitigut atassuteqarneq pinerluttulerinermi inatsimmi § 79 malillugu piumasaaqatitaqanngitsumik inerteqqutaavoq. Meeqqap akuersissuteqaqqaarsimanissaa pingaaruteqanngilaq, aamma akisussaanerup nalilerneqarnerani, akuusut arlaata atoqatiginninneq aallarnersimaneraa, imaluunniit atornerluineq pineqarsimanersoq pingaaruteqanngilaq.

Pinerluttulerinermi inatsiseqartitsineq malillugu § 79 malillugu akisussaaneq, meeqqap ukiuisa eqqarsaatigalugu siunertaqarluni iliuuseqarnermik pissuteqartinneqanngilaq. Taamaalilluni pinerluttuliortoq meeqqap ukiui eqqarsaatigalugit mianersuaalliorsimasoq, aalajangersagaq malillugu aamma pinerluttulerinermi inatsiseqartitsineq malillugu akisussaatinneqarsinnaavoq. Meeqqamik 12-it inorlugit ukiulimmik atoqateqarneq allattulluunniit kinguaassiuutitigut atassuteqarneq pillugu pinerluttulerinermi inatsimmi § 77, imm. 2-mut tunngatillugu § 79-imi aalajangersagaq pingaannginneruvoq, aamma meeraq 12-it inorlugit ukioqarpat, aamma pinerluttuliortoq tassunga atatillugu siunertaqarluni iliuuseqarpat, taamaalilluni § 79 unioqqutinneqarnera pillugu aappiullugu eqqartuussisoqassanngilaq. Meeqqap ukiui eqqarsaatigalugit siunertaqaqqaaranis siunertaqaqqaannginnerup malitsigisaanik meeqqamik 12-it inorlugit ukiulimmik atoqateqarneq allattulluunniit kinguaassiuutitigut atassuteqarneq, § 77, imm. 2 malillugu pinerluutinngortinneqanngippat, § 79 kisianni atornerluusinnaassaaq.

### 2.7.1.3. Meeqqamut 15-it inorlugit ukiulimmut allatut kinguaassiuutitigut atassuteqarneq pillugu suliani unnerluussisoqannginnissaa

Unnerluussisoqannginnissaa pillugu malittarisassat atuuttut malillugit, Kalaallit Nunaanni politidirektørip aamma statsadvokatit unnerluussisoqannginnissamik atuisinnaatitaaneri pillugit peqqussummi nr. 1532, 16. december 2022-imeersumi § 1, imm. 1, nr. 3 malillugu suliani meeqqamik 15-it inorlugit ukiulinnik atoqatiginninnermik aamma allatut kinguaassiuutitigut atassuteqarnermik tunngassuteqartuni, eqqunngitsuliorfigineqartoq 12-it sinnerlugit ukioqarpat, pasisarlu 22-inik ukioqalersimannippat, unnerluussisoqannginnissaa nalunaarutigineqassaaq. Pasineqartup eqqunngitsuliorfigineqartullu ineriartornermikkut inissisimaffii aamma ukiui kiisalu imminnut ukiumikkut assigiinngissutaat pillugit paasissutissat tunngavigalugit,

kinguaassiuutitigut atassuteqarneq tamakkiisumik aamma nammineq kajumissuseq tunngavigalugu pisimanerata ilimagineqarnissaa, aamma akuusut akornanni atassuteqarneq allakkut naammattumik naligiissutut isigineqarnissaa tassunga piunasaqaataavoq.

#### 2.7.2. Inatsiseqarnermut ministereqarfiup isumaliutiginninnera

Pillaasarnermik inatsisip, eqqartuussisarnermik inatsisip aamma qallunaatut innuttaassusilinnut passi pillugu inatsisip il.il allanngortinneqarnerat pillugu inatsisikkut nr. 226-ikkut, 15. februar 2022-imeersukkut (Meeqqanut kinguaassiuutitigut innarliisarnerit akiorniarlugit suliniutit patajaallisarneqarnerat aamma kinguaassiuutitigut innarliinernit eqqugaasunut siunnersuisarnerup patajaallisarneqarnera) qallunaat pillaasarnermik inatsisaanni § 216, imm. 2 annertusineqaroq, tassani pisoq inuup, 22-inik ukioqalereersimasup meeqqamik 15-it inorlugit ukiulimmik atoqateqarnera ilaatinneqalerluni.

Kinguaassiuutitigut suliaqarnermi akuusut arlaata nammineq piunassutsimini malillugu akuersissuteqaqqaanngippat, pinngitsaaliineq pineqassaaq. Meeraq 15-it inorlugit ukiulik inersimasumik meeqqamit annertuumik utoqqaanerusumik kinguaassiuutitigut atassuteqarnermut akuersissuteqarsinnaanngitsoq, tassunga atatillugu Inatsiseqarnermut ministereqarfik isumaqarpoq.

Taamatut kinguaassiuutitigut atassuteqarneq pinngitsaaliinertut pinerluutinngortinneqartariaqartoq, soorlu meeqqamik 12-it inorlugit ukiulimmik atoqatiginninnerit suugaluartulluunniit aamma taama pineqartartut, taamaammat Inatsiseqarnermut ministereqarfik isumaqarsimavoq. Allanguinermi taamaattumi suliani ilungersunannginnersuni soorlu assersuutigalugu nammineq kajumissuseq malillugu ukioqatigiillutik pissiariit akornanni, assersuutigalugu taama tulleriillutik, 13-iniit 14-inut aamma 15-iniit 16-inut ukiullit, atoqatigiinneranni, naleqqutinngitsumik sukannernerulersitsisoqannginnissaata pinissaata imaluunniit taaguusersuineri allanguisoqannginnissaata eqqarsaatigineqarsimanagera, tassunga atatillugu pingaaruteqarpoq.

Qaqugukkut meeqqap inersimasullu akornanni atassuteqarneq oqaatsip isumasiornera malillugu ima naligiinngitsiginersooq pillugu, nammineq kajumissuseq malillugu akuersissuteqaqqaarnissap pinngisaannarnissaanut tunngatillugu oqartoqarsinnaalernissami, meeqqamit kinguaassiuutitigut

atassuteqarnermi naleqquttumik ukioqarnissamut killissarititaasut ukiunut 22-inut ukioqarnissamik killilernerqarnissaat, soorlu aamma unnerluussinnginnissaq pillugu malittarisassani tamanna atuuttoq, Inatsiseqarnermut ministereqarfik isumaqarsimavoq.

Eqqarsaatigisassat Danmarkimi inatsisip 2022-imi allanngortinneqarneranut tunngaviusut, aamma Kalaallit Nunaanni atuuttut, Inatsiseqarnermut ministereqarfik isumaqarpoq.

### 2.7.3. Aaqqissuussineq siunnersuutigineqartoq

Tamanna tunngavigalugu pinerluttulerinermi inatsimmi § 77, imm. 2 annertusineqassasoq siunnersuutigineqarpoq, taamaalilluni inuup 22-inik ukioqalereersimasup, meeqqamik 15-init inorlugit ukiulimmik atoqatiginninnera allatulluunniit kinguaassiuutitigut atassuteqarnera ilaatinneqalissalluni.

Pisuni inuup, 22-inik ukioqalereersimasup, meeqqamik 15-it inorlugit ukiulimmik atoqateqarnerata allatulluunniit kinguaassiuutitigut atassuteqarnerata aamma tassunga atatillugu siunertaqarsimanerata, siunissami pinngitsaaliinertut pinerluutinngortinneqarnissaa, siunnersuutip kinguneraa. Pisut taamaattut tassa siunissami pinerluttulerinermi inatsimmi § 79-imi aalajangersakkap ataanut atatinneqarunnaassapput.

Pisuni meeqqap ukiui eqqarsaatigalugit pinerluttuliortoq taamaallaat mianersuaatsuliorluni iliuseqarsimappat, aalajangersagaq siunnersuutigineqartoq malillugu pinngitsaaliinertut eqqartuussisoqarnaviannngilaq. Tassunga taarsiullugu meeqqamik 15-it inorlugit ukiulimmik atoqateqarneq allatulluunniit kinguaassiuutitigut atassuteqarneq pillugu pinerluttulerinermi inatsimmi § 79 malillugu sulii eqqartuussisoqarsinnaassaaq.

§ 77, imm. 1-ip (akuersissuteqaqqaarnissaq tunngavigalugu pinngitsaaliineq) aamma § 77, imm. 2, oqaaseqatigiillu aappaata akornanni aporaatsillugit eqqartuussisoqarsinnaassaaq.

## **2.8. Upperisarsiornikkut pinngitsuuisinnaannginnermik ingasattumik atornerluineq**

### 2.8.1. Inatsisit atuuttut

Inuup suliaqarnikkut, aningaasaqarnikkut imaluunniit passunneqarnermik paaqqutarineqarnermilluunniit pinngitsuuisinnaanngissusianik ingasaassisumik atornerluinikkut atoqatiginnittoq allatulluunniit

kinguaassiuutitigut atassuteqartoq, § 78, imm. 2 malillugu eqqartuunneqassaaq.

Pinerluttuliortup eqqunngitsuliorfigineqartullu akornanni aalajangersakkami taaneqartut pinngitsuuisinnaajunnaarluni atassuteqarnertut pissuseqartoq, aamma atassuteqarnerup taassuma atoqateqarnissamik allatulluunniit kinguaassiuutitigut atassuteqarnissamik atonerlunneqarnera, aalajangersakkap atorneqarnissaanut piumasqaataavoq.

Nakorsap katsorsaasup pineqartullu akornanni sakkortuumik pinngitsuuisinnaajunnaarluni atassuteqartoqarpat, nakorsallu pinngitsuuisinnaajunnaarneq taanna napparsimasumik atoqateqarnissamut allatulluunniit kinguaassiuutitigut atassuteqarnissamut ingasattumik atonerlussimappagu, katsorsarneqarnermik pinngitsuuisinnaajunnaarnermik ingasattumik atonerluinermi inuit, sivisunerusumik nakorsaatinik pinngitsuuisinnaajunnaarnermik pilersitsisartunik katsorsarneqarnerat, ilaatinneqarput. Katsorsarneqarnermut tunngatillugu pinngitsuuisinnaannginnermi, pisut allat nakorsap katsorsaasulluunniit allap aamma napparsimasup akornanni assigisaanik sakkortuumik pinngitsuuisinnaannginneq kiisalu nakorsamit katsorsaasumilluunniit assigisaanik ingasattumik atonerluineq aammattaq ilaatinneqarput.

Paaqqutarineqarnissamut tunngatillugu ingasattumik atonerluinermi, paarsisut pineqartullu akornanni sakkortuumik pinngitsuuisinnaannginneq atuuppat, aamma pinngitsuuisinnaajunnaarluni atassuteqarneq taanna pineqartumut atoqateqarnissamut allatulluunniit kinguaassiuutitigut atassuteqarnissamut ingasattumik atonerlunneqarpat, inuit nammineq angerlarsimaffimminni imaluunniit paaqqinnittarfimmi katsorsaaviusumi imaluunniit najugaqarfissatut neqeroorumi il.il. (annertuumik) paaqqutarineqarnissamut ikiorneqartut ilaatinneqarput.

Aalajangersakkamit isigalugu, atoqatiginninniarluni allatulluunniit kinguaassiuutitigut atassuteqarniarluni aappariinnerup inooqatigiinnerulluunniit malitsigisaanik aningaasaqarnikkut pinngitsuuisinnaajunnaarnerup pinngitsaaliinertut atorneqarnerani atonerluineq, aallaaviatigut “ingasattumik atonerluinertut” isigineqanngilaq. Avinnisq imaluunniit inooqatigiinnerup taamaatinneqarnissaa qunusaarutigalugu atoqatiginninneq allatulluunniit kinguaassiuutitigut atassuteqarneq taamaalilluni ingasattumik



atornerluinertut isigineqanngilaq, tamannalu naak, aappaasup pigisat agguarneqarnerisa sivisoorujussuannngortinneqarnissaannik suli allanik qunusaarutiginninnerani, imaluunniit akiliisitsiniartarnermik eqqartuussivik ikiortigalugu massakkorluinnaqqissaaq ataatsimut inigisamit anisinneqarnissamik qunusaarutiginninnerani, aamma aappaasup aappaa qunusaarinerit taakku piviusunngortinneqassagalarpata ajornakusoortorujussuarmik inissisimalernissaani, tamanna atuuppoq.

Akilersuutit akilerneqartussatut pisussaaffiusut piffissaq akiliiffiususaaq eqqorlugu akilerneqannginnissaannik imaluunniit inigisamit ataatsimoorussamit inatsisit unioqquillugit eqqartuussisut suliassaannik namminersuussinikkut anisitaanissaq immikkut ittumik qunusaarutigalugu atoqatiginninneq allatulluunniit kinguaassiuutitigut atassuteqarneq anguneqarsimappat, kisianni aappaasup aappaata aapparminit akilersuutit piffissaq eqqorlugu tigusinissaq annertuumik pinngitsoorsinnaanngippagu, taama tulleriillutik, inigisami ataatsimoorussami najugaqaannarnissamut aamma aappaasup tamatuma malitsigisaanik aapparmi atoqatiginninnissamut allatulluunniit kinguaassiuutitigut atassuteqarnissamut akuersitissimappagu, aalajangersakkap isumaani tamanna nalinginnaasumik “ingasattumik atornerluineruvoq” aamma aapparissamut taamatut eqqartuussissutigineqarsinnaalluni.

Aappaasumut, katsorsarneqarnissamik paaqqutarineqarnissamilluunniit aapparminit inooqatiminilluunniit annertuumik pinngitsuuisinnaanngitsumik (imaluunniit katissimanagu inooqatigisamut) atoqatiginninneq allatulluunniit kinguaassiuutitigut atassuteqarneq, pinerluttulerinermi inatsimmi § 78, imm. 2-p paasineqarnerani katsorsarneqarnissamik- aamma paaqqutarineqarnissamik pinngitsuuisinnaannginnermik “ingasattumik atornerluinerunersoq”, piviusunik nalilersuinermik pissuteqassaaq.

Pinerluttulerinermi inatsiseqartitsineq malillugu § 78, imm. 2 malillugu akisussaanermut nammineq isuma malillugu, pinerluuteqarnerup imarisaanut tamanut atatillugu siunertaqarluni iliuuseqartoqarsimanissaa piumasagaataavoq.

Inuk, inummik akuersissuteqaqqaarsimannngitsumik atoqateqartoq allatulluunniit kinguaassiuutitigut atassuteqartoq, pinerluttulerinermi inatsimmi § 77, imm. 1 malillugu pinngitsaaliisutut eqqartuunneqassaaq.

Inuup nammineq piumasani malillugu atoqatigiinnermi allatulluunniit kinguaassiuutitigut atassuteqarnermi peqataanera, atoqatigiinnermi allatulluunniit kinguaassiuutitigut atassuteqarnermi akuersissuteqaqqaarnissamut pissutaassaaq. Inuup nammineq atoqatiginninnermi allatulluunniit kinguaassiuutitigut atassuteqarnermi peqataanissani pillugu isummersinnaasimanersoq uani pingaaruteqarpoq.

Akuersissuteqaqqaarneq – ingammik inatsisitigut isumannaatsuunissap eqqarsaatigineqarnera aallaavigalugu – inuup atoqatigiinnermi il.il. peqataanera pillugit, matumani inuup oqaasii iliuusiilu, aamma inuup nammineq ilumini isumaata aallaaveqannginnera ilanngullugit, paasissutissat aallaavigalugit kinaassusersiunngitsumik nalilerneqassaaq. Inuk nammineq ilumini isummani malillugu atoqatiginninnissamik allatulluunniit kinguaassiuutitigut atassuteqarnissamik kissaateqanngitsoq, kisianni taamaaliornermut taamaattoq akuersisoq, taamaaliornermut akuersissuteqarsimasutut isigineqarsinnaassaaq.

Pineqartup ukiui pinerluttuliortup nalunngikkunigit, imaluunniit tamatumunnga tunngatillugu mianersuaatsuliorluni iliuuseqaruni, ukiuni misilittakkanilu pissutigalugit pisinnaatitaanani allanit pitsaannerusut naleqarnerusutulluunniit imminut isigaluni, inummik 18-it inorlugit ukiulimmik atoqatiginnittoq allatulluunniit kinguaassiuutitigut atassuteqartoq, pinerluttulerinnermi inatsimmi § 80, imm. 1 malillugu alutorineqarneq, kinaassuseq, kusagineqarneq, atisalersornerneq, neriorsuutit il.il. ikiorsiullugit inummik kajungilersitsiniaanermik ingerlatsisutut taanna eqqartuunneqassaaq.

Pinerluttuliortup pineqartup ukiui nalunngikkunigit imaluunniit tamatumunnga tunngatillugu mianersuaalliorsimaguni, inummut inummik 18-it inorlugit ukiulimmik, pinerluttuliortup qitornassarisaanik qitornarsiaanilluunniit imaluunniit ilinniartitassatut perorsagassatulluunniit paarisassatut tatigineqarluni tigungmiaminik atoqatiginnittumut allatulluunniit kinguaassiuutitigut atassuteqartumut, pinerluttulerinnermi inatsimmi § 80, imm. 2-mi tamanna aamma atuuppoq.

Akuusut marluullutik namminneq piumassusertik malillugu taamaaliornissamut akuersissuteqaqqaarsimappata, upperisarsiornermik aqutsisup taassumalu ilagiivini ilaasortap akornanni pinngitsuuisinnaajunnaarluni atassuteqarneq pilersinnaasoq atonerlullugu, upperisarsiorlut aqutsisuata ilaasortamik pineqartumik atoqatiginninnissaq allatulluunniit kinguaassiuutitigut atassuteqarnissaq pissarsiariniarlugu,

pinngitsuuisinnaajunnaarnermik atassuteqarneq pillugu ingasattumik atonerluinera, taamaalilluni pinerluttulerinermi inatsit aalajangersakkanik pinerluutinngortitsisunik peqanngilaq.

## 2.8.2. Inatsiseqarnermut ministereqarfiup isumaliutiginninnera

Pillaasarnermik inatsisip, eqqartuussisarnermik inatsisip aamma qallunaatut innuttaassusilinnut passi pillugu inatsisip il.il allannngortinneqarnerat pillugu inatsisikkut nr. 741-ikkut, 13. juni 2023-imeersukkut (Digitaliusumik innarliisarnerit akiorneqarnissaannut suliniutit patajaallisarneqarnerat, matumani isumapiloqarneq tunngavigalugu tatiginnilersitsiniaanerup, grooming-ip, inerteqqutinngortinneqarnera, meeqqamik atoqateqarnerup pinngitsaaliinermut naligiissinneqarnera, malunnaarsaarluni atoqateqarneq, upperisarsiorlut aqutsisuisa atoqateqarniarlutik inuup pisariaqartitsineranik imaluunniit pinngitsuuisinnaannginneranik atonerluineri il.il.) qallunaat pillaasarnermik inatsisaanni § 220 annertusineqarpoq, tassani upperisarsiorlut aqutsisuata ilaasortamik atoqateqarniarluni, upperisarsiorlut aqutsisuata taassumalu ilagiivini ilaasortap akornanni pinngitsuuisinnaannginnermik ingasattumik atonerluinera aamma ilaatinneqalerluni.

Palasit upperisarsiornermilu aqutsisut allat ilagiimminni pisut ilaanni qitiulluinnartumik atuuffeqartarput oqaasissaqartuusarlutillu Inatsiseqarnermut ministereqarfik isumaqarpoq. Atuuffitsik taanna pissutigalugu ilagiinni ilaasortanit immikkut ittumik tatigineqarnermik tatiginassuseqartutullu isigineqarnermik angusisarput. Taamaattoqarnera pisut ilaanni piviusumik pinngitsuuisinnaajunnaarluni atassuteqarnermik kinguneqarsinnaavoq.

Taamatut tatiginninneq- pinngitsuuisinnaajunnaarluni atassuteqarneq ingammik pisuni tarnikkut ajornartorsiorfillugu isumassorneqarnerni malunnarsinnaavoq, tassami ilaasortaq pineqartoq pissutsimi eqqortiasinnaaneruffimminiittarmat taamaalillunilu uukapaatinneqarluarnerusinnaalluni. Tamatuma saniatigut avatangiisit ilaanni ilagiinni ilaasortat, upperisarsiornermi aqutsisoq maleruuffiginngikkunikku, upperisarsioqatigiinniit inooqatigiinnilu ataatsimoorfigisaminnit anisitaanissaq aarlerigisinnaavaat. Ilaatigut pisuni taamaattuni ima pisoqarsinnaavoq – upperisarsiornermi aqutsisup pinngitsuuisinnaajunnaarluni atassuteqarnerup ingasattumik atonerluinerata malitsigisaanik – ilaasortaq atoqatiginninnermi

allatulluunniit kinguaassiuutitigut atassuteqarnermi akuersissuteqartariaqarluni.

Upperisarsiornermi aqutsisup inunnut atassuteqaammik pinngitsuuisinnaanngitsunik atoqatiginninniarluni allatulluunniit kinguaassiuutitigut atassuteqarniarluni ilagiinni immikkut ittumik atuuffimminik oqaasissaqartuunerminillu ingasattumik atornerluinera, Inatsiseqarnermut ministereqarfiup isumaa malillugu akuerineqarsinnaanngilaq. Katsorsaasumut imaluunniit psykologimut tatiginninnerup assinga, upperisarsiorlut aqutsisuanut taamatuttaaq aalajangersarneqartariaqarpoq.

Eqqarsaatigisassat assingi Kalaallit Nunaannut atuuttut, Inatsiseqarnermut ministereqarfik isumaqarpoq. Tamanna tunngavigalugu pinerluttulerinermi inatsimmi § 78, imm. 2 annertusineqartariaqartoq, taammaalilluni pisut, upperisarsiorlut aqutsisuata taassumalu ilagiivini ilaasortaasup akornanni upperisarsiorlut aqutsisuata ilaasortamut atoqateqarnissaq allatulluunniit kinguaassiuutitigut atassuteqarnissaq anguniarlugu pinngitsuuisinnaajunnaarluni atassuteqarnerup ingasattumik atornerluinera ilaatinneqalerluni, Inatsiseqarnermut ministereqarfik isumaqarpoq.

### 2.8.3. Aaqqissuussineq siunnersuutigineqartoq

Pinerluttulerinermi inatsimmi § 78, imm. 2-p annertusineqarnissaa siunnersuutigineqarpoq, taamaalilluni upperisarsiorlut aqutsisuata taassumalu ilagiivini ilaasortaasup akornanni pinngitsuuisinnaajunnaarluni atassuteqarnerup atasup atoqatiginninnissamik allatulluunniit kinguaassiuutitigut atassuteqarnissamik pissarsiniarluni ingasattumik atornerlunneqarnera aamma ilaatinneqalissalluni.

Aalajangersakkap annertusineqarnerani upperisarsiornermi aqutsisup ilaasortallu pineqartup akornanni sakkortuumik pinngitsuuisinnaajunnaarluni atassuteqartoqarpat, aamma upperisarsiornermi aqutsisup ilaasortamik pineqartumik atoqatiginninnissani allatulluunniit kinguaassiuutitigut atassuteqarnissani anguniarlugu pinngitsuuisinnaajunnaarluni atassuteqarneq ingasattumik atornerluppagu, tarnimikkut ajornartorsiuteqarnermikkut isumassorneqartut allatulluunniit upperisarsiorlut aqutsisuannik immikkut ittumik tatiginninnermik- tatigeqatigiinnermillu atassuteqarnermik ilagiinni ilaasortat ineriartortitsisisiffiusimasut, aalajangersakkap annertusineqarnerani ilaatinneqassapput. Upperisarsiornermi aqutsisup

taassumalu ilagiivini ilaasortap akornanni pinngitsuuisinnaajunnaarnermik atassuteqarnermik atuuttumik upperisarsiortut aqutsisuata ingasattumik atonerluinerani, aammattaaq pisuni allani, upperisarsiortut aqutsisuata taassumalu ilagiivini ilaasortap akornanni assigisaanik sakkortuumik pinngitsuuisinnaajunnaarneq ilaatinneqassaaq, tassani pinngitsuuisinnaannginneq upperisarsiortut aqutsisuannit ingasattumik atonerlunneqarluni. Assersuutigalugu tamanna pisuni, ilaasortap pineqartup – upperisarsioqatigiit ataatsimoornerannit anisitaanissaq annilaangagalugu – upperisarsiortut aqutsisuannik maliguutiinnarnerani pisinnaavoq.

Upperisarsiortut aqutsisuata inooqammik inooqateqalernissaata suli periarfissaanissaa siunnersuutip allanngortissanngilaa, aamma pineqartup ilagiivini taanna ilaasortaagaluarpalluunniit. Taamaammat pisuni taamaattuni atoqatiginninnermik allatulluunniit kinguaassiuutitigut atassuteqarnermik angusineq, upperisarsiornermik aqutsisup pinngitsuuisinnaajunnaarluni atassuteqarneq ingasattumik atonerlussimaneraa, piviusumik nalilersuinermik tunngaveqassaaq.

Inuk “upperisarsiornermik aqutsisutut” taaneqarsinnaanersoq, pineqartup ajoqersuinermik atuuffeqarneranik imaluunniit allatut upperisarsiornermi immikkut ittumik oqartussaasuuneranik pissuteqartinneqassaaq. Kisianni assersuutigalugu pineqartup upperisarsioqatigiinni ilagiinniluunniit akuerisaasuni ilaanissaa piumasaqaataanngilaq. Ilagiit pillugit oqaatsip imarisaa atituumik paasineqassaaq aamma upperisarsiornikkut ataatsimoornermik suugaluartunilluunniit, upperisarsiornikkut aqutsisumik imaluunniit ataatsimoorussamik upperisarsiornikkut nakimanani isumaqatigiinnernik qitiutitsinerussapput. Aalajangersagassatut siunnersuutigineqartup annertusineqarnerani taamaalilluni palasit, imamit, rabbinerit anersaakkullu aqutsisut allat ilaatinneqassapput, massa ilagiit siunnersuisuini ilaasortaq imaluunniit palasip oqaluffimmi ikiortaa assersuutigalugu ilaatinneqassanatik. Inuk ilagiinni ilaasortaanersoq nalilerniarlugu, pineqartup ilagiinni upperisarsiornikkut inooqatigiinniluunniit aqqissuussinerit qanoq akulikitsigisuik peqataaffigisarnerai, ilaasortaanermut akiliisarnersoq, pineqartoq ilagiit aqutsisuini ilaanersoq imaluunniit pineqartoq ilagiit inooqatigiinni sulineranni peqataasarnersoq assersuutigalugu pingaartinneqarsinnaapput.

### **3. Naalagaaffiit Peqatigiit nunarsuarmut anguniagaasa naammassineqarnissaanut kinguneri**

Pinerluttulerinermi inatsimmi aalajangersagassatut siunnersuutigineqartut anguniagassat ilaannut 16.2-mut inatsisissatut siunnersuutip ikorfartuutaanissaa nalilerneqarpoq, tamatuma kingorna naalliutsitsineq, atonerluineq, inuit niuerutigineqarnerat aamma meeqqanut nakuusernerit naalliutsitsinerillu suugaluartulluunniit unitsinneqassallutik. Taamatuttaaq piujuartitsilluni ineriartortitsinermi Naalagaaffiit Peqatigiit nunarsuarmi anguniagaannut »suaassutsit akornanni naligiissitsineq«-erup naammassineqarnissaanut siunnersuutit ikorfartuutaanissaat ingammik anguniakkat ilaannut 5.2-mut nalilerneqarpoq, matumani kikkut tamarmik tikissinnaasaanni namminerlu inigisani arnanut niviarsiaqqanullu nakuusernarnerit suugaluartulluunniit nungutinneqarnissaat, matumani kinguaassiuutitigut allatigullu atonerlunneqarnerit ilanngullugit.

### **4. Naligiissitaanermut kinguneri**

Inatsisissatut siunnersuut suaassutsit arlaannaannulluunniit atanngilaq aamma pinerluttulerinermi inatsimmi allannguutissatut siunnersuutigineqartuni suaassutsit tamarmik ilaatinneqarput. Kisianni arnanit amerlanerullutik angutit kinguaassiuutitigut innarliisarput, aamma niviarsiaqqat nukappiaqqanit amerlanerusarput kinguaassiuutitigut innarlerneqartartut. Inatsisissatut siunnersuut naligiissitaanermut isiginniffinnik imaqartoq tamanna tunngavigalugu nalilerneqarpoq.

### **5. Pisortanut aningaasaqarnikkut kinguneri aamma atortuulersitsinerup kinguneri**

Politiinut sumiiffinnilu unnerluussisunut 3,3 mio. kr.-inik (2023-pl) 2024-imi aamma 2025-imi (2023-pl) aamma siumut 6,6 mio. kr. ukiumut inatsisissatut siunnersuutip aningaasartuuteqarnerunermik kinguneqarnissaa naatsorsuutigineqarpoq. Taakkua saniatigut eqqartuussivinnut 2024-imi 0,2 mio. kr.-inik aamma 2025-imimiit siumullu (2023-pl) ukiumut 0,3 mio. kr.-inik aningaasartuutaanerusussaat naatsorsuutigineqarpoq. Pinerluttunik isumaginnittunut aningaasartuutaanerusussatut naatsorsuutigineqartut patajaallineqarmata maluginiarneqassaaq.

## **6. Inuussutissarsiortunut il.il. aningaasaqarnikkut allaffissornikkullu kinguneri**

Inuussutissarsiortunut il.il. inatsisissatut siunnersuut allaffissornikkut kinguneqassanngilaq.

## **7. Innuttaasunut aningaasaqarnikkut allaffissornikkullu kinguneri**

Innuttaasunut inatsisissatut siunnersuut allaffissornikkut kinguneqassanngilaq.

## **8. Silaannaap allanngoriartorneranut kinguneri**

Inatsisissatut siunnersuut silaannaap pissusaanut avatangiisinullu kinguneqassanngilaq.

## **9. Avatangiisinut- pinngortitamullu kinguneri**

Inatsisissatut siunnersuut avatangiisinut- pinngortitamullu kinguneqassanngilaq.

## **10. EU-mi inatsisitigut tunngassuteqartut**

Inatsisissatut siunnersuut EU-mi inatsisitigut tunngasunik isiginniffinnik imaqqanngilaq.

## **11. Oqartussat suleqatigiiffillu il.il. tusarniaaffigineqartut**

Inatsisissatut siunnersuut piffissami ullormi 2023-imi 7. juni-imiit 2023-imi ullormut 5. juli-imut oqartussaasunut suliniaqatigiiffinnullu tulliuuttunut il.il. tusarniutigineqarpoq:

Advokatrådet, AmiAmi, Amnesty International, Avannaata Kommunia, Børnerådet, Børnesagers Fællesråd, Børns Vilkår, Center for Voldtægts ofre, Center mod Menneskehandel, CEPOS, Danner, Dansk Kvindesamfund, Dansk Røde Kors, Danske Advokater, Datatilsynet, Den Danske Dommerforening, Det Kriminalpræventive Råd, Dommerfuldmægtigforeningen, Domstolsstyrelsen, Everyday Sexism Project Denmark, Foreningen af Offentlige Anklagere, Foreningen af Offentlige Anklagere i Grønland, Kalaallit Meerartaat, Kalaallit Nunaanni Illersuisut peqatigiiffiat, Nunatta Eqqartuussisuuneqarfia, Grønlands Politiforening, Inuit pisinnaatitaaffii pillugit Siunnersuisoqatigiit, Hjælp Voldsofre, Institut for Menneskerettigheder, Joan-Søstrene, Justitia,

KFUKs sociale arbejde, Kredsdommerforeningen, Kriminalpolitisk Forening (KRIM), Kvinderådet, Kvininfo, Kommune Kujalleq, Kommune Qeqertalik, Kommuneqarfik Sermersooq, Landsforeningen af Forsvarsadvokater, Landsforeningen for Voldsramte Kvinder, Landsforeningen KRIM, Landsorganisationen af Kvindekrisecentre, Landsorganisationen mod Seksuelle Overgreb, Lev Uden Vold, MIO (Meeqqat illersuisuat), Nunatsinni Advokatit, Nunaanni Naligiissitaanissamut Siunnersuisoqatigiit, Offerrådgivningen i Danmark, PiSiu (Kalaallit Nunaanni Pinerlutsaaliuinnermut Siunnersuisoqatigiit), Politiforbundet, Pro Vest, Qeqqata Kommunua, Red Barnet, Reden International, Nunatsinni Eqqartuussivik, Retspolitisk Forening, Rigsadvokaten, Rigspolitiet, Seksualpolitisk Forum, Sexarbejdernes Interesseorganisation, Vestre Landsret, Voldtægtsorfres Vilkår aamma Østre Landsret.

## 12. Immersugaq eqikkaaffiusoq

	Pitsaasumik sunniutissai/aningaasartuutikinnerunerit (angeruit, annertussusaa allaguk/Naaggaaruit allaguk »Soqanngilaq«)	Ajortumik sunniutissai/aningaasartuu- teqarnerunissaaq (angeruit, annertussusaa allaguk/Naaggaaruit allaguk »Soqanngilaq«)
Naalagaaffimmut, kommuninut nunallu immikkoortuinut aningaasaqarnikkut kinguneri	Soqanngilaq	Politiinut sumiiffinnilu unnerluussisunut 3,3 mio. kr.- inik (2023-pl) 2024-imi aamma 2025-imi (2023-pl) aamma siumut 6,6 mio. kr. ukiumut inatsisissatut siunnersuutip aningaasartuuteqarnerunermik kinguneqarnissaa naatsorsuutigineqarpoq. Inatsiseqarnermut ministereqarfiup oqartussaasoqarfii allat patajaallisaavigineqarmata maluginiarneqarpoq. Taakkua saniatigut eqqartuussivinnut



		2024-imi 0,2 mio. kr.-inik aamma 2025-imimiit siumullu (2023-pl) ukiumut 0,3 mio. kr.-inik aningsartuutaanerusassaasut naatsorsuutigineqarpoq. Pinerluttunik isumaginnittunut aningsartuutaanerusassatut naatsorsuutigineqartut patajaallineqarmata maluginiarneqassaaq.
Naalagaaffimmut, kommuninut nunallu immikkoortuinut atuutilersitsinerup kinguneri	Soqanngilaq	Soqanngilaq
Inuussutissarsiortunut aningsaasaqarnikkut kinguneri	Soqanngilaq	Soqanngilaq
Inuussutissarsiortunut allaffissornikkut kinguneri	Soqanngilaq	Soqanngilaq
Innuttaasunut allaffissornikkut kinguneri	Soqanngilaq	Soqanngilaq
Innuttaasunut allaffissornikkut kinguneri	Soqanngilaq	Soqanngilaq
EU-mi inatsisitigut tunngassuteqartut	Soqanngilaq	Soqanngilaq
EU-mi inuussutissarsiornermut sammititamik malittarisassiornermi tunngaviusut tallimaasut atortuulersinneqarnissaannut akerliuvoq/EU-mi malittarisassiuinermi	Inatsisissatut siunnersuut EU-mi inatsisitigut tunngasunik isiginniffinnik imaqanngilaq.	

minnerpaamik piumasaqaatinik qaangiivoq (X-ileruk)	
Naalagaaffimmut, kommunitun nunallu immikkoortuinut aningaasaqarnikkut kinguneri	JA NEJ X

*Inatsisissatut siunnersuummi aalajangersakkanut ataasiakkaanut  
oqaaseqaatit*

*§ 1-imut*

Nr. 1-imut

Inummik tassani akuersissuteqaqqaarsimangitsumik atoqateqarneq atulluunniit kinguaassiuutitigut atassuteqarneq pinerluttulerinermi inatsimmi § 77, imm. 1 malillugu pinngitsaaliisutut inuk eqqartuunneqassaaq.

Pinerluttulerinermi inatsimmi § 77, imm. 1-imi inatsisissatut siunnersuutikkut oqaaseqatigiit aappat nutaatut ilanngunneqassaaq, tamatumalu kingorna inummut, inuup pinerluttuliortumik allaasorinninnera tunngavigalugu malunnaarsarluni atoqatiginnittumut allatulluunniit kinguaassiuutitigut atassuteqartumut, tamanna aamma atuutissaaq.

Allaasorinninnikkut malunnaarsarluni atoqatiginninnerup allatulluunniit kinguaassiuutitigut atassuteqarnerup akuersissuteqaqqaarani atoqatiginninnikkut allatulluunniit kinguaassiuutitigut atassuteqarnikkut pinngitsaaliinermut naligiissinneqarnissaa, aalajangersagassatut siunnersuutigineqartup kinguneraa, taamaalilluni pinerluttuliortup atonerluinermigut allaasorinninnermi malunnaarsarluni atoqateqarnera allatulluunniit kinguaassiuutitigut atassuteqarnera siunissami pinngitsaaliinertut pissuseqalissalluni.

Allaasorinninnerup atonerlunneqarneratigut atoqatiginninneq allatulluunniit kinguaassiuutitigut atassuteqarneq pillugu ullumikkut pinerluttulerinermi inatsimmi immikkut ittumik aalajangersakkamik peqanngilaq, kisianni pissutsit taamaattut taamaattoq pisut malillugit pinerluttulerinermi inatsimmi kannguttaalliorfiginninneq pillugu § 84, imm. 1-imi ilaatinneqarsinnaassapput.

Pisumi tassanerpiaq, eqqunngitsuliorfigineqartup kukkuner migut pinerluttuliortumik allaasorinninnerata malitsigisaanik pinerluttuliortup atonerluinera, aalajangersakkami siunnersuutigineqartumi ilaatinneqarpoq. Atassuteqaatit, tassani assersuutigalugu pinerluttuliortoq kinaassutsimi salluliutigineratigut imaluunniit pisoorsuusarnermigut ilisimaneqarluartuusaarnerminiluunniit atoqatiginninnermik allatulluunniit

kinguaassiuutitigut atassuteqarnermik angusineranik pisut, suli pinerluutinngortinneqassanngillat.

Pinerluttulerinermi inatsimmi akuersissuteqaqqaarnissamik tunngavilimmik pinngitsaaliineq pillugu aalajangersagaq § 77, imm. 1 ullumikkut atuuttoq, aamma akuersissuteqaqqaarnissamik oqaatsip imarisaa aalajangerneqareersoq, aalajangersakkap aammattaaq attornavianngilaa.

Aammattaaq inatsisissatut siunnersuummi oqaaseqaatini nalinginnaasuni imm. 2.6 innersuussutigineqarpoq.

Nr. 2-mut

Inuk meeqqamik 12-it inorlugit ukiulimmik atoqatiginnittoq allatulluunniit kinguaassiuutitigut atassuteqartoq pinngitsaaliisutut eqqartuunneqassasoq pinerluttulerinermi inatsimmi § 77, imm. 2-mi takuneqarsinnaavoq.

Aammattaaq atassuteqarneq § 77, imm. 2-mut ilaatinneqanngippat, pinerluttuliortup meeqqap ukiui nalunngippagit tamatumunngalu tunngatillugu mianersuaatsumik iliuuseqarsimappat, inuk meeqqamik 15-it inorlugit ukiulimmik kinguaassiuutitigut atassuteqarsimasutut pinerluttulerinermi inatsimmi § 79 malillugu eqqartuunneqassaaq.

Taamaalilluni pinerluttulerinermi inatsimmi § 79 meeqqamik 15-it inorlugit ukiulimmik atoqateqarnissamut allatulluunniit kinguaassiuutitigut atassuteqarnissamik inerteqquteqarluinnarpoq. Meeqqap akuersissuteqaqqaarsimanissaa pingaaruteqanngilaa, aamma akisussaassuttip nalilerneqarnerani, akuusut arlaata sorliup attaveqarneq aallartissimaneraa, imaluunniit atonerluineq uani pineqarsimanersoq pingaaruteqanngilaa.

§ 79 malillugu pinerluttulerineq pillugu inatsiseqartitsinermi akisussaaneq, siunertaqarluni iliuuseqarsimanermik piunasaqaatitaqanngilaa meeqqap ukiuisa eqqarsaatigalugit. Pinerluttuliortoq meeqqap ukiui eqqarsaatigalugit mianersuaatsuliorluni iliuuseqarsimappat, pinerluttulerineq pillugu inatsiseqartitsineq malillugu taamaalilluni akisussaatisoqarsinnaanngilaa. § 79-imi aalajangersagaq pinerluttulerinermi inatsimmi meeqqamik 12-it inorlugit ukiulimmik atoqatiginninneq allatulluunniit kinguaassiuutitigut atassuteqarneq pillugu § 77, imm. 2-mut naleqqiullugu pingaannginneruvoq, aamma taamaalilluni meeraq 12-it inorlugit ukioqarpat pinerluttuliortorlu taamatut

siunertaqarsimappat, aappiullugu § 79-ip unioqquatinneqarsimanera pillugu eqqartuussisoqassanngilaq. Meeqqap ukiui eqqarsaatigalugit siunertaqarluni iliuseqarnerup amigaatigineqarnerata malitsigisaanik meeqqamik 12-it inorlugit ukiulimmik atoqateqarnek allatulluunniit kinguaassiuutitigut atassuteqarnek § 77, imm. 2 malillugu pinerluutinngortinneqanngippat, kisianni § 79 atorneqarsinnaassaaq.

Pinerluttulerinermi inatsimmi § 77, imm. 2-mi oqaaseqatigiit aappaat nutaaq siunnersuutikkut ilanngunneqarpoq, tassanilu (oqaaseqatigiit siulliit assigalugit) inummut 22-ileereersimasumut aamma meeqqamik 15-it inorlugit ukiulimmik atoqateqartumut allatulluunniit kinguaassiuutitigut atassuteqartumut assinganik atuuttoq takuneqarsinnaavoq.

Pinerluttuliortoq 22-inik ukioqalereersimappat meeqqamik 15-it inorlugit ukiulimmik atoqateqartoq allakkulluunniit kinguaassiuutitigut atassuteqartoq pinngitsaaliinertut pissuseqartinneqassasoq, § 77, imm. 2, oqaaseqatigiit aappaattut aalajangersagassatut siunnersuutigineqartup kingunerissavaa.

Pinerluttuliortoq 22-inik ukioqalereersimappat, meeqqamik 15-it inorlugit ukiulimmik atoqatiginnineq allatulluunniit kinguaassiuutitigut atassuteqarnek siunissami pinerluttulerinermi inatsimmi § 79-imut taarsiullugu § 77, imm. 2-mi oqaaseqatigiit aappaata ataanut atatinneqarnissaa, siunnersuutip kinguneraa. Pinerluttuliortup suli 22-iliisimannginnerani, meeqqamik 12-inniit 14-it ilanngullugit ukiulimmik atoqateqarnek allatulluunniit kinguaassiuutitigut atassuteqarnerani, pisoq suli § 79-imi ilaatinneqassaaq.

Aalajangersagassatut siunnersuutigineqartumik unioqquitsinermi pinerluttulerineq pillugu inatsiseqartitsineq malillugu akisussaatisoqarnissaanut pinerluttulerinermi inatsimmi § 11-imi tamanna pillugu naliginnaasumik malittarisassaq malillugu pisariaqartinneqartumik siunertaqartoqarsimanissaa piumasaqaataavoq. taamaalilluni aalajangersakkap atorneqarnissaanut, pinerluttuliortup meeqqap 15-it inorlugit ukioqarnera eqqarsaatigalugu siunertaqarsimanissaa piumasaqaataavoq. Pisuni pinerluttuliortoq meeqqap ukiui eqqarsaatigalugit mianersuaalliorsimappat, meeqqamik 15-it inorlugit ukiulimmik atoqateqarnek allatulluunniit kinguaassiuutitigut atassuteqarnek pinerluttulerinermi inatsimmi § 79 malillugu suli eqqartuussisoqarsinnaavoq.

Aalajangersagassatut siunnersuutip unioqquatinneqarnera pineqartup meeqqanik pinerliisimannginnermut uppernarsaataani allanneqartussaassaaq.

§ 77, imm. 1 aamma pinerluttulerinermi inatsimmi aalajangersagassatut siunnersuutigineqartoq § 77, imm. 2, oqaaseqatigiit aappaat, aporaatsillugit eqqartuussissutigineqarsinnaassapput.

Inatsisissatut siunnersuutip nalinginnaasumik oqaaseqaataani imm. 2.7 aammattaaq innersuussutigineqarpoq.

Nr. 3-mut

Inuup sulinermut, aningaasaqarnermut, katsorsarneqarneqarnermulluunniit imaluunniit paaqqutarineqarnissamut atatillugu pinngitsuuisinnaanngitsup ingasattumik atonerlunneqarneratigut atoqatiginnittoq allatulluunniit kinguaassiuutitigut atassuteqartoq pinerluttulerinermik inatsimmi § 78, imm. 2 malillugu eqqartuunneqassaaq.

Upperisarsiornermik aqutsisup taassumalu ilagiivini ilaasortaasup akornanni pinngitsuuisinnaajunnaarluni atassuteqarnermik atuussinnaasumik, ilaasortamik pineqartumik atoqatiginninniarluni allatulluunniit kinguaassiuutitigut atassuteqarniarluni upperisarsiorlut aqutsisuata ingasattumik atonerluineranik pinerluutinngortitsisumik, pinerluttulerinermi inatsit ullumikkut aalajangersakkamik imaqanngilaq.

Inatsisissatut siunnersuummut oqaaseqaatini nalinginnaasuni inatsisit atuuttut pillugit imm. 2.8.1 innersuussutigineqarpoq.

Pinerluttulerinermi inatsimmi § 78, imm. 2-mi oqaaseqatigiit aappaannik ilanngussisoqassasoq inatsisissatut siunnersuutikkut siunnersuutigineqarpoq, tamatumalu kingorna upperisarsiornermi aqutsisoq, aamma upperisarsiornermik aqutsisup ilagiivini ilaasortaasup pinngitsuuisinnaajunnaarluni atassuteqarneranik atasumik, atoqatiginninnissaq allatulluunniit kinguaassiuutitigut atassuteqarnissaq pissarsiariniarlugu ingasattumik atonerluisoq, taamaaqataanik eqqartuunneqassaaq (soorlu oqaaseqatigiit siulliit malillugit).

Pinerluttulerinermi inatsimmi § 72, imm. 2-mut pinerluutinngortitsineramik suliassaqarfiup annertusineqarnera allannguutissatut siunnersuutip kinguneraa.

Upperisarsiorlut aqutsisuata taassumalu ilagiivini ilaasortaasup akornanni pinngitsuuisinnaajunnaarluni atassuteqarnermik atuuttoqarnissaa, aamma

atassuteqaatip taassuma upperisarsiortut aqutsisuanit ilaasortamik atoqateqarnerup allatulluunniit kinguaassiuutitigut atassuteqarnerup anguneqarnissaanut ingasattumik atonerlunneqarnissaa, aalajangersakkap oqaaseqatigiivisa aappaanni siunnersuutigineqartup atorneqarnissaanut piumasqaataavoq.

Upperisarsiornermik aqutsisup ilagiinnilu ilaasortap akornanni sakkortuumik pinngitsuuisinnaajunnaarluni atassuteqartoqarpat, aamma upperisarsiornermi aqutsisup ilaasortamik pineqartumik atoqatiginninnissani allatulluunniit kinguaassiuutitigut atassuteqarnissani anguniarlugu pinngitsuuisinnaajunnaarluni atassuteqarneq ingasattumik atonerluppagu, ilaasortap tarnimigut ajornartorsiuteqarnermini isumassorneqarnerani allatulluunniit upperisarsiortut aqutsisuannik immikkut ittumik tatiginninnermik- tatigeqatigiinnermillu atassuteqarnermik ineriartortitsitsisimasoqarsimanerani, aalajangersagassatut siunnersuutigineqartoq ilaatigut atorneqarsinnaassaaq. Pisuni upperisarsiornermi aqutsisup ilagiimmini ilaasortami, upperisarsiornermi aqutsisumut piffissami sivisuumi kisimi ilisimasassaanik imaluunniit inuk nammineq pillugu paasisutissanik avitseqatigisarsimasaanik, tarnikkut eqqortiasusermik atonerlunerani, tamanna pisinnaavoq.

Upperisarsiornermik aqutsisup ilaasortap pineqartup taassumalu ilagiivini ilaasortap akornanni pinngitsuuisinnaajunnaarluni atassuteqartoqarnermi atuuttumi, upperisarsiornermik aqutsisup aamma ilagiinni ilaasortap akornanni assigisaanik sakkortuumik pinngitsuuisinnaajunnaartoqartillugu, tassani pinngitsuuisinnaajunnaarneq upperisarsiortut aqutsisuannit ingasattumik atonerlunneqarluni, aammattaaq pisut allat ilaatinneqassapput. Assersuutigalugu tamanna pisuni, ilaasortap pineqartup – upperisarsioqatigiit ataatsimoornerannit anisitaanissaq annilaangagalugu – upperisarsiortut aqutsisuannik maliguutiinnaarnerani pisinnaavoq.

Pisuni, ilaasortap tarnimigut eqqortiasuunera uukapaatitsilluni qanoq iliuseqarnermigut upperisarsiornermik aqutsisup atonerluppagu, soorlu ilaasortap peqqusersiornikkut, salloqittaanikkut aalassasaarinikkut imaluunniit (kinguaassiuutitigut) atassuteqalernissamik aallarniinialuni alutoreqqusaarneq, kinaassutsini, kusagineqarnini, atisalersornini il.il. ikiorsiullugit pineqartumik kajungilersitsiniarnermigut eqqarsaataanik, isumaanik aamma pissusaanik sunniinerani, ingasattumik atonerluineq ilaatigut pisinnaavoq. Ilaasortap pineqartup assersuutigalugu

upperisarsiornermik aqutsisup pisoq allamut saatikkaa misigisinnaavaa, taamaalilluni upperisarsiornermik aqutsisup kinguaassiuutitigut qaninniarni aliasunnerup suliarineqarnerani ingerlatsinermit pissusissamisoortut misigineqarlutik, imaluunniit qaninniarnit upperisarsiornermut ilaasutut isigilersinneqarlutik.

Pisuni upperisarsiornermik aqutsisup, ilaasortap pineqartumut tunniutiinnarnissaanik siunertaqartumik, ilagiinnit “qimagutitinneqarnissaanik” qunusaarneqarneratigut imaluunniit naleqqutinnigitsumik isornartorsiorneqarneratigut, pasitsassaarneqarneratigut imaluunniit unnerluutigineqarneratigut ilaasortap pinngitsuuisinnaajunnaarnerata atonerlunneqarnerani, ingasattumik atonerluineq aamma pisinnaavoq.

Assersuutit taaneqartut tamakkiisuunngimmata, kiisalu pinngitsuuisinnaajunnaarluni atassuteqarneq atuuttoq ingasattumik atonerlunneqarnerasoq, iliutsinut taaneqartunut arlalinnut tunngatillugu pissutsit pisimasut apeqqaassammata maluginiarneqassaaq. Taamaalilluni upperisarsiornermik aqutsisup ilagiivini ilaasortamik, upperisarsiornermik aqutsisumut pinngitsuuisinnaajunnaarluni atassuteqartumik, atoqatiginninneq allatulluunniit kinguaassiuutitigut atassuteqarneq, aalajangersakkap paasineqarnerani pinngitsuuisinnaajunnaarluni atassuteqartumik ingasattut atonerluinerunersoq, pisuni tamani piviusumik naliliinermik pissuteqartinneqassaaq.

Upperisarsiornermik aqutsisumut inooqammik inooqateqalernissaata suli periarfissaanissaa siunnersuutip allanngortissanngilaa, aamma pineqartup ilagiivini taanna ilaasortaagaluarpalluunniit. Taamaammat pisuni taamaattuni ilaasortamik atoqatiginninnermik allatulluunniit kinguaassiuutitigut atassuteqarnermik angusineq, upperisarsiornermik aqutsisup pinngitsuuisinnaajunnaarluni atassuteqarneq ingasattumik atonerlussimaneraa, piviusumik nalilersuinermik tunngaveqassaaq.

Inuk “upperisarsiornermik aqutsisutut” taaneqarsinnaanersoq, pineqartup ajoqersuinermik atuuffeqarneranik imaluunniit allatut upperisarsiornermik immikkut ittumik oqartussaasuuneranik pissuteqartinneqassaaq. Kisianni pineqartup upperisarsioqatigiinni ilagiinniluunniit akuerisaasuni ilaanissaa piumasqaataanngilaq. Ilagiit pillugit oqaatsip imarisaa atituumik paasineqassaaq aamma upperisarsiornermik ataatsimoornernik suugaluartunilluunniit, upperisarsiornermik aqutsisumik imaluunniit



ataatsimoorussamik upperisarsiornikkut nakimanani isumaqatigiinnernik qitiutitsinerussapput. Aalajangersagassatut siunnersuutigineqartup annertusineqarnerani taamaalilluni palasit, imamat, rabbinerit anersaakkullu aqutsisut allat ilaatinneqassapput, massa ilagiit siunnersuisuini ilaasorta q imaluunniit palasip oqaluffimmi ikiortaa assersuutigalugu ilaatinneqassanatik. Inuk ilagiinni ilaasortaannersoq nalilerniarlugu, pineqartup ilagiinni upperisarsiornikkut inooqatigiinniluunniit aaqqissuussinerit qanoq akulikitsigisuik peqataaffigisarnerai, ilaasortaannermut akiliisarnersoq, pineqartoq ilagiit aqutsisuini ilaanersoq imaluunniit pineqartoq ilagiit inooqatigiinni sulineranni peqataasarnersoq assersuutigalugu pingaartinneqarsinnaapput.

Aammattaaq inatsisissatut siunnersuummi nalinginnaasumik oqaaseqaatini imm. 2.8 innersuussutigineqarpoq.

Nr. 4-imut

Pinerluttuliortup pineqartup ukiui nalunngikkunigit imaluunniit tamatumunnga tunngatillugu mianersuaalliorsimaguni, inummut inummik 18-it inorlugit ukiulimmik, pinerluttuliortup qitornassarisaanik qitornarsiaanilluunniit imaluunniit ilinniartitassatut perorsagassatulluunniit paarisassatut tatigineqarluni tigummiaminik atoqatiginnittumut allatulluunniit kinguaassiuutitigut atassuteqartumut, pinerluttulerinermi inatsimmi § 80, imm. 2 malillugu eqqartuussisoqassaaq.

Taamaalilluni kannguttaalliorfiginninnermi pinerluttulerinermi inatsimmi § 80, imm. 2 atorineqassanngilaq.

Pinerluttulerinermi inatsimmi § 80, *imm. 2-mi*, »allatut atoqateqarnikkut pissusilersortoq«-p kingorna »imaluunniit atassuteqarnerit kanngunarsaataasut atorlugit piitaajuitsuussusianik innarliisoq«, ilanngunneqassasoq siunnersuutigineqarpoq.

Aalajangersakkamut suliassa qarfiup annertusineqarnissaa, aamma kannguttaalliorfiginninneq ilaatilerlugu, allannguutissatut siunnersuutip kingunerivaa. Pissusilersuutit, pinerluttuliortup eqqunngitsuliorfigineqartullu atassuteqarnerat aalajangersakkap suliassa qarfanut ilaatinneqarpat, § 84, imm. 1-imik unioqqutitsinermik kinguneqartut, taamaalillutik siunissami § 80, imm. 2-p ataanut atassuserneqarsinnaalissapput.

Pinerluttuliortoq pineqartup angojoqqaassarippagu- imaluunniit angajoqqaarsiarippagu, imaluunniit eqqunngitsuliorfigineqartoq pinerluttuliortumit ilinniartitassasut perorsagassatulluunniit tatigisatut paarineqarpat, inuk 18-it inorlugit ukiulik pissusilersornermik kannguttaalliorfiginninnermik kingunilimmik pinngitsuutitsissutaasussaajunnaarsitsisumik akuersissuteqaqqaarsinnaanngitsoq, allannguutissatut siunnersuutip kinguneraa. Taamaalilluni pinerluttulerineq pillugu inatsiseqartitsinermi akisussaanermut tunngatillugu eqqunngitsuliorfigineqartup iliuitsit pineqartut qanoq isumaqarfigineraa apeqqutaassanngillat, matumani eqqunngitsuliorfigineqartup piviusumik piitaajusissutsimi innarlerneqarnera misigisimaneraa, aamma taamaalilluni ilaatigut pinerluttulerineq pillugu inatsiseqartitsinermi akisussaanermut tunngatillugu, inuusuttup kajumissaarineratigut kannguttaalliorfiginninnermik iliuseq pisimanersoq ilanngullugu.

Inuit ilaatinneqartut allanngortinneqarnissaat allannguutikkut allanngortinniarneqanngillat. Inuit ilaatinneqartut ullumikkut pinerluttulerinermi inatsimmi § 80, imm. 2-mi ilaatinneqartut taamaalillutik assigissavaat.

Assersuutigalugu angajoqqaarsiaq, ilinniartitsisoq håndboldternermi sungiusaasoq il.il., inummut 18-it inorlugit ukiulimmut sms-inik kinguaassiornermut tunngasunik imalinnik nassiussisoq, pineqartumut tatigineqarluni persorsaasussaasoq, ilinniartitsisussaasoq, il.il., pinerluttulerinermi inatsimmi § 80, imm. 2 malillugu pinerluttulerineq pillugu inatsiseqartitsineq malillugu akisussaatinneqarsinnaassaaq. Iliuitsinut allanut, § 84, imm. 1-mut ilaatinneqartunut, assersuutigalugu attorneqarnernut, ima pissuseqanngitsunut, “allatut kinguaassiuutitigut atassuteqarnerit atoqatiginninnerunngitsut”-nut ilaatinneqarlutik, nalikkaanik nittarsaassinerit assigisaanillu, tamanna aamma atuutissaaq.

Kannguttaalliorfiginninnermut tunngatillugu § 80, imm. 2-mi aalajangersakkamik atuinermi, iliuitsip kinguaassiuutitigut atassuteqaatinut tunngatillugu atassuteqaateqarnissaa aamma taamatut ingasassuseqarnissaa piumasqaataavoq. Aalajangersakkap paasineqarnissaatut pinerluttulerineq pillugu inatsiseqartitsineq malillugu kannguttaalliorfiginninneq pisimanersoq, pissutsit erseqqinnerusut tunngavilissavaat, matumani inuit peqataasut akornanni atassuteqarnerup qanoq issusia ilanngullugu.

Pisoq pinerluttulerinermi inatsimmi kinguaassiuutitigut pinerluutit pillugit kapitalimi aalajangersakkami allami ilaatinneqanngippat, pissusilersuutitut aalajangersakkap suliassaarfianut ilaasinnaasunut assersuutit tassaasinnaapput eqqunngitsuliorfigineqartup iviangiinik imaluunniit kinguaassiuutaanik attuinerit imaluunniit eqqunngitsuliorfigineqartumik atoqatiginninnissamik allatulluunniit kinguaassiuutitigut atassuteqarnermik kissaateqarnermik paasinarsisitsisunik oqaatsinik kinguaassiornermut tunngasunik atuinerit.

Pissusilersorneq meeqqap inuusuttulluunniit isumassorneqarneranik takutitsineruppat, pissutsit allakkut tamanna pissutissaqartippassuk, pissusilersornerit aalajangersakkap atornerqarfissaanut suliassaarfiup nalinginnaasumik avataaniittut assersuutit tassaapput, angajoqqaassap-imaluunniit angajoqqaarsiap meerassaminik meerarsiaminilluunniit pakkussinera aamma kuniuina. Taamaattoqarnersoq pissusilersornermi pissutsit apeqqutaatinneqassapput, matumani illuatungeriit akuusut allakkut misigissutsikkut qanittumik imminnut atassuteqarnerisut ilanngullugu. Pisuni angajoqqaassat angajoqqaarsialluunniit atisaqaratik meerassamut-meerarsiamulluunniit takutinneranni aamma tamanna atuuppoq. Soorluttaq perorsaasup ilinniartitsisulluunniit meeqqamut mikinerusumut isumassuinerit atatillugu attuinerat, assersuutigalugu eqitaarinerat, qaavisigut kuniuinerat imaluunniit tuppallersaanerit atatillugu perorsaasup meeraq sarliarpagu, tamanna aalajangersakkamut ilaatinneqanngitsumik nalinginnaasumik naleqquttumik pissusilimmik iliuuseqarnertut isigineqassaaq.

Illuatungaani atassuteqaatit ungasinnerusut pineqartillugit, soorlu assersuutigalugu ilinniartitsisup atuartullu akornanni, pissutsit malillugit kuniuneq aalajangersakkamut ilaatinneqassaaq. Illuatungaani assersuutigalugu timersornerit atatillugu atisaajarneq, kinguaassiuutitut tunngasunik maluginiarnertaqanngitsoq, nalinginnaasumik naleqquttumik pissusilimmik iliuuseqarnertut isigineqassaaq.

Aammattaaq inatsisissatut siunnersuummi nalinginnaasumik oqaaseqaatini imm. 2.4 innersuussutigineqarpoq.

Nr. 5-imut

Kinguaassiuutitigut atassuteqarnerit atoqatiginninnerunngitsut eqqarsaatigalugit, pinerluttulerinermi inatsimmi §§ 77-imiit 81 ilanngullugu aalajangersakkat imarisatik malillugit atorneqassapput.

Taamaalilluni pinerluttulerinermi inatsimmi §§ 77-imiit 81 ilanngullugu aalajangersakkat pinngitsaaliinikkut naalungiarsuup aqquaatigut itikkullu atoqateqarnek, kinguaassiuutitigut atornerluineq, meeqqanik kinguaassiuutitigut atassuteqarnek, alutorineqarnek, kinaassuseq, kusagineqarnek, atisalersornernek, neriorsuutit il.il. ikiorsiullugit inummik kajungilersitsiniaaneq aamma akiliilluni inummik inuusuttumik kinguaassiuutitigut atassuteqarnek ilaatinneqarput. Tamatuma saniatigut allatut kinguaassiuutitigut atassuteqarnerit aalajangersakkani ilaatinneqarput, imaappoq iliuitsit atoqatiginninnertut pissusillit, atoqatiginninnerup taarserneqarneranut atorneqartut imaluunniit allakkut innarlerneqartumut imaluunniit akuusumut atornerlunneqartumut tunngatillugu kinguaassiuutitigut innarliinernik atoqatiginninnermut qanittunik imallit. Nalinginnaasumik pinngitsoorani aappaata kinguaassiuutaanik aappaatalu timaanik toqqartumik attuineq pineqassaaq. Allatut kinguaassiuutitigut atassuteqarnertut assersuutit taaneqarsinnaapput qanersorluni atoqatiginninnerit, kinguaassiuutit kuninneqarnerat il.il., meeqqat aqquataannut inussanik atortussamilluunniit tigussaasumik pulatitsinerit aamma usuup attualarneqarnera.

Inatsisit atuuttut pillugit erseqqinnerusumik eqqartunissamut inatsisissatut siunnersuummut nalinginnaasumik oqaaseqaatini imm. 2.2.1 innersuussutigineqarpoq.

Pinerluttulerinermi inatsimmi aalajangersakkamik nutaamik § 81 a-mik ilanngussisoqarnissaa siunnersuutigineqarpoq, tassanilu pinerluttuliortup eqqunngitsuliorfigineqartoq imminut kinguaassiuutitigut iliuseqartissimappagu aalajangersakkat §§ 77-imiit 81 ilanngullugu taamaaqataanik atuutissasut takuneqarsinnaassaaq.

Eqqunngitsuliorfigineqarup iliuitsit imminut iliuserippagit pinerluttuliortullu imaluunniit allap eqqunngitsuliorfigineqartumut taakku suliaritippatigut, pissutsit immikkut ittut aamma pisut aalajangersakkat ataanniitinneqarsinnaanerit, sulisaatsit atuuttut malillugit iliuitsit §§ 77-imiit 81 ilanngullugu ataannut ilaatinneqarsinnaanerit siunnersuutip kinguneraa. Pinerluttulerinermi inatsimmi §§ 77-imiit 81 ilanngullugu atorneqarfissaattut suliaasaqarfiup allakkut allangortinneqarnissaa siunertarineqanngilaq.

Pissutsit malillugit pisunut § 81 a-mut ilaatinneqarsinnaasunut assersuutaasutut taaneqarsinnaavoq, pinerluttuliortup assersuutigalugu eqqunngitsuliorfigineqartup mattaangalluni assiinik siammarterinissaq qunusaarutigalugu, eqqunngitsuliorfigineqartoq inussaminik atortussanilluunniit tigussaasunik nammineq kinguaasiutaanut imaluunniit erluanut pulatitsisikkaa imaluunniit usummik attualaarisikkaa.

Pinerluttuliortup inimi eqqunngitsuliorfigineqartup isersimaffigisaaniinnera imaluunniit assersuutigalugu eqqunngitsuliorfigineqartup videochat atorlugu iliuutsit pineqartut suliarinissaannut ilitsersuinera, aalajangersakkap atorneqarnissaanut apeqqutaanngilaq.

Iliuutsinik pinerluttulerinermi inatsimmi §§ 77-imiit 81 ilanngullugu ilaatinneqartunik pinerluttuliortumit eqqunngitsuliorfigineqartup imminut suliaqartinneqarsimanera, aalajangersagassatut siunnersuutigineqartumi piunasaqaataavoq. Pinerluttulerinermi inatsimmi §§ 77-imiit 81 ilanngullugu pinerluutigineqartup imarisaanut nalinginnaasumik piunasaqaatit, aammattaaq naammassineqarsimasussaasunut, aalajangersagaq atatillugu isiginiarneqassaaq. Pinerluttuliortup iliuusaanut piunasaqaatit, aalajangersakkami innersuussutigineqartumi pinerluutigineqartup imarisai aammattaaq apeqqutaatinneqassapput.

Pinerluttuliortup eqqunngitsuliorfigineqartumut iliuuserineqartumik pineqartumik imminut suliarititsinissaanik piunasaqaatip, pisuni eqqunngitsuliorfigineqartup nammineq inummik allamik isiginnaartoqarluni, inummit allamit toqqaannartumik toqqaannangikkaluartumilluunniit sunnerneqanngii villuni imminut kinguaassiutitigut iliuutsinik suliaqarnermik aallarniinerani, pisut ilaatinneqanngillat. Taamaalilluni pinerluttuliortup peqataanerata aamma iliuutsit taakku, eqqunngitsuliorfigineqartup suliarisaasa akornanni pissutsit ataqatigiissapput, imaappoq aappaa aappaanut pissutaassaaq.

Pinerluttuliortup eqqunngitsuliorfigineqartumut iliuutsip pineqartup imminut suliarititsisimanissaanik piunasaqaat, § 77, imm. 1-imi (siunissami imm. 1, oqaaseqatigiit siulliit) pinerluutigineqartup imarisaa naammassineqarsimappat, pissutsit malillugit naammassineqarsimassaaq. Eqqunngitsuliorfigineqartoq atassuteqaammut akuersissuteqaqqaarsimangippat, iliuutsit eqqunngitsuliorfigineqartup imminut suliarisai, taamaalillutik pinerluttulerinermi inatsimmi § 77, imm. 1, oqaaseqatigiit siullernik unioqutitsinerusinnaapput. Iliuutsimi

akuersissuteqaqqaartoqarsimanersoq pillugu, inuup nammineq kajuminnerminik iliuseq iliuserisimaneraa tunngavigineqassaaq. Suliami pissutsit tamaasa tunngavigalugit, pisuni piviusuni akuersissuteqaqqaartoqarsimanersoq pillugu eqqartuussivik aalajangiisussaassaaq.

Pisuni pinerluttuliortup nakuusernissamik qunusaaruteqarnerani imaluunniit inatsisit unioqquutillugit eqqunngitsuliorfigineqartumut iliuseq pineqartoq pillugu pinngitsaaliinermigut suliarititsinerani, akuersissuteqaqqaarneq atuuttoq piunaviangilaq. Assersuutigalugu eqqunngitsuliorfigineqartup iliuitsit pineqartut suliarinnigippagit, pinerluttuliortup eqqunngitsuliortup tamataqarani assiisa tamanut saqqummiunniarlugit qunusaarinerani, tamanna pisinnaavoq.

Pinerluttulerinermi inatsimmi § 77, imm. 1, oqaaseqatigiit siulliit unioqquutinneqarnerata akerlianik, pinerluttuliortumit timikkut iliuseqarnerani, kisianni eqqunngitsuliorfigineqartumit, iliuitsinik imminut suliaqartussamit, ilaatigut suliniartoqarsimanissaa piumasqaataavoq. Pisut eqqunngitsuliorfigineqartup sianigisaqanngitsumik ersinermik tunngavilimmik qanoq issuseqarnerluni ilatsiinnartutut takutitsinerani, aamma ullumikkut pinerluttulerinermi § 77, imm. 1, oqaaseqatigiit siulliit ilaatinneqarsinnaasumi pisuni eqqunngitsuliorfigineqartoq assersuutigalugu sininneq imaluunniit imigassamik sunnerneqarsimaneq pissutigalugu qanoq iliuseqarsinnaannginnerani, pinerluttulerinermi inatsimmi aalajangersagassatut siunnersuutigineqartumi § 81 a-mi iliuitsit ilaatinneqartut eqqunngitsuliorfigineqartup suliarissallugit sapissagai, soorunami tamatuma kingunerissavaa.

Iliuitsit eqqunngitsuliorfigineqartup imminut iliuserisimasai, pinerluttulerinermi inatsimmi § 77, imm. 1-imi oqaaseqatigiit siullernut atassuserneqassappata, – pisoq sioqqullugu imaluunniit pisumut atatillugu – pisuni assersuutigalugu pinngitsaaliineq, qunusaarineq, pinngitsaaliilluni iliuseqartitsineq imaluunniit pissutsit allat, akuersissuteqaqqaarsimanermik atuuttumik peqannginneranik paasinarsititsisut piusimanissaat, tamatuma kinguneraa. Assersuutigalugu eqqunngitsuliorfigineqartup aallaqqaataasumik iliuitsit pineqartut imminut suliarinissaat itigartitsissutigippagit, kisianni kingusinnerusukkut akuersippat, aamma pisoq sioqqullugu imaluunniit pisup nalaani pissutsit qunulersitsisut uppersaaserneqarsinnaanngippata, taamaalilluni iliuitsit eqqunngitsuliorfigineqartumit akuersissuteqaqqaarnani

iliuserineqarsimanissaanut  
siunertaqatoqarsimanaviangilaq.

pinerluttuliortumit

Pinerluttulerinermi inatsimmi § 77, imm. 2, oqaaseqatigiit aappaattut siunnersuummi (inatsisissatut siunnersuummi § 1, nr. 1) (malunnaarsaarluni atoqatiginninneq allatulluunniit kinguaassiuutitigut atassuteqarneq), § 78, imm. 1 aamma 2 (kinguaassiuutitigut atonerluineq) aamma § 81-imi (inummi inuusuttumik akiliilluni kinguaassiuutitigut atassuteqarneq) aalajangersakkat imarisatik malillugit eqqunngitsuliorfigineqartup kinguaassiuutitigut iliuseqarnissaanik suliaqartinneqarneranut tunngatillugu pinerluttuliortup eqeersimaartumik atuuffeqarsimanissaa piunasaqaataavoq, aamma aalajangersakkat pineqartup malillugit eqqartuussisoqarsinnaaneranut piunasaqaatit allakkut naammassineqarsimappata, taamaalilluni pisuni taakkunani pinerluttuliortup eqqunngitsuliorfigineqartup iliuitsimik pineqartumik iliuseqartitsisimanera pillugu immikkut ittumik uppersaasoqarnissaa pisariaqanngilaq.

Pinerluttuliortup eqqunngitsuliorfigineqartumik kinguaassiuutitigut iliuseqartitsisimanissaanik piunasaqaat, taamaattoq inatsimmi § 77, imm. 2-mut (meeqqamik 12-it inorlugit ukiulimmik kinguaassiuutitigut atassuteqarnernikkut pinngitsaaliineq (aamma siunissami), meeqqamut 12-iniit 14-it ilanngullugit ukiulimmut, tassani pinerluttuliortoq 22-inik ukioqalereersimalluni), § 78, imm. 3-imut (inunnik pinerluttuliortup paarisaanik atoqatiginninneq), § 79-imut (meeqqamik kinguaassiuutitigut atassuteqarneq) aamma § 80, imm. 2-mut (alutorineqarneq, kinaassuseq, kusagineqarneq, atisalersornerneq, neriorsuutit il.il. ikiorsiullugit meerassamik, meerarsiamik, atuartumik il.il. kajungilersitsiniaaneq) tunngatillugu immikkut ittumik pingaaruteqarsinnaavoq.

Aalajangersakkat taaneqartut tamarmik kinguaassiuutitigut atassuteqarnernut inerteqquteqarluinnarnermik imaqarnerat tamatumunnga pissutaavoq. Taamaalilluni aalajangersakkat malillugit eqqunngitsuliorfigineqartup akuersissuteqaqqaarsimanissaa pingaaruteqanngilaq, soorlu aamma akisussaassutsip nalilerneqarnissaanut akuusut arlaat sorleq aallarniisimansoq pingaaruteqanngitsoq.

Eqqunngitsuliorfigineqartup iliuitsimik pineqartumik pinerluttuliortumit iliuseqartinneqarsimanissaanut aalajangersagassatut siunnersuutigineqartumi piunasaqaat, aalajangersakkanut taakkununnga atatillugu, sulianut taamaattunut tunngatillugu pinerluttuliortumit

eqqunngitsuliorfigineqartup kinguaassiuutitigut imminut  
iliuseqartitsisimanerata, aamma pinerluttuliortoq tassunga tunngatillugu  
siunertaqarsimanerata uppernarsaaserneqarnissaannik  
kinguneqartussaassaaq.

Aalajangersakkat taaneqartut kinguaassiuutitigut atassuteqarnernut  
inerteqquteqarluinnarnermik imaqarnerat eqqarsaatigalugu,  
pinerluttuliortup peqataasimaneranut piumasagaatit suut  
piumasagaatigineqassanersut pillugit killiliussaq appasissorujussuussaaq.  
Pinerluttuliortup kinguaassiuutitigut iliuseqarnermut aallartitsisimanagera  
piumasagaataassanngilaq, aamma taamaalilluni pissutsit malillugit  
assersuutigalugu eqqunngitsuliorfigineqartup kinguaassiuutitigut  
iliuseqartitsineq nammineq aallarnersimasaata pinerluttuliortumit  
ingerlatiinnaqqullugu inanneqarnera naammattussaassaaq.

Pisumi pinerluttuliortoq assersuutigalugu isumapiloqarneq tunngavigalugu  
tatiginnilersitsiniaaneq, grooming aqcutigalugu, imaluunniit  
uukapaatitsinerit allatut ilusillit aqcutigalugit, ilinniartitsisup/atuartup  
akornanni atassuteqarnermi meeqqamik 15-it inorlugit ukiulimmik  
imaluunniit inummik 18-it inorlugit ukiulimmik kinguaassiuutitigut  
iliuutsimik imminut iliuseqartitsinera, taamaalilluni aalajangersakkat  
taaneqartut iluaniitinneqassaaq.

Pisuni assersuutigalugu meeraq 15-it inorlugit ukiulik imaluunniit inuk 18-  
it inorlugit ukiulik ilinniartitsisup/atuartup akornanni atassuteqarnermi  
nammineq aallartitsinermigut inummit allamit arlaannaatigulluunniit  
toqqaannartumik toqqaannanngitsumilluunniit sunnerneqarani, inuk alla  
isiginnaartillugu kinguaassiuutitigut imminut iliuseqarnera, kisianni  
aalajangersakkamut ilaatinneqassanngilaq.

Kinguaassiuutitigut iliuseq pillugu pinerluttuliortup  
isiginnaartuusimanissaa imaluunniit assimik, videomik assigisaanilluunniit  
tigusisimanagera, ilaatigut uppernarsaasersuinissaq eqqarsaatigalugu,  
aalajangersagassatut siunnersuutigineqartup atorneqarnissaanut  
aallaaviatigut erseqqissumik piumasagaataassaaq.

Pissutsini aalajangersakkami allatigut piumasagaatigineqartuni  
iliuserineqarsimappat, atassuteqarneq aalajangersakkamut naleqquttumut  
atassuserneqassaaq. Assersuutigalugu pinerluttuliortup  
eqqunngitsuliorfigineqartoq, akuersissuteqaqqaanngitsumik atortussanik  
tigussaasunik nammineq kinguaasiutaanut imaluunniit erluanut



pulatitsinerani imaluunniit nammineq kinguaassiuutaanut mattaangasumut attualaartitsinerani, atassuteqarneq pinerluttulerinermi inatsimmi § 77, imm. 1-ii, oqaaseqatiginnut siullernut atassuserneqassasoq tamatuma kinguneraa. Eqqunngitsuliorfigineqartoq 15-it inorlugit ukioqarpat, aammattaaq atassuteqarneq pinerluttulerinermi inatsimmi § 77, imm. 2, imaluunniit § 79-imut atassuserneqassaaq, aamma eqqunngitsuliorfigineqartoq 18-it inorlugit ukioqarpat pinerluttuliortullu taanna meerarsiarippagu, atuartuutigippagu assigisaannilluunniit paaqqutarippagu, atassuteqarneq aammattaaq pinerluttulerinermi inatsimmi § 80, imm. 2-mut atassuserneqartussaassaaq.

Eqqunngitsuliorfigineqartoq iliuitsinik ingasanninnerusunik imminut iliuseqaqqullugu pinerluttuliortumit pinngitsaaliqarpat, assersuutigalugu nammineq iviangimi attornissaanut, atassuteqarneq pissutsit malillugit kannguttaalliorfiginnineq pillugu pinerluttulerinermi inatsimmi § 84, imm. 1-imut imaluunniit inatsisit unioqqutillugit pinngitsaaliq pillugu § 91-imut ilaatinneqarsinnaassapput.

Aammattaaq inatsisissatut siunnersuummi nalinginnaasunik oqaaseqaatini imm. 2.2 innersuussutigineqarpoq.

Nr. 6-imut

Pinerluttuliortup pineqartup ukiui nalunngippagit, imaluunniit tamatumunnga tunngatillugu mianersuaalliorsimappat, isiginaartitsinermi pornografiskiusumik isiginnaartitsinertalimmi, inuup 18-it inorlugit ukiullip peqataaneranut inuk suleqataasoq, pinerluttulerinermi inatsimmi § 82, imm. 1 malillugu inuup inuusuttumik atornerluisutut eqqartuunneqassaaq.

Pornografiskiusumik isiginnaartitsinerit assigiinngitsunik ilusillit kinguaassiuutitigut pissusilersornertut isikkullit, matumani pisut peqartup aliikkusersuilluni atisaajarnera imaluunniit mattaangalluni qitinernik allatut ilusinik isiginnaartitsinera ilanngullugit, ilaatinneqarput.

Pinerluttulerinermi inatsimmi § 82, imm. 1-imi “pornografiimi” ima allanngortinneqassasoq “kinguaassiuutitigut tunngasumik” allanngortinneqassasoq siunnersuutigineqarpoq.

Allannguutissatut siunnersuutigineqartup taamaallaat aalajangersakkami oqaatsitigut nutarterineq kingunerissavaa. Taamaalilluni isiginnaartitsinerit suut aalajangersakkami ilaatinneqarnersut, imaluunniit pinerluuteqarnermi

allakkut imaritinneqartut pillugit killiliussat atuuttut allanngortinneqanngillat.

Aammattaaq inatsisissatut siunnersuummi nalinginnaasunik oqaaseqaatini imm. 2.5 innersuussutigineqarpoq.

Nr. 7-imut

Pinerluttulerinermi inatsit grooming pillugu immikkut ittumik aalajangersakkamik peqanngilaq, taamaaliorneq pisutut, inuup pineqartup kinguaassiuutitigut innarlerneqarnissaa imaluunniit meeqqap inuusuttulluunniit assinik tamataqanngitsunik imaluunniit assinik kinguaassiuutinut tunngassuteqartunik nassiussinissaa siunertaralugu, meeqqamut imaluunniit inuusuttumut isumapiloqarneq tunngavigalugu tatiginnilersitsiniaanermik ineriartortitsineratut paasineqassaaq.

Isumapiloqarneq tunngavigalugu tatiginnilersitsiniaaneq, grooming, taamaattoq pissutsit malillugit pinerluttulerinermi inatsimmi aalajangersakkanik aallanik unioqquitsinerusinnaavoq, assersuutigalugu kinguaassiuutitigut innarliiniarluni misiliinerusinnaavoq, kannguttaalliorfiginninnerusinnaavoq imaluunniit inummik 18-it inorlugit ukiulimmik pornografiskiusunik atortussanik immiussinertut, pigisaqarnermut imaluunniit siaruarterinerusinnaalluni.

Taamaalilluni isumapiloqarneq tunngavigalugu tatiginnilersitsiniaaneq, grooming, assersuutigalugu pissutsit malillugit pinerluttulerinermi inatsimmi § 77, imm. 2-mik imaluunniit § 79-imik unioqquitseriarnerusinnaavoq, taakkunani meeqqamik 15-it inorlugit ukiulimmik atoqateqarneq allatulluunniit kinguaassiuutitigut atassuteqarneq pinerluutinngortinneqarpoq.

Tamatuma saniatigut isumapiloqarneq tunngavigalugu tatiginnilersitsiniaaneq, grooming, pissutsit malillugit pinerluttulerinermi inatsimmi § 84 malillugu kannguttaalliorfiginninnertut pinerluutaasinnaalluni.

Assersuutigalugu pinerluttuliortup meeqqamik inuusuttumilluunniit atassuteqarneranut atatillugu taanna assinik imaluunniit videonik kinguaassiuutinut tunngassuteqartunik nassiussitippagu, tamanna pissutsit malillugit pinerluttulerinermi inatsimmi § 85, imm. 2 malillugu inunnik 18-it inorlugit ukiulinnik pornografiskiusunik atortussanik inummut

kinguaassiuutitigut innarliinermut tunngassuteqartunik pigisaqarnertut eqqartuussissutigineqarsinnaavoq.

Pinerluttulerinermi inatsimmi § 82 *a-imi* aalajangersamik nutaamik ilanngunneqarnissaa siunnersuutigineqarpoq, tamatumalu kingorna inuk pineqartup ukiui nalunngikkunigit imaluunniit tamatumunnga tunngatillugu mianersuaatsuliorluni iliuuseqaruni, systematiskiusumik imaluunniit uukapaatitsiniarluni ukiuni misilittakkanilu pissutigalugit pinsinnaatitaanani allanit pitsaannerusut naleqarnerusutulluunniit imminut isigaluni, pineqartup kinguaassiuutitigut innarlerneqarnissaa siunertaralugu, inummut 18-it inorlugit ukiulimmut attaveqarnermik ineriartortitsisoq, isumapiloqarneq tunngavigalugu tatiginnilersitsiniaasutut, groomerisutut, eqqartuunneqassaaq. Pinerluttuliortup inummik 18-it inorlugit ukiulimmik ataassuteqarnermik ineriartortitsinera, aalajangersagassatut siunnersuutigineqartoq malillugu pinerluttulerineq pillugu inatsiseqartitsinermi akisussaasuunermut piunasaqaataassaaq. Matumuuna tamanna akuusut akornanni atassuteqarnertut, inuttut, allakkatigut imaluunniit digitaliusumik atassuteqarnerusinnaasoq, piffissallu ingerlanerani ineriartortutut paasineqassaaq.

Meeqqamut inuusuttumulluunniit atassuteqarnermik ineriartortitsineq ilisaqunnartumik piffissat killillit atorlugit ingerlasarpoq, tassani pinerluttuliortup atassuteqarnerup annertusiartortumik ineriartortinneqarnissaa misilissallugu, taamaalilluni meeqqap inuusuttulluunniit pinerluttuliortoq sunik tamanik oqaloqatigisinnaasatut qanittutullu ikinngutitut isigilissammagu, aamma pinerluttuliortup aatsaat ingerlatsinerup kingusinnerusuani atassuteqarnermi kinguaassiuutitigut sammisat ilisaritissallugit.

Aalajangersakkap atorneqarsinnaanissaanut, inummik 18-it inorlugit ukiulimmik atassuteqarnermik ineriartortitsinneqarsimaneramik piunasaqaatip, aallaaviatigut pinerluttuliortup inuullu 18-it inorlugit ukiullip akornanni arlaleriarluni atassuteqartoqarsimanissaa kinguneraa. Atassuteqarnerit kinguaassiuutitigut tunngasunik imallit ataasiakkat taamaammat pissutsit malillugit illuatungaaticut pinerluttulerinermi inatsimmi kannguttaalliorfiginninneq pillugu § 84, imm. 1-imi ilaatinneqarsinnaassapput.

Pissutsit allat pissutissaqartippassuk, atassuteqarnissap ineriartortinneqarnissaa siunertaralugu atassuteqarneq pippat, assersuutigalugu pinerluttuliortoq meeqqamut 15-it inorlugit ukiulimmut oqariartuummik uukapaatitsiniutaasumik nassiussinerani, aamma

pinerluttuliortup isumapiloqarneq tunngavigalugu  
tatiginnilersitsiniaanerani, grooming-ernerani pisuni allani, periaaseq  
taamaattoq atorsimappagu, taamaattoq pisuni ataasiakkaani  
kinguaassiuutitigut tunngassuteqanngitsumik attaveqarnerni  
aalajangersagaq aamma atorneqarsinnaassaaq.

Aalajangersagassatut siunnersuutigineqartup atorneqarnissaanut akuusut  
akornanni atassuteqarnerni tamani pinerluttuliortup aallarniisimanagera  
pingaaruteqanngilaq. Taamaalilluni meeqqamit inuusuttumilluunniit  
pinerluttuliortumut saaffiginninnerit tullerriiaat uani pineqarsinnaapput,  
tassani atassuteqalernissamut ineriartortitsineq suli aalajangersakkap  
atuuffissaani ilaatinneqassalluni.

Eqqunngitsuliorfigineqartoq 15-it inorlugit ukioqarpat, taamaammallu  
inummiik atoqateqarsinnaatitaalersinnani inuup minnerpaamik ukiorisassai  
ataallugit ukioqarluni, eqqunngitsuliorfigineqartup attaveqarnermini  
siunertarisaa, pinerluuteqarnerup imarisaata naammassineqarneranut  
pingaaruteqanngilaq. Taamaalilluni pisut pinerluttuliortup akuusut  
akornanni atassuteqarnerup kinguaassiuutinut tunngassuteqalernissaanik  
ineriartortitsinera, aamma meeraq 15-it inorlugit ukiulik nammineerluni  
aallartitaminik pinerluttuliortumut kinguaassiuutinut tunngassuteqartunik  
imalinnik apeqquteqarsimagaluarpuunniit, aalajangersagassatut  
siunnersuutigineqartoq taamatut pisunut ilanngutitsivoq.

Eqqunngitsuliorfigineqartoq 15-inik ukioqalereersimappat, taamaammallu  
kinguaassiuutitigut nammineersinnaassuseqarluni, illuatungaaticigut  
eqqunngitsuliorfigineqartup atassuteqarnermini suna siunertarisimanagera  
pingaartinneqartussaassaaq. Eqqunngitsuliorfigineqartup atassuteqarnerup  
ineriartortinneqarnerani eqeersimaartumik peqataasimanagera, taamaattoq  
pissutsit malillugit atorneqarsinnaanissaa pinngitsoortissinnaanngilaa,  
assersuutigalugu pisuni pinerluttuliortoq ingasattumik uukapaatitsilluni  
pissusilersorneq takutissimappagu, taannalu eqqunngitsuliorfigineqartup  
atassuteqarnermut peqataaneranut aalajangiisuusimappat.

Inummiik 18-it inorlugit ukiulimmik atassuteqarnermik ineriartortitsinerup  
systematiskiusumik imaluunniit uupakaatitsinikkut pisimanagera,  
aalajangersakkap atorneqarnissaanut piumasaqaataassaaq.

Pinerluttuliortup meeqqat inuusuttullu arlaallit systematiskiusumik  
periaatsini taanna atorlugu atassuteqarfigippagit, assersuutigalugu  
internetti, inoqatinut attaveqaatit assigisaallu aqqutigalugit periaaseq taanna

atorlugu attaveqarnermigut, systematiskiusumik iliuseqarnissamik piumasqaat naammassineqarsinnaassaaq.

Uukapaatitsinikkut atassuteqarnerup ineriartortinneqarnissaanik piumasqaat, ukioqatigisaatut meeraasuusaarluni pinerluttuliortup meeqqamik atassuteqarneranit assersuutigalugu naammassineqarsinnaassaaq, matumani toqqaannartumik ukiuminik eqqartuinnermigut imaluunniit assersuutigalugu meeqqami piviusuunngitsumik ukioqatigiittut isigineqarnissamik pilersitsiniarluni oqariartaatsimik allannortitsinera ilanngullugu. Upakaatitsiniarnermik pissuseqarnermut assersuut alla tassaavoq, pinerluttuliortup meeqqap inuusutulluunniit assinik tamataqanngitsunik nassiussinissaa siunertaralugu assiliisuusaarnera imaluunniit inummut sungiusaasuusaarnera. Naggataagut assersuutigalugu pinerluttuliortup sulinini aqqutigalugu, assersuutigalugu pisiniarfimmi atorfeqartutut, ilaqutariinnik qanittumik atassuteqarnermik ineriartortitsinera, meeqqat kinguaassiuutitigut pinerluttuliorfigineqarnissaat siunertaralugu angerlarsimaffimmi pulaartarnera aamma meeqqanik paarsisarnera uukapaatitsiniarnerusinnaavoq.

Saniatigut ukiuni misilittakkanilu pissutigalugit pisinnaatitaanani allanit pitsaannerusut naleqarnerusutulluunniit imminut isigaluni atassuteqarnermik ineriartortitsinerata pisimanera, aalajangersagassatut siunnersuutigineqartup atorineqarnissaanut piumasqaataasinnaavoq.

Ukiuni misilittakkanilu pissutigalugit pisinnaatitaanani allanit pitsaannerusut naleqarnerusutulluunniit imminut isigineq, pinerluttulerinermi inatsimmi inummik 18-it inorlugit ukiulimmik atoqateqarnissamut allatulluunniit kinguaassiuutitigut atassuteqarnissamut, ukiuni misilittakkanilu pissutigalugit pisinnaatitaanani allanit pitsaannerusut naleqarnerusutulluunniit imminut isiginini ingasattumik atornerlullugu alutorineqarneq, kinaassuseq, kusagineqarneq, atisalersornerneq, neriorsuutit il.il. ikiorsiullugit inummik kajungilersitsiniaaneq pillugu § 80, imm. 1-imut oqaatsit imarisaannut naapertuuttumik paasineqassaaq.

Aalajangersagaq pisuni pinerluttuliortoq eqqunngitsuliorfigineqartumit utoqqaanerunerani taamaallaat atorineqarnissaa piumasqaatip kinguneraa. Akuusut ukiumikkut, misilittakkamikkut ineriartornermikkullu qanippata, pissutsit malillugit pinerluttulerineq pillugu inatsiseqartitsinermi akisussaaitaanissaq periarfissaassanngilaq.

Eqqunngitsuliorfigineqartoq 15-ileereersimappat, eqqunngitsuliorfigineqartup 15-it inorlugit ukioqarneranut naleqqiullugu, pinerluttuliortup eqqunngitsuliorfigineqartullu akornanni ukiut nikingassutaannut, misilittagaannut aamma inerisimanerannut nalinginnaasumik annertunerusumik piumasaqaateqartoqartussaassaaq.

Aammattaaq aalajangersagassatut siunnersuutigineqartup atorneqarnissaanut pinerluttuliortup meeqqamik inuusuttumilluunniit kinguaassiuutitigut pinerluttuliornissamik siunertaqarsimanissaa piumasaqaataavoq. Iliuuseq, pinerluttulerinermi inatsimmi kinguaassiuutitigut pinerluttuliornerit pillugit kapitalimi 18-imi malittarisassaaq ataaseq malittarisassalluunniit arlallit malillugit pinerluutinngortinneqartoq, kinguaassiuutitigut pinerluttuliornertut paasineqassaaq.

Taamaalilluni aalajangersakkap atorneqarnissaanut pinerluttulerinermi inatsimmi kapitali 18 malillugu pinerluttuliortup kinguaassiuutitigut pinerluuteqarnissaminik siunertaqarsimanissaa pingaaruteqassaaq. Kisianni pinerluttulerinermi inatsimmi kapitali 18-imi aalajangersagaq sorleq pinerluttuliortup unioqquatinniarlugu siunertaqarfigisimaneraa pingaaruteqartussaannigilaq.

Pinerluttuliortup atassuteqarnermik ineriartortitsineranut kinguaassiuutitigut pinerluuteqarnissap siunertarineqarnissaa piumasaqaataassaaq. Taamaattoq piffissami pinerluttuliortup siullermik meeqqamut inuusuttumulluunniit atassuteqarnerani siunertaqarneq pisimasariaqanngilaq, kisianni aamma atassuteqarnerup ineriartortinneqarnerata nalaani pilersinnaalluni.

Aalajangersagassatut siunnersuutigineqartup unioqquatinneqarnissaanut siunertaqarsimaneq pisimansoq, suliami pissutsit piviusut aallaavigalugit aalajangerneqarumaarpoq. Eqqunngitsuliorfigineqartup ukiuinut tunngatillugu mianersuaatsuliorneq pineqartillugu, assigisaa atuuppoq.

Aamma uani inuk, isumapiloqarneq tunngavigalugu tatiginnilersinneqartoq, groomerneqartoq, inummik atoqateqarsinnaatitaalersinnani inuup minnerpaamik ukiorisassai qaangerlugit ataallugilluunniit ukioqarnersoq immikkortitsissutigineqartussaassaaq.

Meeraq 15-it inorlugit ukiulik pineqarpat, meeqqap tamanna pillugu isumaqataasimanera isumaqataasimannginneraluunniit apeqquataatinnagit,

kinguaassiuutitigut atassuteqarnerit suugaluartulluunniit pinerluutinngortinneqassapput. Taamaalilluni pinerluttuliortup assersuutigalugu meeqqamut kinguaassiuutinut tunngassuteqartunik oqariartuutunik imalinnik nassiussisimanersoq imaluunniit timitalerlugu piviusungatitamik naapinnissamut piffissamik nalinginnaasumik kissaateqarnini oqaatigisimaneraa, uani ilaatigut pingaartinneqarsinnaapput.

Tassunga atatillugu pinerluttuliortup oqariartaasiani meeqqap sumik suliaqarnissaa pillugu, taassuma suna kissaatigineraa erseqqissarneqarsinnaanngikkaluartoq, kinguaassiuutinut tunngassuteqartunik sammisanik oqaatiginninnermik inerniliussisoqarsinnaanersoq, naliliinermi ilaatinneqarsinnaavoq. Pisut malillugit pinerluttuliortup periaaseq taanna atorlugu meeqqat arlallit atassuteqarfigisimanerai, immaqa siusinnerusukkut meeqqamut innarliisimanersoq, imaluunniit digitaliusumik atortorissaarutaatimini meeqqat assiinik kinguaassiuutinut tunngassuteqartunik peqarnerisooq, naliliinermi aammattaaq ilaatinneqarsinnaapput. Akuusut atassuteqarnerat pillugu meeqqap angajoqqaaminut allanulluunniit oqaluttuannnginnissaanik pinerluttuliortoq siunnersuuteqarsimanersoq, naliliinermi aammattaaq ilaatinneqarsinnaavoq.

Kisianni inuk 15-ileereersimasooq pineqarpat, pineqartumut nammineq piomassuseq malillugu imminnut kinguaassiuutitigut atassuteqarnerit ilaaffigineqartut pinerluutinngortinneqanngillat. Taamaammat inuup inummik atoqateqarsinnaatitaalersinnani inuup minnerpaamik ukiorisassai qaangerlugit ukiulimmik qaninniaruoornermik imaluunniit kinguaassiuutinut tunngassutilerujussuarnik attaveqatiginninnermik peqataasup, illuatungerisap kinguaassiuutitigut pinerluttuliorfigineqarnissaa siunertarlugu taamaaliornerisooq, uppersarsassallugu nalinginnaasumik ajornakusuussaaq.

Pinerluttuliortoq aalajangersimasumik ingasassusilimmik uukapaatitsisumik pissusilersunngippat imaluunniit ukiut, misilittakkat aamma inerisimanerit annertuumik assigiinngissusaat erseqqissumik atornerlungippagit, taamaalilluni imminnut aamma nammineq kajumissuseq malillugu kinguaassiuutitigut atassuteqarnissaaq siunertarlugu, inummik atoqateqarsinnaatitaalersinnani inuup minnerpaamik ukiorisassai qaangerlugit ukiulimmik atassuteqarnermik ineriartortitsisoqarnera ilimagineqarsinnaavoq.

Inunnut inummik atoqateqarsinnaatitaalersinnani inuup minnerpaamik ukiorisassai qaangerlugit ukiulinnut tunngatillugu, taamaalilluni pinerluttuliortup assersuutigalugu ukiukinnerunermik imaluunniit utoqqaanerunermik sallunera imaluunniit soqutiginarnerumalluni inuunermini taasassaminik ingasattajaarinera naammannaviannigilaq. Kisianni pisut malillugit, assersuutigalugu pinerluttuliortup assiliisartuusaarluni inuusuttup tamataqarani isiginnaartitsinissaa, assinik tamataqanngitsunik nassiussinissaa imaluunniit assigisaanik iliuseqarnissaa aamma atisanik takutitsisartutut inuussutissarsiuteqalernissaanut ikiuniarnerani, aalajangersagassatut siunnersuutigineqartup unioqqutinneqarnissaanut pisariaqartinneqartumik siunertaqarsimaneq pisimasinnaavoq.

Isumapiloqarneq tunngavigalugu tatiginnilersitsiniaaneq, grooming, pillugu aalajangersagassatut siunnersuutigineqartup pisut, taakkunani piviusumik kinguaassiuutitigut innarliiniarneq pillugu uppersaasersuisoqarsinnaanani, eqqorneqarnissaat anguniarpaa.

Pisut, ullumikkut pinerluttulerinermi inatsimmi § 77, imm. 2-mik imaluunniit § 79-imik unioqqutitsinissamut misiliinertut pinerluutinngortinneqartut, taamaalillutik siunissami aamma aalajangersakkat pineqartut malillugit pinerluutinngortinneqassapput.

Assersuutigalugu pinerluttuliortoq meeqqamik 15-it inorlugit ukiulimmik piviusumik naapitsinissaq siunnersuutigisimappagu, aamma assersuutigalugu meeqqamik attaveqatiginnermi erseqqissumik takuneqarsinnaappat, pinerluttuliortup meeqqamik atoqateqarnissaq allatulluunniit kinguaassiuutitigut atassuteqarnissaq siunertarigaa, tamanna isumapiloqarneq tunngavigalugu tatiginnilersitsiniaanermik, grooming-imik ingerlatsinerup malitsigisaanik pippat, pisut malillugit § 21 malillugu, kiisalu isumapiloqarneq tunngavigalugu tatiginnilersitsiniaaneq, grooming, pillugu aalajangersagassatut siunnersuut aporaatillugit, pinerluttulerinermi inatsimmi § 79 imaluunniit § 77, imm. 2 malillugu eqqartuussisoqarsinnaassaaq.

Isumapiloqarneq tunngavigalugu tatiginnilersitsiniaanermik, grooming-imik ingerlatsinerup sivitsornerani, pinerluttuliortup meeraq inuusuttorluunniit assersuutigalugu kinguaassiuutinut tunngassuteqartunik oqariartuutunik assinilluunniit nassiussinermigut, kannguttaalliorfigisimappagu, § 82 a-tut siunnersuutigineqartumut aporaatillugu eqqartuussisoqarsinnaassaaq. Assigisaanik pinerluttuliortoq



eqqunngitsuliorfigineqartoq kinguaassiuutinut tunngassuteqartunik atortussanik nassiussinissaanik kajumissaarippat, § 21 malillugu pinerluttulerinermi inatsimmi 84, imm. 1 malillugu kannguttaalliorfiginninnermik misiliinermut aporaatillugu eqqartuussisoqarsinnaassaaq.

Eqqunngitsuliorfigineqartup uukapaatinneqarnera isumapiloqarneq tunngavigalugu tatiginnilersitsiniaanerup, grooming-ip, pissusaaniippoq, taamaammat meeraq inuusuttorluunniit nammineerluni pineqartumit innarlerneqarnini pinngitsoornani sianigisariaqanngilaa, aatsaat immaqa taamaaliornerup kingunerujussuatigut sianigilersimassallugu. Taamaalilluni pisuni, meeqqap inuusuttulluunniit nammineerlutik pineqartumit innarlerneqarsimanertik misigisimanaviannngilaat.

Aammattaq inatsisissatut siunnersuummi nalinginnaasunik oqaaseqaatini imm. 2.1 innersuussutigineqarpoq.

Nr. 8-mut aamma nr. 9-mut

Inuk inuit 18-it inorlugit ukiullit pillugit assinik filminilluunniit pornografiskiusunik, atortussanik kinguaassiuutitigut innarliinermut tunngassuteqartunik assigisaanilluunniit assilillugit sanaqqiinerinik siaruarterisoq, pinerluttulerinermi inatsimmi § 85, imm. 1 malillugu meeqqanik kannguttaatsuliortutut eqqartuunneqassaaq.

Inummut 18-it inorlugit ukiulik pillugu assinik filiminilluunniit pornografiskiusunik, imaluunniit atortussanik inunnut kinguaassiuutitigut innarliinermut tunngassuteqartunik allanik pornografiskiusunik assigisaanilluunniit takusassianik assilillugit sanaqqiinerit pillugit, piginnittumut imaluunniit akiliilluni imaluunniit internetti systemiluunniit assingusoq paasissutissanik siammarterutaasoq atorlugu ilisimasaqalersumut, pinerluttulerinermi inatsimmi § 85, imm. 2 malillugu tamanna atuutissaaq.

»Assit, filmiliat, assigisaalluunniit pornografiskiusut pineqartillugit paasinninnermi, assinik immiussinerit, taakkunani inuk 18-it inorlugit ukioqartoq atoqatiginnilluni allatulluunniit kinguaassiuutitigut atassuteqarluni, tassani inummut 18-it inorlugit ukiulimmut tunngatillugu atortunik tigussaasunik ima atuisoqarluni, atuneq atoqatigiinnermut allatulluunniit kinguaassiuutitigut atassuteqarnermut atoqatiginninnerunngitsumut allaanerunani, imaluunniit inuk 18-it inorlugit ukiulik kinguaassiuutit imaluunniit kinguaassiuutitigut sunniiniarluni

attualaarinninnerit pillugit assiliinermi atorneqarluni. Nipit immiunneqarneri aamma titartakkat aalajangersakkap avataaniipput. Takusassiat assilillugit sanaqqitat pornografiskiusut allat pineqartillugit ingammik assit qarasaasiakkut sanaat pineqarput, taakku inuk 18-it inorlugit ukiulik piviusoq assilinngilaat, assimik assingulluinnarnarnera eqqaassanngikkaanni. Saqqummiusaq piviusuunngitsoq taamaalilluni assitut assigisaattulluunniit isikkoqarsinnaavoq.

85, *imm. 1-imi* »pornografiimik meeqqanut tunngasumik« ima allanngortinneqassasoq: » inummik inuusuttumik kinguaassiuutitigut innarliinermut tunngassuteqartunik siaruarterinerit« aamma § § 85, *imm. 2-mi* »taamatuttaaq pineqassaaq« ima allanngortinneqassasoq »inummi inuusuttumik assinik imaluunniit atortussanik inummut kinguaassiuutitigut innarliinermut tunngassuteqartunik pigisaqartoq eqqartuunneqassaaq«, siunnersuutigineqarpoq.

Aamattaaq § 85, *imm. 1-imi* aamma *2-mi* »assit pornografiskiusut imaluunniit filmiliat, takusassiat pornografiskiusut allat assilillugit sanaqqitat« ima allanngortinneqassasoq: »atortussat kinguaassiuutitigut tunngassuteqartut, soorlu assit, filmiliat, assilillugillu sanaqqiinerit takuneqarsinnaasut allat«.

Aalajangersakkani allannguutissatut siunnersuutigineqartut taamaallaat oqaatsitigut nutarsaanernik kinguneqassapput. Taamaalilluni atortussat suut aalajangersakkami ilaatinneqarnersut, imaluunniit pinerluutip imarisai pillugit killissarititaasut atuuttut allanngortinneqanngillat.

Aammattaaq inatsisissatut siunnersuummi nalinginnaasunik oqaaseqaatini *imm. 2.5* innersuussutigineqarpoq.

Nr. 10-mut

Inuk, inuk 18-it inorlugit ukiulik pillugu assinik imaluunniit atortussanik taassuma kinguaassiuutitigut innarlerneqarneranut tunngassuteqartunik siaruarterinerit inuunerlunnermut tunngasunik imaluunniit filmilianik assigisaannilluunniit takusassianik imaluunniit internetikkut assigisaatigulluunniit paasissutissanik siammarterinikkut pornografiskiusunik pigisaqartoq imaluunniit akiliilluni takusaqartoq, pinerluttulerinerimi inatsimmi § 85, *imm. 2* malillugu eqqartuunneqassaaq. § 85, *imm. 3* malillugu, pigisaqarnermut pineqartoq akuersissuteqarsimappat, inummik 15-ileereersimasumik tamanna assinik,

filminik assigisaanilluunniit pigisaqarnermi taamaattoq tamanna atuutinnigilaq.

Pinerluttulerineri inatsimmi § 85, imm. 3-mi »assit, filmiliat assigisaallu« ima allangortinneqassasoq » atortussat inunnut kinguaassiuutitigut innarliinermut tunngassuteqartut« siunnersuutigineqarpoq

Inatsisisissatut siunnersuummi § 1, nr. 9 malillugu allanguutissatut siunnersuutigineqartoq § 85, imm. 2-mi oqaatsitigut nutarsaanermut ataqatigiissillugu isigineqassaaq.

Nr. 11-imut

Pinerluttuliortup pineqartup ukiui nalunngippagit imaluunniit tamatumunnga tunngatillugu mianersuaatsuliorluni iliuuseqarsimappat, tuniniaanissaq allatulluunniit atortussat siammarterneqarneqarnissaat siunertaralugu, inummik 18-it inorlugit ukiulimmik assinik, filminik assigisaanillu pornografiskiusunik inuk immiussisoq, pinerluttulerineri inatsimmi § 85, imm. 4 malillugu eqqartuunneqassaaq.

Assinik immiussinerit, taakkunani inuk 18-it inorlugit ukioqartoq atoqatiginnilluni allatulluunniit kinguaassiuutitigut atassuteqarluni, tassani inummik 18-it inorlugit ukiulimmik tunngatillugu atortunik tigussaasunik ima atuisoqarluni, atuneq atoqatigiinnermut allatulluunniit kinguaassiuutitigut atassuteqarnermut atoqatiginninnerunngitsumut allaanerunani, imaluunniit inuk 18-it inorlugit ukiulik kinguaassiuutit imaluunniit kinguaassiuutitigut sunniiniarluni attualaarinninnerit pillugit assiliinermi atorleqarluni. Nipit immiunneqarneri aamma titartakkat aalajangersakkap avataaniipput.

»assinginik, filmilianik assigisaanilluunniit pornografiskiusunik« pinerluttulerineri inatsimmi § 85, imm. 4-mi ima allangortinneqassasoq: »assit imaluunniit atortussat inunnut kinguaassiuutitigut innarliinermut tunngassuteqartut, soorlu assit, filmiliat assigisaalluunniit« siunnersuutigineqarpoq.

Aalajangersakkami allanguutissatut siunnersuutigineqartoq taamaallaat oqaatsitigut nutarsaanernik kinguneqassapput. Taamaalilluni atortussat suut aalajangersakkami ilaatinneqarnersut, imaluunniit pinerluutip imarisai pillugit killissarititaasut atuuttut allangortinneqanngillat.

## Nr. 12-imut

Inuk, inummik inuttassarsiuisoq, angallassisoq, nuussisoq, ineqartitsisoq imaluunniit taamaaliornerit malitsigisaannik inummik tiguisoq, tassani 1) inatsisit unioqqutillugit pinngitsaaliisoqarluni, 2) § 92, 1, oqaaseqatigiit pingajuat malillugu nammineersinnaajunnaarsitsisoqarluni, 3) § 98 malillugu siorasaarisooqarluni, 4) paasinerluinermik inatsisinut akerliusumik pilersitsisoqarluni, sakkortusaasoqarluni atornerluisooqarluni imaluunniit 5) pineqartup akissarsiutigalugu atortittartuunissaa, assinik filminilluunniit pornografiskiusunik immiusseqataanissaa, pornografiskiusumik isiginnaartitsilluni isiginnaartitsinissaa, pinngitsaaliilluni sulisinneqarnissaa, inussiaataanissaa imaluunniit pissutsit inussiaataasutut assingusut atortinneqarnissaat, imaluunniit timip atortuinik peersiffigineqarnissaa siunertaralugu allatut ileqqussaannigsumik suleriaaseqartoq, pinerluttulerinermi inatsimmi § 93, imm. 1 malillugu inunnik tuniniaasutut eqqartuunneqassaaq.

Inuk pineqartup akissarsiutigalugu atortittartuunissaa, assinik filminilluunniit pornografiskiusunik immiusseqataanissaa, pornografiskiusumik isiginnaartitsilluni isiginnaartitsinissaa, pinngitsaaliilluni sulisinneqarnissaa, inussiaataanissaa imaluunniit pissutsit inussiaataasutut assingusut atortinneqarnissaat, imaluunniit timip atortuinik peersiffigineqarnissaa siunertaralugu atornerlunneqarnissaa, 1) inuttassarsiuisoq, angallassisoq, nuussisoq, ineqartitsisoq imaluunniit taamaaliornerit malitsigisaannik inummik 18-it inorlugit ukiulimmik tiguisoq imaluunniit 2) inuk, eqqunngitsuliorfigineqartumik oqartussaasup akuersissuteqarnissaa anguniarlugu akiliisoq imaluunniit allatigut iluaqutissiisoq, aamma inuk, taamaattumik akiliummik allatulluunniit iluaqutissiissummik tiguisoq, § 93, imm. 2 malillugu assigisaanik eqqartuunneqassaaq.

Assinik filmilianilluunniit pornografiskiusunik immiussineq, inatsisissatut siunnersuummi § 1, nr. 11 malillugu pinerluttulerinermi inatsimmi § 85, imm. 4-p assigisaanik paasinninnertut paasineqassapput, massa isiginnaartitsineq pornografiskiusumik isiginnaartitsinertalik inatsisissatut siunnersuummi § 1, nr. 6 malillugu pinerluttulerinermi inatsimmi § 82, imm. 1-imi oqariartaatsip assingatut paasineqassaaq.

§ 93, imm. 1-imi aamma 2-mi, »pornografiskiusunik« ima allanngortinneqassasoq: »assit imaluunniit atortussat inunnut kinguaassiutitigut innarliinermut tunngassuteqartut, soorlu« aamma

»pornografiskiusunik« ima allangortinneqassasoq: »kinguaassiuutitigut« siunnersuutigineqarpoq.

Aalajangersakkami allannguutissatut siunnersuutigineqartut taamaallaat oqaatsitigut nutarsaanernik kinguneqassapput. Taamaalilluni atortussat suut aalajangersakkami ilaatinneqarnersut, imaluunniit pinerluutip imarisai pillugit killissarititaasut atuuttut allangortinneqanngillat.

Aammattaaq inatsisissatut siunnersuummi nalinginnaasunik oqaaseqaatini imm. 2.5 innersuussutigineqarpoq.

## § 2-mut

Nr. 1-imut

Suliani pinerluttuliornermik tunngassuteqartuni eqqunngitsuliorfigineqartumut illersuisumik ivertitsisoqarnissaa pillugu malittarisassanik eqqartuussisarnermik inatsimmi § 333 ilaatigut imaqarpoq.

Suliani pinerluttulerinermik inatsimmi § 37-imik (nakuuserneq aamma pisortat oqartussaaitaannik nakuuserneq imaluunniit sioorasaarineq), § 74-imik (ilaquttamik qanigilluinnakkamik atoqateqarneq), § 77-imik (pinngitsaaliineq), § 78-imik (kinguaassiuutitigut atornerluineq), § 79-imik (kinguaassiuutitigut meeqqanik atassuteqarneq), § 80-imik (alutorineqarneq, kinaassuseq, kusagineqarneq, atisalersornerneq, neriorsuutit il.il. ikiorsiullugit inummik kajungilersitsiniaaneq), § 81-imik (akiliilluni inuusuttumik kinguaassiuutitigut atassuteqarneq), § 84, imm. 1-imik (kannгуттаalliorfiginninneq), § 12 malillugu § 86, imm. 1-imik (toqutseriarneq), § 88-imik (nakuuserneq), § 89-imik (inuup inuuneranik ilaginaaneq), § 90, imm. 3 (soqutigittaatsunik il), §§ 91-imiit 93 ilanngullugu malittarisassanik (inatsisit unioqutillugit pinngitsaaliineq, kiffaannngissusiaaneq aamma inunnik nioqquteqarneq) aamma § 112-imik (ujajaaneq) unioqutitsinermut tunngassuteqartuni inatsimmik unioqutitsinerit ilungersunartuunngitsut imaluunniit toqqammavissatut illersuisoqarnissaaq erseqqissumik pisariaqanngitsutut isikkullit minillugit, eqqartuussivik eqqunngitsuliorfigineqartup noqqaassuteqarneratigut illersuisumik eqqunngitsuliorfigineqartumut tapersersuisussamik aamma ilitersuisussamik ivertitsissasoq, aalajangersakkap imm. 1-iata malitsigaa. Suliaq pinerluttulerinermi inatsimmi § 74-imik (ilaquttamik qanigilluinnakkamik atoqateqarneq), § 77-imik (pinngitsaaliineq), § 78-

imik (kinguaassiuutitigut atonerluineq), § 79-imik (kinguaassiuutitigut meeqqanik atassuteqarneq), § 80-imik (alutorineqarneq, kinaassuseq, kusagineqarneq, atisalersornerneq, neriorsuutit il.il. ikiorsiullugit inummik kajungilersitsiniaaneq), imaluunniit § 81-imik (akiliilluni inuusuttumik kinguaassiuutitigut atassuteqarneq), unioqqutitsinermik tunngassuteqarpat, eqqunngitsuliorfigineqartorlu 15-it inorlugit ukioqarpat, eqqunngitsuliorfigineqartoq illersuisoqartinneqarnissaminik pisinnaatitaavoq.

Inatsisissatut siunnersuummi § 1, nr. 5, pinerluttulerinermi inatsimmi isumapiloqarneq tunngavigalugu tatiginnilersitsiniaaneq, grooming, pillugu § 82 a-mi (inatsisissatut siunnersuummi § 1, nr. 7) aamma nammineq kajumissuseq malinnagu kinguaassiuutitigut imminut iliuuseqartitsineq pillugu § 81 a-mi aalajangersagassatut siunnersuutigineqartunut, inatsisissatut siunnersuummi § 1, nr. 5 § 333, 1-imi, innersuussumik ilanngussisoqarnissaa siunnersuutigineqarpoq.

Eqqunngitsuliorfigineqartup noqqaassuteqarneratigut suliani suliani isumapiloqarneq tunngavigalugu tatiginnilersitsiniaanermik grooming-imik tunngassuteqartuni, aamma nammineq kajumissuseq malinnagu kinguaassiuutitigut imminut iliuuseqartitsinermik tunngassuteqartuni, eqqartuussivik eqqunngitsuliorfigineqartumut illersuisumik aallaaviatigut ivertitsissasoq, aalajangersagassatut siunnersuutigineqartut kingunerisussaassavaat.

Aammattaaq eqqunngitsuliorfigineqartoq 15-it inorlugit ukioqarpat, suliani suliani isumapiloqarneq tunngavigalugu tatiginnilersitsiniaanermik, grooming-imik, tunngassuteqartuni aamma nammineq kajumissuseq malinnagu kinguaassiuutitigut imminut iliuuseqartitsinermik tunngassuteqartuni, illersuisumik ivertitsisoqarnissaa pisinnaatitaaffigaa.

Aammattaaq inatsisissatut siunnersuummi nalinginnaasumik oqaaseqaatini imm. 2.3 innersuusutigineqarpoq.

### *§ 3-mut*

Inatsisip ulloq [1. juli 2024] atuutilernissaa siunnersuutigineqarpoq.

## Ilanngussaq 1

### Inatsisissatut siunnersuutip inatsimmut atuuttumut ataatsimoortinneqarnera

<i>Oqaasertaliussat atuuttut</i>	<i>Inatsisissatut siunnersuut</i>
	<p style="text-align: center;"><b>§ 1</b></p> <p>Inatsimmut nalunaarut nr. [...], malillugu Kalaallit Nunaanni pinerluttulerinnermi inatsimmi allannguutit tulliuttut suliarineqassapput:</p>
<p>§ 77. <i>Imm. 1.</i> Pinngitsaaliilluni atoqateqartut pineqaatissinneqassaaq, atoqateqarsimasoq imal. allatut akuerineqarani peqateqarsimasoq.</p> <p><i>Imm. 2.</i> Pinngitsaaliilluni atoqateqarsimasut pineqaatissinneqassaaq, kina meeqqamik 12-it inorlugit ukiulimmik atoqateqarsimasoq allatulluunniit kinguaassiuutitigut atoqatiginnittoq.</p> <p><i>Imm. 3.</i>----</p>	<p><b>1.</b> § 77, <i>imm. 1-imi, oqaaseqatigiit aappaattut</i> ilanngunneqassaaq: »Inummik pinerluttuliortumik allaasorinneq tunngavigalugu malunnaarsaarluni atoqatiginnittumut allatulluunniit kinguaassiuutitigut atassuteqartumut, tamanna aamma atuuppoq.«</p> <p><b>2.</b> § 77, <i>imm. 2-mi, oqaaseqatigiit aappaattut</i> ilanngunneqassaaq: »Aammattaaq inuk 22-inik ukioqalereersimasoq aamma</p>

	<p>meeqqamik 15-it inorlugit ukiulimmik atoqateqartoq allatulluunniit kinguaassiuutitigut atassuteqartoq taamatut eqqartuunneqassaaq.«</p>
<p><b>§ 78.</b> Kinguaassiuutitigut atornerluinermut eqqartuunneqassaaq kinaluunniit inuup niaqulaarnera imaluunniit eqqarsartaatsimigut innarluuteqarnera atornerlullugu pineqartumut kujannittoq allatulluunniit kinguaassiuutitigut atoqatiginnittoq. <i>Imm. 2.</i> Taamatuttaaq pineqassaaq kinaluunniit inuup suliaqarnikkut, aningaasaqarnikkut imaluunniit passunneqarnermik paaqqutarineqarnermilluunniit pinngitsuuisinnaanngissusianik ... kujannittoq allatulluunniit kinguaassiuutitigut atoqatiginnittoq.</p>	<p><b>3.</b> § 78, <i>imm. 2-mi oqaaseqatigiit aappaattut</i> ilanngunneqassaaq: »Atoqateqarniarluni allatulluunniit kinguaassiuutitigut atassuteqarniarluni, upperisarsiortut aqutsisuata, taassumalu ilagiivini ilaasortaasup akornanni inuup pisariaqartitsineranik imaluunniit pinngitsuuisinnaajunnaarluni atassuteqarneranik, upperisarsiortut aqutsisuata ingasattumik atornerluineranut tamanna assinganik atuuppoq.«</p>
<p><b>§ 80.</b> Atoqatiginninnissamut saasaarisutut eqqartuunneqassaaq kinaluunniit ukiumigut misilittak-kamigullu inersimanerunerminik peqqarniitsumik atornerluilluni inummik 18-it inorlugit ukiulimmik kujannittoq, pinerluuteqartup nalusimanngippagu pineqartoq qassinik ukioqartoq imaluunniit tamatuma tungaatigut mianersuaalliorluni iliorsimaguni.</p>	<p><b>4.</b> § 80, <i>imm. 2-mi,</i> »allatulluunniit atoqateqarnikkut pissusilersortoq«-p kingorna ilanngunneqassaaq: » atassuteqarnerit kanngunarsaataasut atorlugit piitaajuitsuussusianik innarliisoq«.</p>



<p><i>Imm.</i> 2. Taamatuttaaq  eqqartuunneqassaaq kinaluunniit  inummiq 18-it inorlugit ukiulimmik  qitornassaminik  qitornarsiaminilluunniit imaluunniit  imminerminut ilinniartitassan-  ngortinneqarsimasumik  perorsagassanngortinneqarsimasumillu  kujannittoq allatulluunniit  atoqateqarnikkut pissusilersortoq  pinerluuteqartup nalusimanngippagu  pineqartoq qassinik ukioqartoq ima-  luunniit tamatuma tungaatigut  mianersuaalliorluni iliorsimaguni.</p>	
<p>§ 81. ---</p>	<p>5. § 81-p kingorna  ilanngunneqassaaq:  »§ 81 a. Pinerluttuliortup  eqqunngitsuliorfigineqartumut  kinguaassiuutitigut imminut  iliuuseqartitsinerani  aalajangersakkat §§ 77-imiit 81  ilanngullugu taamatuttaaq  atorneqassapput.«</p>
<p>§ 82. Inummik inuusuttumik  atornerluisimasutut  eqqartuunneqassaaq inuk peqataasoq,  inummiq 18-it inorlugit ukiulimmik  ilaatitsisoq pornografiimi  isiginnaagassioqataanermut,  iliortuusup ilisimappagu pineqartup  ukioqqortussusia tamatumunngalu  tunngatillugu mianersuaatsumik  iliorsimaguni.  <i>Imm.</i> 2. ---</p>	<p>6. § 82, <i>imm.</i> 1-imi,  »pornografiimi« ima  allanngortinneqassaaq:  »kinguaassiuutitigut  tunngasumik«.</p>

	<p>7. § 82-<i>ip</i> kingorna ilanngunneqassaaq:</p> <p>»§ 82 a. Pineqartup ukiui pinerluttuliortup nalunngikkunigit, imaluunniit tamatumunnga tunngatillugu mianersuaatsuliorluni iliuseqaruni, inuk, systematiskiusumik imaluunniit uukapaatitsiniarluni ukiuni misilittakkanilu pissutigalugit pisinnaatitaanani allanit pitsaanagerusut naleqarnerusutulluunniit imminut isigaluni, pineqartup kinguaassiuutitigut pinerluttuliorfigineqarnissaa siunertaralugu, inummut 18-it inorlugit ukiulimmut attaveqarnermik ineriartortitsisoq, isumapiloqarneq tunngavigalugu tatiginnilersitsiniaasutut, groomerisutut, eqqartuunneqassaaq.«</p>
<p>§ 85. Pornografiimik meeqqanut tunngasumik pilersitsinermut eqqartuunneqassaaq kinaluunniit 18-it inorlugit ukiullit assinginik imaluunniit filmilianik assigisaannilluunniit takusassianik pornografiskiusunik siaruarterisoq.</p>	<p>8. § 85, <i>imm. 1-imi</i></p> <p>»Pornografiimik meeqqanut tunngasumik« ima allanngortinneqassaaq:</p> <p>»Inummik inuusuttumik kinguaassiuutitigut innarliinermut</p>

<p><i>Imm. 2. Inuk 18-it inorlugit ukiulik pillugu assinik imaluunniit atortussanik taassuma kinguaassiuutitigut innarlerneqarneranut tunngassuteqartunik siaruarterinerit unerlunnermut tunngasunik imaluunniit filmilianik assigisaannilluunniit takusassianik imalunniit internetikkut assigisaatigulluunniit paasissutissanik siammarterinikkut pornografiskiusunik pigisaqartoq imaluunniit akiliilluni takusaqartoq.</i></p>	<p>tunngassuteqartunik  siaruarterinerit« aamma  »assinginik imaluunniit  filmilianik assigisaanilluunniit  takusassianik  pornografiskiusunik  siaruarterisoq« ima  allanngortinneqassaaq:  »atortussat inummut  kinguaassiuutitigut  innarliinermut  tunngassuteqartut, soorlu assit,  filmiliat, atortussallu allat  assilillugit sanaqqitat,«.</p> <p><b>9. § 85, imm. 2-mi,</b>  »Taamatuttaaq pineqassaaq«  ima allanngortinneqassaaq:  »Inummik inuusuttumik assinik  imaluunniit atortussanik  inummut kinguaassiuutitigut  innarliinermut  tunngassuteqartunik  pigisaqartoq  eqqartuunneqassaaq«, aamma  »assit pornografiskiusut  imaluunniit filmiliat,  atortussanik inunnut  kinguaassiuutitigut  innarliinermut  tunngassuteqartunik  takusassianik allanik  assigisaannilluunniit assilillugit</p>
--	--

<p><i>Imm. 3.</i> Imm. 2-mi aalajangersakkamut ilaanngillat inunnik 15-inik ukioqalereersimasunik assilisanik, filminik assigisaannilluunniit pigisaqarneq, pineqartoq pigisaqarnermut akuersisimatillugu.</p> <p><i>Imm. 4.</i> Aammattaaq eqqartuunneqassaaaq kinaluunniit inummik 18-it inorlugit ukiulimmik assiliisoq, filmiliorloq assigisaannillu iliortoq pornografiskiusunik, assiliasat tuniniarnissaat allatulluunniit iliorluni siaruarternissaat siunertaralugu iliortup pineqartup ukioqqortussusia ilisimappagu tamatumunngalu tunngatillugu mianersugaalliorluni iliuuseqarsimaguni.</p>	<p>sanaqqiinerit« ima allanngortinneqassaaq: »atortussat inunnut kinguaassiuutitigut innarliinermut tunngassuteqartut, soorlu assit, filmiliat, assilillugillu sanaqqiinerit takuneqarsinnaasut allat«.</p> <p><b>10.</b> § 85, <i>imm. 3-imi</i> »assit, filmiliat assigisaalluunniit« ima allanngortinneqassaaq: »atortussat inunnut kinguaassiuutitigut innarliinermut tunngassuteqartut«.</p> <p><b>11.</b> § 85, <i>imm. 3-mi</i> »assinginik pornografiskiusunik, filminik assigisaanilluunniit« ima allanngortinneqassaaq: »atortussat inunnut kinguaassiuutitigut innarliinermut tunngassuteqartut, soorlu assit, filmiliat assigisaalluunniit«.</p>
--	--

<p>§ 93. Inunnik nioqquteqarnermut eqqartuunneqassaaq kinaluunniit inunnik katersisoq, angallas- sisoq, nuutsitsisoq, inisimatitsisoq imaluunniit kingusinnerusukkut tigusaqartoq, makkuninnga atuiso- qarlungi imaluunniit atuisoqarsimalluni</p> <ol style="list-style-type: none"> <li>1) § 91 naapertorlugu inatsisit unioqqutillugit pinngitsaaliineq,</li> <li>2) § 92, oqaaseqatigiit siullit naapertorlugit kiffaanngissusiaaneq,</li> <li>3) § 98 naapertorlugu siorasaarineq,</li> <li>4) paasinerluinermik inatsisinut akerliusumik pilersitsineq, sakkortusaaneq atonerluinerluunniit, ima- luunniit</li> <li>5) allatut ittumik assuarnartumik periuseqarneq siunertaralugu pineqartumik atonerluinissaq kinguaassiuutitigut kanngunartuliornikkut, pinngitsaaliil- luni sulisitsinikkut, inussiaateqarnikkut imaluunniit pissutsitigut inussiaateqarnermut eqqaanartutigut imaluunniit timip atortuinik piaanikkut</li> </ol> <p><i>Imm.</i> 2. Taamatuttaaq pineqassaaq kinaluunniit kinguaassiuutitigut kanngunartuliortitsinikkut, pinngitsaaliilluni sulisitsinikkut, inussiaateqarnikkut imaluunniit pissutsitigut inussiaateqarnermut eqqaanartutigut imaluunniit timip atortuinik piaanikkut pineqartumik atonerluinissaq siunertaralugu</p> <ol style="list-style-type: none"> <li>1) inunnik 18-it inorlugit ukiulinnik katersisoq, angallassisooq, nuutsitsisoq, innisimatitsisoq</li> </ol>	<p>12. § 93, <i>imm.</i> 1-imi aamma 2- mi, »pornografiskiusunik« ima allanngortinneqassaaq: »assit imaluunniit atortussat inunnt kinguaassiuutitigut innarliinermut tunngassuteqartut, soorlu« aamma »pornografiskiusunik« ima allanngortinneqassaaq: »kinguaassiuutitigut«.</p>
--	---

<p>imaluun- niit kingusinnerusukkut tigusaqartoq, imaluunniit 2) inuk pinerlineqartumut oqartussaasoq atornerluinissamut akuersisinniarlugu akiliuteqartoq allamilluunniit iluaqutissiisoq, aamma kinaluunniit taamatut akiliummik iluaqutissiisummilluunniit allamik pissarsiaqartoq.</p>	
	<p style="text-align: center;"><b>§ 2</b></p> <p>Inatsimmut nalunaarut nr. [...], malillugu Kalaallit Nunaanni eqqartuussisarnermik inatsitsimmi allannguut tulliuttoq suliarineqassassaaq:</p>
<p>§ <b>333.</b> Nakuusemermut imaluunniit taamaaliomissamik qunusaarinnermut tunngatillugu pinerluttuler- inermi inatsimmi § 37-mik imaluunniit §§ 74-imik, 77-81-imik, 84, imm. 1-imik, tak. 12, 88-89, 90, imm. 3, 91-92, kiisalu 112-imik unioqqutitsineq pillugu suliaassani eqqartuussisut pinerlineqartumiit noqqaavigineqamik illersuisumik ivertitsisassapput taassumunnga tapersersuillunilu ilitersuisuus- samik, ivertitsisoqassanngilarli inatsisinik unioqqutitsineq ilungersunartuunngippat imaluunniit illersui- sumik ikiortissaqartitsinissaq pisariaqanngitsutut isigineqartariaqarpat.</p>	<p>§ 333, imm. 1-imi, <i>oqaaseqatigiinni siullerni, »§</i> 77-81,«-ip kingorna ilanngunneqassapput: »§§ 77- 81 malillugit § 82 a«, aamma <i>oqaaseqatigiit aappaanni, »§§</i> 74 aamma 77-81« ima allanngortinneqassapput: »§§ 77-81 aamma § 84 a malillugit § 74, §§ 77-81, § 81 a«.</p>

<p>Pinerlineqartoq 15-it inorlugit ukioqarpat illersuisussamik ivertitsivigineqarsinnaatitaavoq, suliassaq pinerluttulerinermi inatsimmi §§ 74-imut aamma 77-81-imut tunngasuuppat.</p> <p><i>Imm. 2-7. ---</i></p>	
---	--